

# WANTOK

NIUSPEPA BILONG YUMI OL PAPUA NIUGINI STRET! 30 YIA NAU

32 pes

Namba 1,372

Wik i stat long Fonde Oktoba 12, 2000

70t

**Gavman i no  
stretim Lo na  
Oda hevi**


pes 2

**Ol ripot  
bilong  
palamen**

pes 3

**Ipatas kros  
long raskol  
pasin**

pes 7



**Morobe So  
spesel ripot**

pes 12-16

## Pamuk bisnis i sapotim planti meri

**HELEN REI i raitim**

OL lain bilong mekim pasin pamuk (sex workers) na kisim mani i kisim tok stia long bihainim rot stret taim ol i go het long wok bilong ol.

Wanpela bikpela bung long dispela wik i tokim ol manmeri olsem taim ol i laik pamuk wantaim wanpela man o meri, ol i mas askim long yusim stretpela rot we ol i ken abrusim ol kain sik nogut.

Institute of Medical Research (IMR) i holim bikpela bung long dispela wik na tokim ol manmeri olsem ol i mas yusim kondom (gumi) taim ol i mekim wok bilong ol. I gat namba olsem 2000 i go antap long 5000 pamuk lain (sex worker) we ol i save kisim mani long salim skin i stap long Mosbi siti na ol i gat ol bikpela na strongpela grup bilong ol we i save ronim dispela bisnis. Wanpela bikpela grup i gat moa long 200 memba. Tasol 80 lain tasol i bin kamap long dispela woksop bung.

Planti pamuk lain o sex workers i save gut long ol yet bikos ol i kam long ol grup we i stap na strong pinis na oltaim ol i save stap long wanwan hap na strit insait

long Mosbi siti. Wanpela memba bilong dispela pamuk grup i tokaut long bung olsem em i save slip wantaim ol man long kisim mani. Tasol em i no save oraitim ol man husat i no laik yusim kondom.

Narapela i tok hotel we ol i save stap long en i save givim kondom na ol i save skelim long ol meri. Man i go pas long dispela woksop miting na IMR Research opisa Joe Anang i tok taim dispela projek bilong Trensex i bin stat long 1996, planti lain meri i no save yusim kondom. Tasol nau planti meri i wok long yusim kondom. Trensex projek em AusAID i save givim mani na IMR i save karimaut.

Wok painimaut bilong IMR i soim olsem insait long 407 pamuk lain o sex workers insait long Lae na Mosbi 35 i gat sik AIDS taim ol i bin testim ol long 1998 na 1999.


Mista Anang i tok olsem wok painimaut ol i bin kamapim long 1996 i soim olsem planti pamuk lain i save gut dispela sik nogut AIDS. Tasol taim dispela trening progrom bilong Trensex i kamap, planti lain i save long dispela sik nogut na ol i stat long yusim kondom. Tasol bikpela hevi em planti man i no save laik yusim

kondom. Olsem na dispela bung i strongim tok olsem ol meri i noken slip wantaim ol man sapos i nogat kondom. Mista Anang i tok i gat planti man i laik baim ol meri na slip wantaim ol. Namba bilong ol man long mekim dispela i winim namba bilong ol meri husat i stap long dispela bisnis tude. Olsem na dispela i mekim bisnis ya i wanpela strongpela bisnis.

Em i tok planti man husat i save laik givim mani long ol meri na slip wantaim ol em ol lain olsem PMV draiva, ol lain bilong salim buai, sekyuriti gad, ol soldia na ol pablik sevans. Tasol i gat ol man long arapela wok na eria tu i save laik mekim olsem.

Mista Anang i tok IMR i no inap stapim dispela pasin tasol ol i laikim ol meri i mas bihainim rot stret long abrusim ol sik nogut bikos planti meri i pamuk bikos em wanpela rot tasol bilong kisim mani na lukautim ol yet na famili bilong ol na baim ol arapela samting ol i sot long en.

Ol meri i kisim tok lukaut tu long ol man nogut husat i save holim ol meri na bagarapim ol.



**Bilas bilong Hailans ya i kukim ples!** • Dispela man i bilas gut tru na kamap long ples Pureni, Koroba insait long Sauten Hailans we Gavana Anderson Agiru i bin givim sampela mani long helpim skol i sanapim ol top ap klasrum na tu sapotim Koroba Haus sik. Gavana i bin givim mani inap long K20 millien bilong go hetim ol kainkain projek. Foto: PEKU PILIMBO.

## CMB laikim K2 millien long helpim kopra bisnis

**VERONICA HATUTASI i raitim**

WANPELA pepa i stap nau long kisim K2 millien dinau mani long Papua Niugini Benking Koporesen (PNGBC) bilong helpim kopra bisnis na ol groa long kantri namel long nau na Desemba bikos kopra prais i no gutpela.

Siaman bilong Kopra Maketing Bot (CMB) Jerry Nalau i bin tokim. Wantok olsem Bod i bin bung na glasim na skelim hevi i stap nau long kopra bisnis na ol groa.

Pe long wanpela ton kopra i go daun long K249 tasol taim

prais long wol maket i stap gut, pe i save gutpela na ol groa i save kisim namel long K700 na900 long wanpela ton.

Mista Nalau i tok ol i givim dispela sabmisen pepa i go long Praim Minista Sir Mekere Morauta na Agrikalsa Minista Mao Zeming long lukluk na Nesenel Eksekutiv Kaunsil i ken mekim disisen long en.

Long Palamen las wik, Sir Mekere na Mista Zeming i bin tok gavman bai helpim kopra bisnis we i stap long hevi bikos prais bilong kopra long wol maket i pundaun.

Long ol yia bipo taim prais bilong kopra i pundaun, gavman i save givim prais sapot.

Na tu ol i save kisim helpim long Stébeks fan.

Mista Nalau i tok sapos ol i kisim dispela K2 millien dinau mani o ovadraf ol i ken helpim ol groa taim ol i peim K100 moa antap long ol wan wan ton kopra bilong ol.

Tasol em i tok bipo beng i givim dinau mani, em i laik lukim ol plen bilong CMB na rot we bai em i yusim dispela mani long en. Mista Nalau i tok ol groa long ol ples i kisim taim tru bikos ol i tromoim bikpela mani long trenspot long kisim ol kopra i go long bris.

Em i tok ol i tromoim bikpela mani na taim ol i salim kopra, ol i karim liklik mani tasol long

han bilong ol i go long ples na olsem i moabeta long gavman i givim sapot long ol nau.

Ol groa i putim bikpela hatwok long katim na smokim kopra na taim ol i kisim dispela kain mani, ol i les na ol i no moa laik wokim kopra.

"Kopra em i bun bilong moa long wan millien pipel insait long 14 nambis provins bikos ol i save kisim mani long sapotim ol famili, peim ol skol fi na ol arapela samting moa," Mista Nalau i tok.

Em i tok em i amamas long lukim olsem ol provinsel gavman long Wes Nu Briten na Nu Ailan bai helpim ol groa bilong ol taim ol i bungim hevi i stap.

**Nestlé MILO**

**IKEN WOKIM GUTPELA SAMTING LONG YU**



# PLIS RIPOOT

## Hagen, Westen Hailans:

Plis long Hagen i karim wok painimait long painim ol trabelman husat i bin bagarapim tripela nes long Hagen haus sik long dispela wik.

Bikos long dispela trabel, Hagen Jenerel Hospital i pas na i no kisim ol sik manmeri.

Long dispela wik ol wok manmeri long haus sik i bin givim wanpela petisen i go long Gavana Pater Robert Lak, administreta Dokta Thomas Webster na deputi Wai Repa we i autim wari bilong ol long ol hauslain bilong ol trabel man i peim kompensesen long tripela nes i kisim bagarap na givim nupela ka tu long haus sik bilong kisim ples long dispela we ol raskol i bin stilim.

Eking Provinsel Plis Komanda Allan Kundi i tok plis i wok hat long traim painim na holim pasim ol trabel man husat i stap long dispela samting.

Em bin tok ol lain i wokim dispela pasin em ol dog ya na pablik i mas givim luksave i go long ol wok manmeri long haus sik bikos ol i lukautim laip bilong pablik.

Sief eksekutiv opisa bilong haus sik Dokta Alphonse Tay i tok sapos ol i no stretim askim bilong ol nes, haus sik bai i stap pas yet.

## Mosbi:

Foapela man i bin dai na planti manmeri na pikinini i bin kisim bagarap long wanpela wanpisin pait long Morata sabab long Mosbi long las Sande, plis ripot i tok.

Wanpela i bin dai taim wanpela han bom i pairap na narapela tripela em ol i katim nek bilong ol insait long pait.

Plis ripot i tok trabel i bin stat taim sampela spak man i tromoim han bom long wanpela haus long Morata long las Fraide nait we wanpela amn i bin dai long en.

Narapela tripela em ol bin kukim ol dai wantaim haus taim ol i wokim peibek long dispela samting.

Eking Plis Komisina JOseph Kupo i tok ol kain wanpisin pait i mas stap long ples na ol i noken karim i kam long taun.

Long Kaugere ripot i tok wanpela raskol grup i bin stilim mani bilong PMV bilong narapela grup. Long peim bek ol lain bilong narapela grup i kukim ol haus na tu tupela man i kisim bagarap long en.

## Madang:

Plis long Madang i holim pasim 26 setelmen man bilong kukim sevenpela haus na wanpela tred stoa bilong ol pipel long ples Usino long Madang provins.

Provinsel Plis Komanda Samson Mapi i tok trabel i bin stat long Fonde las wik taim wanpela raskol grup i hensapim wanpela PMV bas na ol i stil, ol bek, mani na kamapim bagarap long tupela pasindia.

Samting ya i bin kamap long Kamakama we i stap long Usino-Bundi jansen.

Mista Mapi i tok bas na ol pasindia i bin ronawe tasol bipo plis i go kamap long hap we trabel i kamap long en, ol setelmen lain i pulapim tripela trak na ol i go long kamapim pait wantaim ol pleslain bikos ol i tok ol lain bilong ol i wokim trabel.

Ol bin kukim sevenpela haus na stilim K300 long stoa na tu go long ol haus bilong ol Usino pleslain na stilim ol samting.

# Ol Madang skul i sot long skul saplai

## HELEN REI i raitim

MADANG Provinsel Meteriel Saplai divisen i sot long ol saplai na i bin askim wanwan skul long traim kisim saplai bilong ol long narapela hap long stretim skul bilong ol sumatin.

Madang Metiriel Opisa Herbert Kaing i tok opis bilong em i gat ol buk bilong ol gret 7 na 8 pikinini tasol i stap. Na nogat narapela samting moa.

Mista Kaing i tok provinsel gavman i bin givim K3.1 milien bilong skul saplai wantaim ol liklik samting na skul eksasais

buk tu.

Provinsel gavman tenda bod i long tripela wik i go pinis i bin bung na givim kontrak long saplaim ol skul meteriel i go long wanpela lokel kampani.

Mista Kaing i no tok klia long wanem ol narapela samting tenda bod i tok tasol em i tok em laik bai kampani ya i givim saplai long ol skul hariap bai ol pikinini i ken skul gut.

Em i tok ol sampela skul we ii sot long ol saplai em ol i tokim ol long askim ol papamama long peim ol dispela saplai.

Em i tok ol bod ov manesmen long wanwan bilong dis-

pela ol skul i mas tok klia wanem samting ol bai mekim long skul saplai i go stret long wanwan skul.

Mista Kaing i tok nesenal gavman i givim pinis saplai long ol hai skul, vokesenel na elementri na komyuniti skul i no kisim saplai bilong ol yet.

Em i tok AusAID i bin givim pinis ol sampela meteriel tasol dispela i bilong elementeri 1 i go long 3.

Em i tok tu olsem nesenal gavman i givim mani bilong em i go stret long ol skul na provinsel gavman tu bin givim sait bilong mani em bai givim long wanwan skul pinis. Em i tok ol i wok nau long traim

skelim ol samting bai ol skul i ken kisim.

Provinsel Bod eksekutiv opisa John Tomongo i tok kontrak bilong skul saplai i go pinis long Momase Skul Saplais long givim aut ol saplai long wan wan skul.

Em i tok tok tru namel long kampani i no stap tasol sapos kampani i tingting long bekim dispela askim na kisim wok bilong saplaim ol samting, em kampani yet i mas kam na tok klia na stretim dispela ol samting bilong wok hariap.

Em i tok kampani i mas lukim Tenda Bod long pinisim olgeta toktok na stat saplaim ol samting long wanwan skul.



Ol bikman klinim nambis! • Plis minister Mathias Karani, Prait Minista Sir Mekere Morauta na bos bilong Eda Ranu Jamie Maxtone-Graham i helpim long klinim nambis. Foto: FRANCIS BENNY.

# Nupela environmen lo senta bilong helpim ol papagraun

## JOE KANEKANE i raitim

OL PAPAGRAUN long kantri i gat wanpela senta we ol i ken kisim helpim long en taim ol i bungim hevi long ol bus, graun, ol diwai na wara samting.

Dispela i kamap bihain long ol i kirapim wanpela nupela Environmen Lo Senta (ELC) long Mosbi bilong helpim ol papagraun long ol provins i gat planti samting long ol i ken lukautim ol bus, graun, wara na ol samting i stap long ol.

Dispela Senta i stap long Malagan Haus long Boroko.

Stat long las yia Senta i kirapim opis em i helpim pinis 11-pela papagraun insait long kantri.

Liesen manesa bilong Senta Ursula Rakova i tok planti papagraun grup i soim laik na ol i save go lukim ol lain long Senta.

"Mipela i kirapim opis na i wanpela yia pinis na i gat intres i kam long ol papagraun. Mipela i bilip olsem planti moa papagraun bai lukim mipela bikos ol i save bungim planti hevi we mipela i ken helpim ol long en. Sampela long ol sevis em mipela i save givim fri, " Ms Rakova i tok.

Ms Rakova i tok Senta i tagetim ol spesel provins na i toksave long ol papagraun olsem sapos ol i kam long ol dispela provins, ol bai ino inap helpim ol.

Em i tok opis i save givim ol etvais o stiatok long environmen o ol samting i karamapim graun, bus, ol diwai na wara, maining, polusen, bagarap long solwara na ol samting i stap insait long en, iligel fising, lukautim wailaip, lejislessen na ripot long ol bagarap i kamap long environmen.

Em i tok bikpela samting em senta i laik helpim ol papa bilong ol risos long ligel sait bilong ol projek.

Em i tok planti ol keis Senta i lukluk long ol em ol tes keis wokim lo na wok long lukautim environmen.

Em i tok ol papagraun na komyuniti grup husat i gat bilip long ol environmen isu i ken kontribut long rot bilong lukautim em.

# Gavman i no wari long hevi bilong lo na oda, Skate i tok

## YAKAM KELO i raitim

HEVI bilong lo na oda i bikpela insait long kantri tasol Gavman i no mekim wanpela wok long stretim, Oposisen lida Bill Skate i tok.

Mista Skate i mekim dispela toktok bihain long ol bikpela trabel olsem kilim na i dai long Mosbi siti, bagarapim tri nes meri long Hageh na ol bikpela stil pasin we i wok long kamap insait long ol bikpela taun na siti insait long kantri.

Mista Skate i tok long Mosbi siti yet, las wiken i bin gat planti trabel tru we bikpela pait i kamap long Morata we foapela man i dai, ol i yusim bom long pait, pait i kamap long Kaugere we man i dai, pait i kamap tu long Sabama na 9 Mail setelmen long wiken.

Oposisen lida i tok i tru olsem hevi bilong lo na oda i wok long kamap bikpela tasol dispela Gavman i no mekim wanpela eksen tru long go insait na painim rot bilong daunim o stretim dispela hevi.

Em i tok Gavman i mas go sindaun klostu wantaim ol pipel na toktok wantaim na luksave long as tru bilong hevi i save kamap. Ol i mas yusim grup bilong lo oda na jastis long go insait long ol komyuniti na sindaun toktok wantaim ol pipel.

Mista Skate i tok i gat ol as we ol bikpela trabel na hevi i save kamap long en. Sampela as em olsem i nogat gutpela Gavman sevis long ol pipel, nogat mani, nogat wok na ol arapela helpim bilong Gavman i nogat long ol pipel. Olsem na ol dispela kain samting i save pusim ol manmeri long mekim trabel. Tasol em i tok i em i no sapotim ol trabel lain long mekim trabel tasol em i ting olgeta manmeri i gat save na tingting na ol i mas yusim gutpela tingting bilong ol long respektem laip na sindaun bilong arapela manmeri insait long komyuniti.

Em i tok hevi bilong lo na oda em hevi bilong kantri na Gavman yet i mas sanap pastaim long kamapim ol rot bilong daunim na stretim.

Sapos Gavman i no mekim wanpela samting long ol dispela hevi we i wok long kamap bikpela insait long kantri, em i soim olsem Gavman i no wari long laip na sindaun bilong ol pipel long kantri.

Em i sutim tok tu long Gavman i no mekim wanpela gutpela polisi toktok long pait namel long tupela bikpela kantri long Palestina na Isrel.

Em i tok Gavman bilong Sir Mekere Morauta i save kwik tru long go askim ol ovasis pren long kisim helpim. Tasol taim bilong kain hevi olsem, ol i no save mekim wanpela gutpela toktok long sanapim em yet long ai bilong ol dispela ovasis pren bilong Papua Niugini.

# WANTOK

All departments. Phone: 325 2500 • Fax: 325 2579  
P. O. Box 1982, Boroko, NCD, Papua New Guinea

Publishing Weekly, Thursday, for  
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Group Editor in Chief:  
Anna Solomon.  
Acting Advertising Manager:  
Jocko Oberleuter.

Papers distributed by air throughout PNG.  
Available by air mail subscription within Papua New Guinea and overseas

Editor of Wantok:  
Yakam Kelo.

Email address:  
word@global.net.pg

Advertising deadlines. Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

Edvetismen  
**SKOLASIP APLIKESAN**  
I gat skolasip aplikesen bilong neks yia 2001 i stap long we ol dispela lain i ken aplai long en:

- Ol disebel pipel o ol lain i gat sampela hap bodi bilong ol i bagarap
- Ol lain i wok long Disebel Sevis

Moa toktok long dispela samting na aplikesen pepa em yupela i i ken kisim long ol lokol Sevis Provaida o long Friends of the Disabled,

P O Box 10,  
Port Moresby, PNG  
Telipon/Feks namba em 3250414



Ol Palamen ripot wantaim YAKAM KELO

Makmop i Gavana tasol em nogat pawa

GAVANA bilong Westen provins Nober Makmop i laik save sapos em i stap Gavana yet o Gavman i rausim nem Gavana long em wantaim pawa bilong em.

Tasol Praim Minista Sir Mekere i tokim em olsem em i holim yet nem bilong Gavana bilong provins tasol em i nogat pawa. Bikos Nesenel Gavman i rausim pinis pawa bilong em long mekim wok.

Mista Makmop i tok tu olsem nau Provinsal Gavman bilong em i saspen o nogat pawa bilong mekim wok, olsem na em i laikim

sapos Praim Minista i ken makim wanpela lida bilong Westen provins olsem Minista we provins i ken i gat mausman insait long kabinet disisen.

Tasol Praim Minista Sir Mekere Morauta i tok dispela kain tingting olsem ol lida i ting ol i nogat man i makim ol insait long kabinet em ol i mas rausim. Maska wanpela provins i nogat Minista na mausman insait long kabinet, kabinet em bilong Papua Niugini. Olsem na dispela kain tingting i mas pinis nau, Sir Mekere i tokaut.

Gutpela wok kamap bai pulim mani i kam long Wol Beng

NAMBA tu helpim mani bilong Wol Beng i kam long Papua Niugini bai i no inap kam yet inap kantri i mekim sampela moa wok we i stret long ai na lukluk bilong Wol Beng. Praim Minista Sir Mekere Morauta i tokim palamen long Trinde aste olsem ol wok bilong kantri i no stret yet long laikim bilong Wol Beng. Bikos dispela namba tu helpim mani bilong Wol Beng i pas wantaim sampela

gutpela rot na wok we i mas kamap pas-taim na mani bai i kam.

Praim Minista i mekim ol dispela tok-tok long bekim askim bilong memba bilong Imbongu na Deputi Oposisen lida Peter Peipul olsem Wol Beng bai ino inap givim namba tu helpim mani long PNG inap Gavman i brukim nesenel baset bilong yia 2001 pastaim.

Bogenvil gavman i sot long mani bilong karimaut wok

VERONICA HATUTASI i raitim

BOGENVIL Interim Provinsal Gavman (BIPG) i no kisim mak long K30 milien we nesenel gavman i katim long baset bilong em long dispela yia. Olsem na em i no inap long karimaut ol wok bilong em gut long kisim sevis i go long ol pipel bikos mani i sot.

Ripot we Wantok i kisim long opis bilong gavana long Buka i tok provins i sapos long kisim K2.5

milien mani mak long wan wan munt tasol em i wok long kisim K800,000.

Na ripot i tok dispela mani inap tasol long peim ol woklain na i no long narapela samting.

Opis i tok bikos long dispela, ol i ino inap long helpim ol pipel long saut Bogenvil husat i bungim hevi long bikpela ren we i bin bagarapim ol i no long taim i go pinis.

Opis i tok kaikai i sot yet long saut Bogenvil tasol ol pipel i wokim ol saksak

samting na dispela i helpim ol i stap.

Opis i tok ol Dipatmen bilong Agrikalsa na Laipstok i wok long karimaut aweanes long Redio Bogenvil na tu go aut long ol komyuniti long givim ol stiatok long ol pipel long wanem ol kaikai ol i ken planim long abrusim taim bilong hevi na hangre.

Opis i tok em i sori long i no givim helpim long ol pipel i stap long taim bilong hevi tasol mani i sot na ol ino inap long wokim samting long dispela taim.

Bia i no laikim bai ileksen bilong Woitape presiden

MEMBA bilong Gollala Ajax Bia i askim opis bilong Provinsal na Lokol Gavman Afeas long stapim nupela presiden bilong Woitape bikos em i nogat bilip long pasin ileksen i bin kamap long makim em.

Mista Bia i mekim dispela toktok long palamen olsem taim Provinsal Gavman i rausim olpela presiden bilong Woitape Lokol Level Gavman, em i lukim olsem planti samting i no stret bihainim lo. Olsem na em i askim Dipatmen i go pas long sekim gut ol wok bilong nupela ileksen we i bin kamap na nau yet i no ken luksave long nupela presiden bilong Woitape inap olgeta wok painimaut bilong ol i pinis na klia.

Em i laikim i mas gat gutpela na stretpela ileksen i kamap long makim nupela presiden gen.

Ektim Minista bilong Provinsal na Lokol Gavman Afeas Vincent Auai i tok em i mas painimaut gut pastaim long wanem kain hevi tru i kamap long dispela nupela ileksen o bai ileksen bilong Woitape sit bilong presiden. Olsem na em bai larim Dipatmen bilong Provinsal na Lokol Gavman Afeas yet long lukluk insait gut long dispela na wanem eksen bai ol i ken mekim bihain long ol i klia gut long as tru na ol asua we i kamap.

Wenge laikim fektori bilong kukim gol na kopa

GAVANA bilong Morobe provins Luther Wenge i laikim Gavman i mas kamapim ples bilong kukim gol na kopa long Papua Niugini na i no ken salim ol gol na kopa i go long Amerika, Yurop na Japan moa.

Mista Wenge i tok olsem Papua Niugini gat planti risos tru tasol gol na kopa em tupela bikpela risos we kantri i save kamapim na salim i go stret long ovasis. Na ol i save kukim gen na rausim ol arapela risos olsem daimon na arapela moa we i save pas insait long kopa na gol.

Mista Wenge i tok long dispela as, PNG i save kisim liklik mani tasol long ol gol na kopa bilong em maski em i papa bilong ol dispela minerel. Olsem na em i laikim fektori bilong kukim gol na kopa stret long hia bai mipela i ken go het na sasim ol ovasis lain long baim gut na mipela inap pulim moa mani bilong kantri, em i tok.

Praim Minista Sir Mekere Morauta i tok dispela em wanpela toktok we olgeta pipel bilong

Papua Niugini i laik toktok long en na laik lukim i kamap. Olsem na em i mas givim gutpela ansa tru long dispela toktok.

Sir Mekere i tok olgeta gol na kopa taim i lusim PNG na i go long ovasis em ol i bilong PNG stret. Taim ol i kukim na rausim ol arapela risoses we i pas insait long gol na kopa, ol i kisim na rausim kos bilong kukim gol na kopa na salim i kam bek long PNG we Sentrel Beng i holim.

Tasol long wokim haus bilong kukim gol na kopa long hia, dispela em Gavman i mas glasim gut na skelim tru amas gol na kopa tru PNG i save kamapim. Na sapos mak bilong ol inap long wokim fektori bilong kukim kopa na gol long hia, orait gavman i ken go het long en, Sir Mekere i tok.

Narapela samting tu em sapos ol masin na ol save we i ken go wantaim long kukim kopa na gol long hia i ken isi long bungim wantaim bai dispela i ken mekim isi long kamapim dispela fektori bilong kukim kopa na gol, em i tok.

Ekstra mani bilong ol bus distrik i no klia yet

GIVIM sampela moa ekstra mani i go long ol distrik we i stap longwe tru long bikmaunten na bus em wanpela bikpela wanbel toktok we bung bilong Nesenel Developmen Forum i bin kamapim long Julai dispela yia na kabinet i bin sapotim.

Minista bilong Plening na Implimentesen Moi Avei i bin go pas long dispela bung na em i tok em i amamas olsem kabinet i bin oraitim ol toktok bung i bin kamapim. Olsem na long baset bilong 2001 bai Gavman i ken putim sampela ekstra mani i go antap long baset bilong ol distrik we i stap long bikbus na maunten. Dispela em ol distrik we developmen i no isi long go long ol bikos long bikbus na ol bikpela maunten wantaim bikpela wara.

Mista Avei i bin tokaut olsem bikpela wok bilong Gavman long mekim long dispela yia em long traim strong wok bilong rifom long i ken wok gut insait long ol provins na i go daun long ol distrik level. Olsem na i gutpela long ol kain distrik olsem i stap long ol longwe bus na maunten ples i kisim sampela moa ekstra helpim long sait bilong mani long ol wok developmen bilong ol. Na rifom sistem i ken wok gut bihainim dispela rot.

Mista Avei i bin tokaut tu olsem ol bikpela nesenel dipatmen tu bai kamapim ol rot we han bilong ol bai join

gut wantaim long holim ol liklik level gavman long ol distrik na ol provinsal wokmanmeri long karimaut ol wok bilong ol. Olsem na em i laik lukim olsem ol distrik na lowa level gavman i mas gat gutpela wokman, opis na ol samting bilong wok wantaim long opis long karimaut gut ol wok bilong ol.

Long haus palamen long aste, nesenel memba bilong Kabwum, Ginson Saonu i askim Praim Minista Sir Mekere Morauta sapos Gavman i luksave pinis long amaspela ol distrik we i nogat gutpela developmen long ol na makim pinis.

Mista Saonu i askim tu sapos ol dispela turangu distrik bai kisim ekstra mani antap long baset bilong ol long 2001 nesenel baset na wanem rot ol nesenel lida o memba bilong ol dispela turangu distrik bai stap insait long karimaut ol dispela wok.

Praim Minista Sir Mekere Morauta i tokaut olsem em i klia long dispela toktok. Tasol em i no inap tokaut long wanem samting bai Gavman i mekim nau inap em i glasim gen na lukim gut ol toktok we i stap long dispela pepa bilong oraitim ekstra mani bilong helpim ol turangu distrik insait long kantri. Bihain long em i lukim dispela pepa bai em i tokaut klia long wanem mak bai Gavman i sanap long en na kamapim.

FARMSET LIMITED




&



Day-old Chicks

+



Bikpela Hariap

=

PLANTI KINA

PROFIT OLGETA







# NIUGINI AILAN NUIS

FARMSET LIMITED  
RABAU  
PH: 982 1175  
FAX: 982 1176

## Watom Ailan LLG holim woksop bilong luksave long raits bilong pikinini

WATOM Ailan Lokol Level Gavman insait long Is Nu Briten i bin holim tripela woksop long luksave long raits bilong ol pikinini na tu ol pasin nogut we i save kamap long ol famili, komyniti na sosaiti long bagarapim ol pikinini.

Long Tok Inglis, ol i kolim dispela long Chuld Abuse.

Ol Welfea opisa bilong Rabaul Distrik i wok long karimaut aweanes long dispela samting insait long olgeta LLG long provins bilong kamapim aweanes long komyniti na pablik long rait bilong ol pikinini na ol kain bagarap na hevi we i save kamap long ol bihainim dispela.

Long Kombiu na Balanataman LLG na nau long Watom Ailan, ol i kirapim pinis Jail Abius Privensen Komiti.

Distrik Sosel Developmen opisa Christine Masiu i tok ol bai holim wanpela woksop long wankain samting long Rabaul LLG.

Misis Masiu i tok ol i bilip olsem bipo dispela yia i pinis, ol bai kirapim distrik Jail Abius Privensen Komiti.

Presiden bilong Watom Ailan LLG na Siaman bilong Komyniti Developmen Benson Tarara i bin opim woksop na Rabaul Distrik edministreta Isimel Puipui i bin pasim (woksop) long las Fonde.

## 12-pela kendidet resis long Is Nu Briten na Pomio open ileksen

TRIPELA kendidet i sanap resis long bai ileksen long Is Nu Briten rijinel sia taim nainpela i sanap long Pomio Open Ilektores.

Ilektoresel Komisina Reuben Kaiulo i tokaut long fainel lista bilong ol kendidet husat i resis long tupela sia long las wik.

Long rijinel sia tripela man i resis em long:

Leo Dion em eking gavana  
Reveren Albert Toburua na  
Ereman Tomete.

Ol nainpela kendidet long Pomio Open em long:

Allan Barnabas  
Paul Tientden  
Michael Komptagarea  
Edward Melo  
Allan Au  
Gererad Arua  
Gerard Lonaneso  
Simon Painap  
Francis Koimanres na  
Elias Pelindra Kapavore.

Mista Kaiulo i tok voting bai stat long Novemba 18 inap long Desemba 2.

Em i tok long wankain taim tu, ol bai karimaut rejistresen long ol manmeri husat i laik stap long 2002 jenerel ileksen.

Em bin tok olsem samting we i bin kamap long Jun long Is na Wes Nu Briten we ol askim ol pipel long sekim gen nem bilong ol wantaim ol rejistresen opis bihain ol i makim ol vot pepa bilong ol.

Mista Kaiulo i askim ol lain husat i no bin vot long 1997 nesenel ileksen bilong sekim nem bilong ol na putim nem bilong ol long komon rol buk.

Em i tok Manus na Nu Ailan provins i bin statim rejistresen program long dispela wik Mande, Oktoba 9 inap long de namba 27.

Em i strongim ol vota long tupela provins ya long sapotim Ilektoresel Komisina na rejistaim nem bilong ol na ol i ken vot long 2002 jenerel ileksen.

## Is Nu Briten gavman wari long marit i bruk hevi

IS NU Briten gavman i wari long ol hevi we ol bruk marit i kamapim na ol i laik stretim dispela samting.

Olsem na em i kari-maut wanpela wok painimaut long painim ol rot bilong stretim dispela hevi ya.

Komyniti Developmen Divisen i go pas long karimaut wanpela sevei long dispela samting insait long provins.

Dispela sevei i klostu pinis tasol wok i no pinis long Duk ov Yok Ailan.

Kodineta long dispela samting Base Igua i tok ol bruk marit i kamap olsem bikpela wari insait long Is Nu Briten na tu long wol tude.

Na em i tok bikos long dispela, ol pikinini i kam long ol bruk marit

em ol i save stap insait long ol kain trabel long sosaiti na komyniti tude.

Mista Igua i tok ol opisa bilong en i raun long ol kaunsil wod na toktok long ol bruk marit lain bilong painimaut as long ol i no stap wantaim moa, na tu ol i go insait long ol nupela marit.

Em i tok wok painimaut bilong ol i go gutpela na ol bai pinisim olgeta wok long en bipo long pinis bilong dispela yia.

Em i tok bihainim long olgeta wok painaut i pinis, ol bai glasim ol hevi i kamap na ol pikinini i no stap wantaim mama o papa na autim ol long ples klia bilong luksave watpo Is Nu Briten i wok long gat planti hevi long marit i bruk.

## WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko  
Telepon namba: 325 2500  
Feks namba: 325 2579  
email: word@global.net.pg

### PE BILONG WANPELA YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

## Gavana Nakmai apil long helpim ol kea senta pipel

GAVANA bilong Wes Nu Briten Clement Nakmai i singaut long donesen sapot bilong helpim moa long 3,000 pipel bilong en husat i lusim ol ples bilong ol na stap long tripela kea senta bihainim Maunten paia Ulawan we i bin pairap long Fraide Septemba 29.

Ol manmeri na pikinini bilong Ulamona, Ubili, Naua, Lolobau Ailan na ol wokman bilong Navo Plantesen (Hargy Plantesen) i stap nau long Bakada, Soi na Kabala kea senta.

Mista Nakmai i tok ol dispela pipel i laikim helpim, lukaut na sapot bilong ol arapela brata na susa insait long kantri nas olsem em i askim long ol wan wan man, ol grup na ol bisnis haus long givim mani na ol arapela samting bilong

helpim ol taim ol i stap long ol kea senta.

Em i tok ol pipel i laikim ol kanvas tent, ol moskito net, ol medikel saplai, ol teng wara na kontena, ol kaikai olsem rais, ol tin mit na pis, ol biskit na ol arapela samting moa olsem, ol lam, tos na kendol samting.

Mista Nakmai i tok mani donesen bai helpim baset sapot bilong provinsel gavman bilong en long lukautim ol dispela pipel na tu helpim ol long bilding ol rot, ol plen setelmen na ol i ken sindaun gut olsem bifo long en.

Em bin tok ol i ken yusim dispela mani long ol arapela hevi we bai i kam bihain. Na stat long 2001 baset, Provinsel Gavman bai katim gran mani long

helpim wok bilong disasta o taim bilong hevi insait long provins.

Mista Nakmai i tok ol grup husat i laik givim helpim long dispela apil i ken putim mani long Disasta Rilif fan bilong Provinsel Gavman anit long dispela beng akaun namba long Wetpac Kimbe brans, 600035007. Ol ken putim ol kes donesen long ol Westpac beng insait long klantri.

Bilong kisim moa toksave long dispela samting, pablik i ken toktok long Mista H Gorea long telipon namba 3214922, Mista P Koare long 3277655 na Mista M Turkia long 9835432.

Long dispela wik, ol bin skelim was long maunten paia long Ulawan i go daun long Stej wan.



## Singaut long ol eks paitman i helpim Bogenvil plis

SINGAUT i go long Bogenvil edministresen na opis bilong Bogenvil Afeas long putim ol eks paitman i wok wantaim plis long lukautim lo na oda long ailan.

Dispela singaut i kamap bikos lo na oda hevi long Buka taun i wok long go antap.

Olsem na singaut i go long nesenel gavman bilong katim mani long karimaut wok long daunim ol lo na oda hevi long ailan.

Ol Bogenvil Revoluseneri Ami komanda bilong not Bogenvil husat i memba long Not Bogenvil Pis na Aweanes Komiti long las wik Fraide i bin bung long autim wari bilong ol long pasin bilong brukim ol stoa na stiiim ol samting.

Ol komanda i tok wanpela rot tasol we bai ol plis i stapim lo na oda hevi long ailan em long larim ol foma BRA na resistens memba i go insait long ol wok bilong lukautim lo na oda insait long ol komyniti na provins.

Ol komanda i bin tok strong long Provinsel edministreta John Siau long askim nesenel gavman long mani bilong karimaut wok bilong daunim lo na oda hevi we ol i tok i bin ron gut long 1997 na 1998 tasol nau mani i sot na i no gat mani long

ronim ol dispela program moa.

Tupela mausman bilong grup Francisco Hopping na Patrik Nisira i tok sampela stil pasin we i bin kamap long Septemba 16 i soim olsem ol yangpela i brukim ol toktok we ol i bin pasim long sis paia agrimen long inapim laik bilong ol yet.

Long Septemba 16, sampela bikhet manki i bin hensapim menesa bilong Elutu investmen long Buka taun na stiiim moa long K13,000.

Long narapela tu, ol stiiim na bin stiiim 25 katen bia long stoa bilong Distrik Menesa na long narapela, ol stiiim na bin stiiim sevenpela taia long Matanhei Sevis stesen long Buka taun.

Mista Hopping i tok dispela piksa i soim olsem ol plis i no inap long lukautim lo na oda ol yet taim ol yangpela i holim yet ol gan.

Em i tok long Silva jubili selebren wanpela BRA komanda bilong Telei insait long Buin, saut Bogenvil i bin yusim tupela M16 na tupela pam eksen raifel.

Long narapela, wanpela resistens komanda long Buka Ailan i wok long holim wanpela provinsel gavman ka taim wankain i kamap long Nagovis insait long Bana eria long saut Bogenvil.





# SEPIK NIUS

FARMSET LIMITED  
BUTIBUM RD. LAE  
PH: 472 2880  
FAX: 4782 5178

## Tingting bilong muvim Vanimo haus kalabus

OL Atoriti bilong Koreksenel Institusen Sevises na Sandaun Gavman i wok long lukluk na skelim ol tingting bilong rausim Vanimo Haus Kalabus long graun em i stap long en nau.

Na painim wanpela nupela hap graun we i bikpela na tu i stap ausait long Vanimo taun. As bilong kamapim dispela tingting em bikos graun nau haus kalabus i stap long en i liklik tumas. Olsem na ol kalabus i no save kisim skul long ol kainkain wok taim ol i stap long kalabus. Save ol i kisim bai i helpim ol long bihain taim bilong ol taim ol i pinis kalabus na go bek long sindaun long komyuniti.

Dispela tingting i kamap ples klia bihainim wanpela wokabaut we Minista bilong CIS Micah Wes na CIS Komisina Ken Serupi wantaim Asisten

Komisina, Sapot Sevises Yagi Toua i bin mekim i go long Sandaun i no long taim i go pinis. Long dispela wokabaut i go long Sandaun, ol bikman ya i strongim tingting long opis ol Rurel Lokap o liklik haus kalabus insait long sampela distrik long provins em ol bai i makim bihain.

Ol ripot i tokaut olsem Sandaun Gavman i luksave long dispela hevi wantaim tu ol narapela hevi i stap pinis long Vanimo Haus Kalabus. Bikos long ol dispela hevi na bagarap i kamap long Vanimo, olsem na insait long nupela Taun Plening Sandaun Gavman i kamapim pinis, Gavman i putim tu dispela plen bilong muvim Vanimo Haus Kalabus i go long nupela hap.

Tingting bilong muvim Vanimo Haus Kalabus i wanpela long ol samting Provinsel Plening Bod i

givim tok orait pinis wantaim nupela Taun Plen bilong Aitape na Wutung. Gavman tu i gat tingting long muvim PNGDF Bareks mipela i lukluk long tingting bilong muvim i go long Bewani o sampela hap, tasol Bod i no kamapim yet wanpela tingting long dispela", Mista Sungi i tok.

Long dispela taim tu, CIS Minista i soim bel kros bilong em long taim em i tokaut olsem Sandaun long longpela taim tru i bin slek na i slo tru" long kamapim 5 Yia Plen bilong provins bai i ron olsem wanem. Em i tok, nogat plen i min i nogat developmen na piksa tru i soim olsem developmen bilong Sandaun provins i stap longwe tru long ol narapela provins insait long kantri.

"Na mi salensim yupela ol lain

i stap nau long pawa insait long Sandaun. Yupela i mas wok bung na painim wanem rot Sandaun bai i wokabaut long en long trupela mining bilong developmen. Olgeta ol samting i mas stap insait long 5 Yia Plen, olsem bai i isi long bihainim ol wok kamap bai i kamap long wanem ol yia."

Minista bilong CIS i tokaut tu olsem em i amamas olsem i gat graun pinis i redi long muvim Vanimo Haus Kalabus i go long en. Dispela i no min olsem bai ol i muvim haus kalabus hariap, bikos i gat bikpela wok i stap yet long painim mani long lukim dispela tingting i karim kaikai.

Mista Wes i tok, dispela i min tu olsem bai Dipatmen i painim mani tu na karimaut wok mentenens long haus kalabus nau i stap.

## Kalabus lain inap harim redio, lukim televisen na ritim niuspepa

FELIX RAMRAM i raitim

OL kalabus i ken "harim redio, lukim televisen na ritim niuspepa" insait long ol haus kalabus long Papua Niugini. Komisina bilong Koreksenel Sevises Ken Serupi i bin mekim dispela toktok i go long ol kalabus long Vanimo.

Taim em na Asisten Komisina, Sapot Sevises, Vagi Toua i bin mekim wanpela wokabaut wantaim CIS Minista Micah Wes long las mun i go long Vanimo.

Komisina Serupi i tokim ol kalabus long Vanimo olsem Vanimo Haus Kalabus i gat gutpela ripot tru long ol narapela haus kalabus insait long Papua Niugini.

Dispela em bikos ol kalabus i save harim tok bilong ol opisa husat i save lukautim banis kalabus. Na tu olsem ol kalabus yet i no kamapim sampela kain bikhet pasin. "Vanimo Haus Kalabus i gat wanpela gutpela ripot tru. Ol ripot i tok olsem i kam inap nau, ol kalabus long Vanimo i no bin traim long brukim na ronowe lusim haus kalabus. Vanimo nogat dispela kain trabel taim ol narapela senta dispela trabel i kamap planti taim pinis. As bilong dispela i kamap em bikos sindaun bilong ol insait long haus kalabus i nogut.

Tasol, maski i gat hevi bilong ol bilding i olpela na bruk bruk na tu i nogat inap spes. Yupela ol lain long Vanimo i stap isi", Komisina Ken Serupi i tokim 60 kalabus long Vanimo Haus Kalabus. Em i tokaut tu olsem wanem ol narapela hevi em Vanimo Haus Kalabus i gat i wankain tasol olsem ol narapela haus kalabus insait long kantri. "Tasol luksave bilong mipela em Vanimo bagarap tru taim ol narapela i orait liklik.

Tasol yupela i bin stap isi na harim tok bilong ol woda husat i save lukautim yupela. Olsem Komisina, mi laik tok tenkyu long gutpela pasin yupela i kamapim insait long Vanimo Haus Kalabus. Na tu dispela piksa i soim tu gutpela wok ol opisa husat i stap hia i mekim wantaim helpim bilong yupela. Wankain long yupela ol kalabus lain, ol opisa tu i nogat gutpela sindaun. Bikpela samting em, dispela luksave na gutpela namel yupela ol kalabus lain i kamapim wantaim ol opisa long Vanimo rekot insait long Papua Niugini.

Wankain long yupela ol kalabus lain, ol opisa tu i nogat gutpela haus na Minista wantaim mi luksave long dispela hevi", Komisina Koreksenel Sevises i tokaut.

Bikos long gutpela pasin bilong ol kalabus lain long Vanimo, na tu bihainim ol askim i kam long ol kalabus. Sapos inap ol kalabus i ken kisim tok orait long harim redio, lukim televisen na ridim ol niuspepa na narapela gutpela buk insait long haus kalabus. Bihainim dispela askim bilong ol kalabus lain ya, Komisina Serupi i tok: "Dispela i nogat samting long en. Long lukim televisen, ridim ol gutpela buk na niuspepa em i orait.

Sapos dipatmen i no inap givim yupela dispela ol samting, ol narapela lain i ken givim long yupela.

Tasol olgeta pawa bilong rausim dispela amamas samting i stap long han bilong Komanda bilong haus kalabus. Olsem Komisina mi oraitim dispela long kamap.



## Samapim morata bilong haus

• Tupela mama ya Maria Haroga (Iephan) na Kongi i sindaun samapim morata long ples Mengar. Yu save, morata haus i bun bilong ol haus long Is Sepik.

## Ol CIS bosman sekim Vanimo haus kalabus

VANIMO Haus Kalabus i kisim bikpela mekim save stret long gat planti samting i no stap gut. Ol haus slip bilong 2-pela lain - ol singel na marit opisa i bruk bruk wantaim planti hol na i bagarap tru.

Opis bilong Vanimo Haus Kalabus tu ol i nau senisim o karim aut wok mentenens long en hariap. I go wantaim nogat inap spes long dispela haus kalabus long opim i go bikpela.

Olgeta dispela samting i as ol atoriti bihong helt long Vanimo i bin klosim Vanimo Haus Kalabus long mun Februari las yia. Insait long wanpela wokabaut em 3-pela bikman bilong CIS i mekim i go long Vanimo long nambawan wik bilong Septemba. Em long "lukim long ai" wanem ol bagarap na hevi i stap long graun. Olsem taim ol bikman i mekim disisen long mentenens wantaim tu ol narapela wok kamap bilong Vanimo haus Kalabus. Ol bai inap long mekim gutpela na stretpela disisen long gutpela bilong olgeta.

Long namba 6 de bilong Septemba, Minista bilong CIS na memba bilong Vanimo/Green, Micah Wes, wantaim 2-pela

bosman bilong CIS. Komisina Ken Serupi na Asisten Komisina, Sapot Sevises Vagi Toua.

Tripela i bin inspektim Vanimo Haus Kalabus eria, na ol i painim olsem bikpela bagarap tru i stap long dispela haus Kalabus. 3-pela tu i luksave olsem sel bilong ol kalabus man long wanpela sel blok. Tasol nau i gat 60-pela man i stap kalabus. Wokabaut bilong CIS Minista on 2-pela Komisina ya i nambawan wokabaut bilong planti narapela wokabaut ol bai mekim i go long ol haus kalabus long kantri.

Long lukim ol kain sindaun, harim na lukim hevi ol kalabus lain na ol opisa i gat insait long wanwan haus kalabus.

"Vanimo em nambawan hap mipela i kam long en. Mipela bai mekim wankain wokabaut tu i go long ol narapela haus kalabus long lukim na tu kisim sindaun bilong ol kalabus. Na sem taim tu luksave long sindaun, bilong ol wokmanmeri bilong ol haus kalabus.

Na sem taim tu luksave long sindaun bilong ol wokman meri bilong ol Haus

Kalabus. Wokabaut bilong mipela Vanimo i no bilong bringim o givim sampela gutpela samting. Kam biong mipela em long luksave long ai bilong mipela wanem ol hevi na bagarap i stap hia.

Em i nogut long mekim ol disisen long opis taim mipela i no luksave long trupela piksa bilong ol samting i stap long Vanimo Haus Kalabus", CIS Komisina Ken Serupi i tokim ol kalabus na opsia bilong Vanimo Haus Kalabus.

Komisina Serupi i tokaut tu olsem, ol hevi na bagarap Vanimo Haus Kalabus i bungim i wankain tasol long ol narapela haus kalabus insait long Papua Niugini. Em i tok, ol dispela hevi na bagarap i stap longpela taim bikos long hevi bilong nogat mani em kantri i wok long bungim long dispela taim. Komisina Ken Serupi i tokaut olsem wanpela CIS tim tu bai kamap long Vanimo liklik taim. Wok bilong dispela lain em long luksave long ol samting i bagarap em mekim ol na putim insait long wanpela program em AusAid bai i helpim long givim mani long stretim ol.

trukai.  
RICE



SAPOS NAMBA BILONG YU ISTAP LONG HIA! YU WINIM K200

F00379416 800353995 800466699 000067846  
C00509427 E00048920 C00205612  
000480034 E00262400 800675617

LONG KISIM WIN MONI BILONG YU, SALIM LAKI PAK IGAT WIN NAMBA IKAM LONG TRUKAI INDUSTRIES, P.O. BOX 380 PORT MORESBY.





# SAUTEN RIJON

**FARMSET LIMITED  
WAIGANI**  
PH: 323 1467  
FAX: 323 0849

## Gerehu BSP sevis senta pas

**FAY DUEGA i raitim**

SEVIS senta bilong Saut Pasifik Beng long Gerehu insait long Nesenel Kapitel Distrik i bin pas long las Fraide.

Dispela i kamap bikos long nogat gutpela komyuntii sapat, Pablik Riesen manesa Stacey Levakia i tok.

Gerehu sevis senta bilong BSP i bin op long las yia tasol i luk olsem nogat planti lain tumas i wok long yusim dispela sevis na olsem ol i pasim.

BSP i bin kamapim histri taim em i opim Gerehu sevis senta na em i save op long Mande inap long Sarere. Dispela i bin helpim gut klostu 23,000 pipel i save stap long Gerehu eria na tu ol kastoma bilong ol arapela hap long siti husat i gat akaun wantaim BSP. na ol no inap long

yusim beng long Fraide na ol arapela de.

BSP i nogat Otometet Teling Masin (ATM) olsem Papua Niugini Benking Koporesen (PNGBC) we ol kastoma i save yusim kad long rausim mani long en. Olsem na sapos ol i no go long rausim mani long beng, ol BSP kastoma i mas baim sampela samting long stoa na askim long kisim ekstra mani long en.

Taim Gerehu sevis senta i pas, dispela bai givim hevi long Waigani na taun brens bikos ol kastoma bai pulim lain na pulap long tupela beng ya.

Beng ya i save pulim longpela lain tumas, wankain olsem PNGBC.

Dispela em bikos tupela beng i nogat mak long hamas mani ol kastoma i mas rausim na mak long hamas i mas stap long akaun bilong ol. Dispela i save

helpim planti ol asples PNG bikos long dispela taim pe bilong olgeta samting long stoa i go antap tumas na ol no inap long lusim bikpela mani mak long akaun balens bilong ol.

Tasol Mis Levakia i tok beng i wok long sampela gutpela samting na wanpela bilong ol em bai i kirapim BSP beng long Boroko long kisim ples bilong dispela we i paia sampela yia i go pinis.

Em i tok wok bai klostu taim i statim wok long tripela stori BSP bilding long Boroko, long sem ples we olpela Burns Philip stoa i paia long en sampela krismas i go pinis tu.

Nupela BSP brens bai i gat hap bilong putim ol ka, hap bilong wokim ilektronik benking, bikpela hap eria bilong wokim benking long enna narapela eria bilong ol bisnis lain long karimaut benking bilong ol.

## NCDC skul i wetim yet skul subsidi

OLSEM ol arapela skul long kantri, ol skul insait long Nesenel Kapitel Distrik i kisim taim tru taim ol no kisim ol skul saplai bilong ol praimer, elementeri na komyuniti skul.

Asisten Seketeri bilong ol NCD skul Pompiran Kuyei i tok ol skul i no kisim yet ol saplai na ol kampani we ol bin winim kontrak long karimaut wok bilong kisim ol skul saplai i go long ol skul i save long dispela hevi.

Em i tok Edukesen Seketeri Peter Baki i tokaut pinis long ol long dispela samting olsem sapos ol i no wokim samting, ol bai rausim kontrak long ol.

Mista Kuyei i tok ol skul i bungim hevi tru long dispela samting. Na ol skul i no kisim dispela K40 milien we gavman i bin promisim long katim bilong ol praimer komyuniti na elementeri skul.

Ol skul i amamas long kisim sapat long ol skul subsidi tasol nupela senis gen i kamap long edukesen polisi long dispela yia we ol skul i no kisim kesmani long baim ol metiriel tasol ol bai kisim ol metiriel we ol nesenel na provinsel atoriti i baim wantaim subsidi mani.

Em i tok bikpela hevi i stap nau taim ol skul i no kisim yet ol skul saplai metiriel na klostu yia bai pinis.

Em i tok long dispela as na ol skul

insait long NCD i sstat long sasim ol projek fi wankain olsem ol arapela provins. Tasol em i tok ol fi i no ken mas abrusim K50.

Em i tok i nogat narapela rot i stap long kisim mani bilong helpim ol skul long baim ol samting long en tasol dispela tu i mekim ol sumatin i karim pen long en.

Em i tok ol skul insait long NCD i save kisim mani long tripela rot na dispela em long ol skul fi we ol papamama i peim na ol i peim i go long akaun bilong Bot ov Manesmen, ol skul subsidi mani i kam long NCDC na subsidi bilong nesenel gavman.

Em bin tok nau NCDC i leit wantaim ol peimen bilong em long tupela mun. Em long Ogas na Septemba.

Tasol Mista Kuyei i tok em i kisim tok pinis olsem mani i wok long kam.

Em bin tok ol NCD skul i no inap operet sapos NCDC i no helpim ol na olsem ol i wok long wet i stap na bilip olsem mani bai kam.

"Mipela i no wari tumas sapos mani i no kam hariap tasol em i mas kam na i no leit bikos mipela i laikim mani long baim ol prais na holim ol greduesen seremoni lojg pinis bilong yia.

NCDC i save peim K450,000 long wan wan mun long olgeta skul level stat long elementeri i go inap long sekonderi.



### Kaikai em laip ya!

• Ol mama na pikinini bilong Vabukori insait long Sentrel provins i redi ol kaikai long wanpela bikpela bung bilong ol. Klostu bai krismas na dispela kain bung wantaim ol manmeri long ples bai kamap planti long dispela kain taim.. File piksa.

### Abau na Boera em ol kaikai i sot eria

WANPELA wok stadi i soim olsem Klaudi Be eria long Abau Distrik na ples Boera long Sentrel provins em tupela ples we i no save kamapim inap kaikai.

Patisipeteri Ruel Apreisel (PRA) program we i kam aninit long Fud na Agrikasla Ogenaisesen (FAO) i bin karimaut dispela stadi bilong luksave long ol eria we i sot long kaikai na strongim ol long kamapim moa kaikai long en.

PNG i wanpela long ol kantri long wol we i bin stap insait long bikela bung i bin toktok long kaikai na em bin sainim nem long kamap memba long Wol Fud Samit ol bin holim long Rom long 1996.

Olsem na em i mas karimaut ol ektiviti na fud sekyuriti program i wanpela bilong ol

Aninit long dispela projek, olgeta

19-pela provins i sapos long karimaut PRA program na painaut ol eria we i sot long kamapim kaikai long en.

Sentrel provins i go pas long karimaut PRA long mun Mas bilong dispela yia long Kaludi Be na ples Gaire insait long Sentrel Provins.

Deputi Edministreta Ernesto Ortega i tok Sentrel provins PRA i soim olsem Klaudi Be eria i save bungim hevi long kaikai i sot bikos long taim bilong bikpela ren, taitwara i save bagarapim ol gaden kaikai.

Long taim bilong biksan, em i hat long wokim gaden bikos ples i save drai olgeta na graun i hat tumas. Olsem na eria ya em ol i luksave olsem kaikai i sot (eria).

Em i tok long Boera, ol pipel i painim pis na i no long mekim gaden. Ol pipel i save kisim pis na salim. Na ol i baim kaikai long mani ol i kisim.



#### BUTSA SPESOLS

Ilimo Kwikkai 900gr	K4.10 kg
Saveloys	K3.95 kg
Beef Sausages	K4.95 kg

#### GROSERI SPESOLS

Globe Comed Beef Taper 340 gr	K2.59
Diana Tuna 380gr	K2.05
Arrow Beef Biscuits 85gr	K0.40
Roots Rice 1kg	K1.37

Maggi Noodles 85gr	K0.50
Nambawan Cordial 750ml	K1.70
Devondale Milk 1 litre	K1.93
Weet Bix 375gr	K3.75
Dazzle Bleach 200gr	K1.67
Omo 200gr	K1.43
Heinz Baked Beans 220gr	K0.93

#### EXTENDED TRADING HOURS

Monday to Wednesday	- 8.00am to 7.30pm
Thursday / Friday	- 8.00am to 8.00pm
Saturday / Sunday	- 8.00am to

Planti moa kaikai prais i go daun long en!

Ph: 325 7566, 325 0863 Fax: 325 7096





# HAILANS NIUS

**FARMSET LIMITED**  
**MT. HAGEN**  
**PH: 542 2916**  
**FAX: 542 1849**

## Mani bilong stretim hap rot long Okuk Haiwe stap long ol Woks menesa

**YAMES KAY i raitim**

MINISTA bilong Woks, Alfred Pogo long las wik Fonde i tokaut olsem hap mani gavman i givim long stretim ol seksen bilong Haiwe i stap long ol Woks menesa long provins.

Mista Pogo i tokaut long palamen olsem gavman i givim mani mak olsem K2 milien pinis i go long ol provinsal Woks menesa long Isten Hailans na Simbu long statim wok long stretim ol hap hap rot insait long Okuk Haiwe we i bagarap tru.

Mista Pogo i bekim askim i kam long memba bilong Goroka, Henry Smith long wanem taim tru wok bai stat long stretim rot long Kainantu na Yonki we nau i bagarap tru. Nau yet planti ol lain husat i yusim Okuk Haiwe i mekim planti bikpela toktok kros bikos dispela hap seksen bilong Okuk Haiwe stat long Kassam Pas i go Kainantu i bagarap tru. I gat planti baret long namel long rot na planti ka i no save ron gut long dispela rot.

Wanpela bisnisman na komyuniti lida bilong Isten Hailans, Peter Ketau i mekim bikpela askim tu olsem wanem

taim tru insait long ol mun i kam long dispela yia bai wok long stretim Okuk Haiwe bai stat. "Mipela i harim Minista bilong Woks Alfred Pogo i toktok long palamen na long niuspepa olsem nesenel gavman bai givim K2 milien long dispela yia long stretim ol rot long Okuk Haiwe. Tasol wanem taim tru dispela wok bai stat," Mista Ketau i tok.

Mista Ketau i tok Okuk Haiwe em i bun na blut we i sevim ol pipel insait long Hailans rijon na tu Papua Niugini. Olsem na gavman i mas hariap long stretim dispela rot. "Gavman i kisim planti milien kina i kam long Porgera, Kutubu na ol arapela risos developmen. Planti ol manmeri husat i ron long PMV na tu ol bikpela trak husat i yusim Okuk Haiwe i no amamas tru long dispela bagarap bilong rot namel long Kainantu na Yonki na tu bagarap i kamap long hap long Daulo.

Dispela rot namel long Kainantu na Yonki insait long Isten Hailans provins i bagarap nogut tru. I gat planti ol pot hol o baret namel long rot na planti taim ol liklik ka i no inap ron long en. Planti ol bikpela ka i save ron isi isi tru taim ol i ron long ol dispela rot. Ol pasindia long ol PMV i save pitim bikpela pen tru taim

ol i ron long dispela seksen bilong rot na planti taim ol save kros tru.

Wanpela kaunsila bilong Agarabi eria long Kainantu, John Sotu i tok olsem gavman i mas lukluk kwiktam long stretim dispela hevi long Kainantu-Yonki insait long Isten Hailans provins i bagarap nogut tru. Dispela em bikos rot na i bagarap longpela taim tru na nogat wanpela samting i bin kamap. Em i tok long taim bilong bikpela ren, wara i save ron i kamaut long ol liklik han wara i go aut long rot na ol draiva i save painim hat tru long lukluk long rot taim ol draiv.

Narapela bikpela bagarap i stap long rot long Daulo. Dispela hevi i bin stap longpela taim na nau yet planti ol haiwe draiva i save bungim bikpela hevi taim ol i ron i go olsem long Daulo. sampela taim ol i ron isi na ol raskol lain i save kalap i go antap long ka na pulim ol kago.

Long mun Ogas long dispela yia, Minista bilong Woks Alfred Pogo i bin lukaut olsem gavman i luksave long wanem belhevi ol 5-pela Gavana bilong Hailans rijon i soim olsem na gavman i putim K2 milien long stretim ol seksen bilong rot insait long Okuk Haiwe we i gat bikpela bagarap long en.

## Skate kros long bagarap we i kamap long ol nes

OPOSISEN lida Bill Skate i no amamas tru long pasin nogut we ol man nogut i mekim long tripela nes meri long Hagen haus sik.

Mista Skate i mekim dispela toktok long palamen haus dispela wik taim em i lukim dispela ripot bilong pasin nogut ya ol raskol i mekim long bagarapim ol nes meri long Hagen haus sik long dispela wik.

Mista Skate i tok i tru i gat sampela hevi we i save mekim ol bikhet lain i kamap wantaim ol bikpela trabel na hevi olsem insait long kantri. Em i kolim ol hevi nogat wok, nogat mani, nogat gutpela gavman sevis, nogat gutpela edukesen na arapela

moa. Tasol em i tok ol man nogut em ol man we i gat het na tingting na ol i mas yusim gutpela tingting long noken bagarapim laip na sindaun bilong narapela manmeri.

Mista Skate i salensim Gavman bilong Sir Mekere Morauta long sanap strong nau na lukluk klostu long hevi bilong lo na oda bikos dispela em wanpela bikpela hevi we i wok long kamap bikpela insait long kantri tude.

Em i askim Gavman long stat sindaun wantaim ol pipel na toktok klostu wantaim ol long hevi na wari bilong ol na traim kamapim rot bilong stretim wari na laik tru bilong ol pipel.

## Kala Kai maket long Mt Hagen soim piksa nogut

KALA Kai maket long Mt Hagen siti i bagarapim nem tru bilong dispela namba tri siti bilong kantri.

Kala Kai maket em wanpela buai na kolos maket we i stap long mausrot i go insait long Mt Hagen siti stret na em i stap klostu long Kimininga plis bareks.

Maket ya planti taim i save doti tru long planti kainkain rabis olsem spet buai na tu ol narapela rabis i save pulap na stap arere tasol long bikpela rot, Okuk Haiwe. Dispela i soim piksa nogut tru long dispela namba 3 siti bilong kantri. Wanpela kaunsila bilong Moge wanpisin klostu long Mt Hagen, Wak Pora i tok olsem dispela maket i no stap long gutpela ples tru na planti taim i save gat planti pipia stret long hap.

Mista Pora i singaut i go long Mt Hagen Siti Atoriti aninit long lukaut bilong Lod Meya, Peter Kewa long lukluk i go insait long dispela hevi na stretim kwiktam.

Em i tok olsem dispela maket i bringim nem nogut long Mt Hagen bikos planti ol nupela lain o ol turis bilong ovasis husat i ron i go long Mt Hagen siti taim ol i kam long Kagamuga bai lukim ples klia olsem dispela ples i doti tru na i no gutpela tru. Em i tok olsem Helt dipatmen i mas traim wok wantaim Mt Hagen siti atoriti na traim mekim wok sekim na stapim dispela maket.

Maket ya tu i stap arere tru long rot na planti taim dispela rot i save pulap tru long ol manmeri i wokabout i go kam na nogat inap spes long ka i ron. Planti taim ol bas i save stop nating nating arere long dispela maket na i no save givim spes long ol narapela bikpela ka tu long muv. Sampela birua olsem ka i bamim ol man i kamap pinis long dispela hap na tu sampela taim ol stil pasin namel long ol manmeri salim buai i save kamap.

Mista Pora i tok Mt Hagen siti atoriti i mas stretim dispela hevi long rausim Kala Kai maket na muvim i go long narapela hap. Dispela em bikos em i stap long mausrot stret bilong Mt Hagen siti na i bagarapim tru nem bilong provins olgeta.

## Raskol pasin long PNGBC i mekim Ipatas i kros

**GEOFFREY APAKALI i raitim**

GAVANA bilong Enga provins Peter Ipatas i no amamas tru long raskol pasin we i bin kamap long haus mani bilong PNGBC beng long Wabeg taun long las wik Trinde long nait. Mista Ipatas i tok ol lain husat i mekim dispela raskol pasin i no gutpela tru long ol i stap long dispela kantri na tu mama i rong tru long karim ol.

Mista Ipatas i tok ol raskol pasin i no gutpela tru long dispela kantri olsem na dispela pasin i mas raus. Ol dispela raskol lain i no bilong dispela sosaiti em i tok.

Ol raskol i bin brukim Wabeg PNGBC brens na ronawe wantaim mani bilong beng. PNGBC Wabeg menesa Luke Tamol i tok ol raskol lain i bin go antap long waia banis na go insait long haus bilong menesa na brukim dua na go insait. Ol i go insait long bedrum bilong menesa na hensapim em na pusim em long opim dua bilong beng. Ol i brukim wanpela lik-

lik seif na kisim sampela mani we i no planti tumas. Olsem na ol wok strong tru long brukim narapela bikpela seif tasol seif i strong olsem na ol i belhat na paitim menesa na kisim ol samting bilong em olsem telefisen set, sterio kaset na spika. Tupela sekyuriti husat i bin wok long dispela nait i no inap mekim wanpela samting bikos ol raskol i holim tupela na pasin han lek bilong tupela wantaim long pos bilong haus.

Ol dispela lain raskol i mekim planti trabel tu long beng we ol i brukim ol kompyuta, feks masin, telepon, ol kapbot bilong putim ol pepa bilong beng na kapsaitim ol pepa na ol samting nabaut insait long beng. Beng bai pas sampela taim moa inap ol i stretim olgeta samting we i bagarap na pundaun nabaut.

Plis long Wabeg i holim pinis 5-pela man na i wok long kwestanim ol long dispela raskol pasin i kamap long beng. Tasol plis i bilip olsem ino 5-pela man tasol i mekim dispela samting. I gat




• 4-pela Hailens Gavana, (Ilephan) Isten Hailens Peti Lafanama, Westen Hailens Pater Robert Lak, Simbu Pater Louis Ambane na Enga Peter Ipatas i sindaun long Hagen long bung bilong ol Hailens Gavana.

sampela lain moa i hait yet olsem na ol bai mekim wok painimaut yet. Ol lain i mekim dispela kain raskol pasin i mekim bikpela sem tru long provins. Olsem na plis i mas lokim ol na tromoi ki i go long bus, Mista Ipatas i tok.

Gavana Ipatas i mekim tok sori long menesa bilong PNGBC beng na i tok dispela raskol pasin long beng i no

*always hit the spot!*

**Arrow Beef**







# MADANG NUIS

FARMSET LIMITED  
BUTIBUM RD. LAE  
PH: 472 2880  
FAX: 4782 5178

## Ol PMV papa i no bihainim gut lo

WENCESLAUS MAGUN  
i raitim

BIHAIN long planti rot blok na stila pasin i kamap long Madang, Lae na Hailens haiwe, ol papa bilong ol PMV long Madang i kisim lo i go long han bilong ol yet.

Long Fraide 6 Oktoba samting olsem 77 papa bilong PMV na ol sapota bilong ol i bung long Madang na i go kukim wanpela 24 hawa rot sait maket na ronim ol lokol pipel long Usino eria.

Ol lokol pipel bilong Usino eria tu i kirap na kukim wanpela SM 15 sita PMV bas insait long dispela pait.

Dispela hevi i kamap bihain long ol papa bilong PMV i putim planti komplem long Walium plis stesin na tu long Madang taun plis stesin long ol raskol man i save holim pas ol PMV bilong ol na stilim ol mani na ol arapela samting long ol pasindia na ol draiva na bos kru bilong ol PMV.

Wanpela papa bilong PMV na maus man bilong ol PMV long Madang i tok, tasol ol plis i luk olsem i no mekim wanpela wok long stretim dispela hevi.

Em i tok dispela i bin mekim ol papa bilong PMV long kisim lo i go

long han bilong ol yet na i bin go long 24 hawa maket wanpela rot sait maket long Usino eria na kamapim dispela hevi.

Em i tok taim ol dispela 77 man husat i makim ol papa bilong ol PMV i go long 24 hawa maket long Usino eria, ol i bin askim ol pipel long dispela hap long putim ol trabel man long han bilong plis tasol ol lokol pipel i no bin helpim ol. Dispela pasin i mekim ol i belhat na ol i bin bagarapim dispela 24 hawa maket.

Dispela maus man i tok ol plis i bin sasim ol dispela 77 man na i bin kalabusim ol. Bihain long ol i kot stat long 4 kilok i go pinis long 9:30 long nait.

Dispela maus man i tok em i no ting Madang Distrik Kot i bihain lo tu long holim kot long wanem aninit long Distrik Kot Ekt, kot i mas stap long 6 kilok.

Dispela maus man i tok, taim plis i bin kalabusim ol dispela 77 man, memba bilong Madang, Jacob Wama i bin helpim ol na baim kot bilong ol. Kot bilong wan wan man em K60.

Long dispela as, dispela maus man i tok ol papa bilong ol PMV bas i save ron namel long Madang, Lae, na Hailens, i salim bikpela tok tenkyu i go long Mista Wama long helpim ol.

## NBC Madang kisim nupela redio masin long brodkas gut

ESTHER HARO i raitim

MADANG Nesenel Brodkasting Koporesen (NBC) nau i ken givim gutpela sevis long ol lain i save harim redio Madang, tenkyu i go long AisAID.

Madang Nesenel Brodkasting Koporesen (NBC) olsem ol arapela NBC stesin insait long kantri i bagarap na i nogat ol gutpela opis na nupela masin.

Tasol aninit wanpela NBC projek we Gavman bilong Australia i putim mani, Madang em wanpela bilong 6-pela provinsi

stesin we ol i putim mani bilong stretim.

Gavman bilong Australia i yusim samting olsem K7 milien long stretim ol NBC stesin long Vanimo, Wewak, Lae, Madang, Rabaul, Goroka na Alotau.

Geo Gedabing, Madang Provinsi Program Menesa, i tok wantaim helpim bilong AusAID, ol i kamapim wanpela 10 kilowat medium wev frikwensi trensmita long kos bilong K168,000.

AusAID i givim tu wanpela nupela 'turtebol,' tripela kaset rekoda, na wanpela 'rekot masin na monita sistem'.

Mista Gedabing i tok dispela ol

masin bai kisim ples bilong ol olpela masin.

Wanpela lokol kampani i wok long stretim Redio Madang. Kos bilong senisim ol olpela masin wantaim ol nupela masin i sanap long mak bilong K42,000. Totol kos bilong dispela projek em K500,000.

Mista Gebabing i tok plen ol i bin mekim pastaim long dispela projek long Madang i bin stat long 1996 tasol nogat wanpela wok i bin kamap.

Bihain long pinis bilong las yia, ol i statim dispela projektaim ol wokman bilong AusAID i bin kamap.

## Simbai Angliken vokesenel skul i op

BIHAIN long ol tisa na ol lain i bin helpim long mekim planti wok, Angliken Asbisop Aipo Rongo, na Reveren James Ayong i bin go opim ol nupela haus bilong Simbai Angliken Vokesenel Skul las mun.

Ol bikman husat i bin kamap long de bilong opim dispela vokesenel skul em olpela nesenel seketeri Peter Shepherd, presiden bilong Simbai lokol level gavman, Kingsley Yombyomb na siaman bilong provinsielt helt long Madang gavman.

Dispela skul em wanpela wok bilong Angliken Sios wantaim as tingting bilong givim ol gred 6, 8 na 10 skul liva, wanpela sans bilong kisim moa skul insait long Koles bilong Distens Edukesen (CODE), matrikulesen stadi na vokesenel kos.

Canada Fan long Hai Komisen opis bilong Canada long Australia i bin givim mani long statim dispela skul.

Long Februari, ol i statim wok na ol i pinisim ol klasrum long mun Ogus na lokim i stap.

Ol i yusim ol lokol meteriel we ol inap yusim long mekim dispela vokesenel skul, na ol tisa na sumatin wantaim sampela lain



• Ol tisa na sumatin bilong Simbai Vokesenel skul i danis na opim nupela vokesenel skul bilong ol.

husat i givim helpim i bin wokim wok.

Long taim bilong opim dispela vokesenel skul, Mista Yombyomb i toktok long sapot bilong ol kaunsel na i tok em i amamas long dispela nupela skul.

Em i tokaut olsem ol kaunsel bai go het long givim mani long helpim long wokim dispela skul.

Mista Shepherd i tok planti ol lain i bin helpim long wokim dispela skul. Em i tok wan wan peris long Australia na Angliken Bod bilong Misin i bin givim helpim tu.

Dispela senta nau i ken kisim moa sumatin bilong skul kapenta long Januari 2000, tasol ol i sot tru long ol teknikel na vokesenel tisa bilong kapenta.

## Mildas maket i op na ol pipel i mas lukautim na yusim

PAUL NENGAI i raitim

MILDAS maket i op pinis, taun menesa, Anton Yagama i tok.

Mista Yagama i tok wok bilong stretim Mildas maket i bin go gut. Ol wokman bilong Madang taun kaunsel i bin stretim pablik toilet long Mildas maket na tu stretim banis.

Kos bilong stretim makim em i olsem K10,000, Mista Yagama i tok.

Em i tok: "Ol pipel mas senisim pasin bilong ol na stat lukautim ol pablik samting. Mipela i no laik westim mani na taim long stretim ol samting. Yumi mas go het na yusim mani long developim ol nupela projek."

Em i tok ol papa mama tu i mas skulim ol pikinini bilong ol long rispektim pablik propeti na i no kisim ol samting nating.

Em i tok sampela pikinini i save bagarap ol samting kaunsel i putim long ol manmeri i ken yusim na dispela i save bagarapim ples.

## Lo bilong stapim ol lain bilong salim buai long Madang taun i no wok

CLETUS PATEWANA i raitim

LO Madang Taun Atoriti i mekim bilong stapim ol lain bilong salim buai long Madang taun i no wok na dispela i mekim sampela pipel i no amamas.

Sinia Lens Opisa, Jack Biniau i tok: "Madang Taun Atoriti i mas lukim olsem lo ol i kamapim i wok na ol i mas go raun long olgeta hap kona bilong Madang taun long sekim olsem ol pipel i bihainim dispela lo."

Em i tok planti ol lain i save kaikai buai i bin bihainim dispela lo taim Madang Taun Atoriti i bin kirapim long stat bilong dispela yia. Tasol nau i gat planti ol blek maket i wok we ol lo man i no luksave long en.

Em i tok ol lain i save mekim blek maket, ol i no bilong Madang provinsi na pasin ol i mekim i save bagarapim gutpela nem bilong Madang provinsi.

**20t**  
WANTAIM VAT

Hubba Bubba

**NOKEN PEIM MOA**



# CASH IN THE CAN

## OX & PALM

**1000'S  
OF KINA  
TO BE  
WON**



When you open your favourite Ox & Palm 340g tin look under the lid to see if you have won.

You can win instant prizes of K50, K100, K250, K500 or K1000 cash.

**TO CLAIM YOUR PRIZE**

Send in your winning lid plus your name & address to:

Hugo Canning  
P O Box 635  
Boroko NCD





# LAE NIUS

FARMSET LIMITED  
 BUTIBUM RD. LAE  
 PH: 472 2880  
 FAX: 4782 5178

## Pablik toilet long Lae bai i gat geit fi

ELLEN VAVITAN TIAMU i raitim

LAE siti bai sasim ol manmeri long yusim ol pablik toilet insait long siti bilong Lae stat long pinis bilong dispela mun. Ol bai statim dispela nupela sistem long pablik toilet bilong Eriku pilai graun na dispela bai mekim Lae siti em namba wan provins insait long kantri long kamapim dispela kain sistem long ol pablik toilet insait long ol taun.

Lae Eben Lokol Level Gavman Kaunsil i kamap wantaim dispela rot long ol manmeri i mas baim toilet taim ol i laik yusim bikos planti taim ol manmeri i no save lukautim gut ol toilet na dispela i save kos bikpela mani tru long kaunsil i stretim gut ol toilet gen.

Menesa bilong Lae Siti Atoriti (LCA) Steven Peters i tokaut olsem wok mentenens o stretim gut ol 6-pela pablik toilet insait long Lae siti i save kos samting olsem K10,000 long olgeta mun olsem na ol i laik traime dispela nupela rot long lukim sapos ol i ken daunim sampela hevi bilong tromoi bikpela mani olgeta mun.

Kaunsil i no makim yet amas tru o wanem fi tru bai ol i sasim ol manmeri long go yusim ol pablik toilet.


Mista Peters i tok ol i gat wanpela menesmen tim i sambai pinis na ol bai was long lukim olsem olgeta taim i mas gat toilet pepa i stap na toilet i mas klin olgeta taim long narapela man i go yusim.

Totol kos bilong wokim nupela toilet na hap bilong waswas i save kos olsem K74,000 olsem na Mista Peters i tok as bilong kamap wantaim dispela senis em i no bilong mekim mani. Tasol ol i laik kamapim ol gutpela servis long komyuniti we ol man-

meri long komyuniti i mas lainim long laikim na lukautim ol dispela samting gut bikos ol dispela samting i save kos bikpela mani long kamapim.

Ol lain i kam long narapela hap provins o arapela kantri tu i ken yusim ol dispela samting sapos mipela i lukautim gut, em i tok.

Dispela nuupela sistem bai ol i statim long Eriku pablik toilet na sapos em i wok gut bai kaunsil i surikim i go long ol arapela pablik toilet insait long Lae siti long bihain.



**Waia bris op!** • Dokta Fabian Pok i katim opim waia bris long ples Sagkwep long Nawae elektoret we Memba Kennedy Wenge i kamapim.

## Ami na plis long Morobe i sanap wantaim, Kenel Fabila i tok

AMI na plis fos long Lae i strongim tok long sanap wantaim na wok bung wantaim na hevi namel long ol ami na plis long Mosbi na Wewak i no inap pulim ol.

Insait long wanpela bung we Independens Komiti i bin kamapim tupela wik i go pinis, Komanding opisa long Iga, Kenel Fabila i tok amamas i go long ol soldia long wanem samting ol i bin mekim long amamasim independens de we i soim tru pasin bilong bung wantaim long amamasim 25 krismas bilong Papua Niugini i kisim independens.

Bikos long hevi we i kamap long Wewak na Mosbi namel long ol ami na plis fos, mipela i laik tok klia long olgeta pipel bilong kantri olsem long Morobe provins tripela grup bilong fos (ami, plis na woda) i wok bung wantaim, Mista Fabila i tok.

Bikos long wanpela hevi tasol we i kamap long wanpela seksen bilong

fos, ol ausait lain i wok long lukim na tok olsem kantri i gat bikpela hevi nau long sekyuriti bilong em bai ol bisnis wok i bungim hevi tu wantaim.

Mista Fabila i tok ol bisnis komyuniti i laik lukim ol fos i wok klostu wantaim narapela narapela na pablik tu i laik lukim gutpela wok bilong ol fos.

Maski ol samting i go hat tru, yumi mas sanap strong na go het yet na noken sanap tasol em i tok

Long Morobe, mipela i bung wantaim na wok wantaim Mista Fabila i tok.

Independens komiti i givim K1500 i go long ol tripela fos grup long wok ol i mekim insait long independens de na Shorncliffe kampani wantaim bisnisman bilong Lae Seeto Chan i givim ol abus na dring long dispela bung wantaim kaikai namel long ol ami, plis na ol woda.

## Kisim moa save long ol didiman

OL didiman bai sanap redi long helpim ol manmeri wantaim ol askim long ol wok bilong agrikalsa insait long Morobe So long dispela wiken. Ol didiman bai sanap raun long banis bilong Divisen bilong Agrikalsa na Laivstok na soim ol kain kain samting ol i save kamapim long wok bilong ol. Ol bai soim ol piksa na ol samting we ol manmeri i ken kamap na lukim na

kisim save long wok bilong didiman. Ol eria bilong wok didiman na agrikalsa insait long Morobe provins we ol bai soim ol wok na ol samting bilong ol em ol lain bilong; Wawin Resource Centre wantaim ol gaden bilong ol, Morobe Women Association bai soim wok bilong ol long mekim kaikai, National Agriculture Research Institute bai soim wok

bilong ol, National Agriculture Quarantine Inspection Authority, Provincial Industry Support Service, National Department of Agriculture na Livestock, Fresh Produce Development Company, Livestock Inservice Training Centre, Cocoa Coconut Extension Agencies na ol samting bai ol Distrik na wanwan lokol level gavman kaunsil bai putim kam aut wantaim ol wok fama bilong ol.

## Morobe So i no isi long ol maunten ples long go lukim so

PLANTI manmeri insait long 10-pela distrik bilong Morobe provins i redi na wet tasol long de bilong kisim PMV o kalap long sip i go long Lae siti long lukim namba 40 Morobe So bilong dispela yia.

Ol manmeri long hap olsem Wau Bulolo, Menyamya, Watut bai ron long PMV bihainim haiwe rot i go long Lae siti na ol manmeri long hap olsem Finsafen, Sialum, Salamaua na ol nambis bilong Morobe bai ron long spit bot na sip i go long Lae siti. Ol manmeri bai i kam tu long hap bilong Boana bihainim haiwe rot bilong ol i go daun long Lae bikos ol tu bai i gat skursing grup bilong ol i brukim bun skru long Lae So graun dispela wiken.

Ol lain bilong Siassi tasol wantaim ol lain long hap bilong Kabwum maunten olsem long Teptep eria, Mumeng maunten olsem long Piu na Babwab sait, Finsafen maunten olsem long Pindiu na Mindik, Wau maunten olsem Biangai na Biarua na Garaina eria na Nawae maunten ples bai i painim hat long go daun long Lae siti bikos ples i longwe tru long rot o kisim sip. Sampela bai lain olsem long bus Kabwum i hat bikos ol bai ron long balus na kos bilong balus i olsem K150. long go daun long Lae siti.


Ol lain long hap bilong Garaina na Biangai eria bilong Wau bai i hat long go long Lae bikos ples i longwe tu na bai i kos bikpela mani sapos ol i ron

long balus i go long Lae o kamap long Wau na kisim PMV i go long Lae.

Tasol ol isi lain tru long kamap long Lae So em ol lain Makam bikos ol i stap tasol long haiwe na ol bai ron tasol long PMV o ron long baisikei na go kamap long Lae So graun. Ol Bukawa na Labu i no inap painim hat long go long Lae so bikos ol bai ron long spit bot na kanu i go long Lae na go bek long ples long apinun.

I tru olsem olgeta taim bilong Morobe So, ol lain long Wau Bulolo, Salamaua na ol longwe distrik i save kam na slip long Lae inap So i pinis long Sande apinun na ol i go bek long ples long Mande. Tasol ol lain olsem klostu i save go bek olgeta apinun na neks moning ol bai i kam bek gen long lukim So.

Wanpela bikpela pilai tru we i save pulim ai na laik bilong planti manmeri long Morobe So em resis bilong go antap long diwai na kisim ol prais we i hangamap i stap. Dispela resis ol i kolim Grisi Pol i save pulim planti manmeri tru long sanap raunim na lukim ol hapman bilong go antap long diwai i resis long go antap. Planti taim ol maunten lain bilong Menyamya na Watut na Boana i save winim ol dispela prais antap long het bilong diwai Grisi Pol ya. Ol kampani i save hangamapim ol mani na sampela gutpela samting bilong kisim antap long dispela diwai.



*The Sweetest Thing*



## Ol Melanesian Bruda selebretim 75 yia

HELEN REI i raitim

OL komyuniti bilong ol Melanesian Bruda, wanpela oda bilong Angliken Sios insait long Papua Niugini bai selebretim 75 yia aniveseri bilong ol long Oktoba 28.

Ol bruda long Popondetta daiosis long Oro provins bai bung wantaim ol arapela 4000 bruda long selebretim dispela

bikpela de long hetkwa-ta long Haruro.

Komyuniti bilong ol Melanesian Bruda i bin kamap long 1925 long Solomon Ailan. Wanpela man ol i kolim em Inikopuria i bin kirapim dispela grup na dispela yia ol i bai tingim 75 yia dispela grup i bin kamap na i stap i kam inap nau.

Long PNG ol i bin statim komyuniti bilong ol Melanesian Bruda long 1934 long Wes Niu Briten provins. Tasol ol

bruda i bin go bek taim Wol Woa II i kamap.

Ol i statim gen komyuniti bilong ol long 1955 long Niugini Ailan rijen na bihain em i go antap long Siane eria bilong Hailens rijen wantaim helpim bilong ritaia bisop David Hand.

Ol bruda i save selebretim de man i bin kirapim kongrigesen bilong ol, long Oktoba 28, na long dispela yia, ol i pasim tok long mekim wanpela bikpela selebresen long makim

75 yia bilong kongrigesen bilong ol.

Ol Angliken bisop wantaim ritaia Asbisop George Ambo, na narapela ritaia bisop Rhynold Sanana na ol pater i bin kisim askim long go bung wantaim ol bruda long selebretim dispela bikpela de bilong ol. Wanpela man bilong arapela kantri ol i askim em long kam long dispela de, em Pater Garry Fagg bilong Australia.



**Krais na ol samting God i wokim.** Reveren Peter wantaim pikinini bilong em i bin kam raun long PNG las yia na autim gutnius long lukautim graun, wel bus, abus, pis, wara na solwara. Neks mun bai i gat wanpela bikpela kibung ben long Madang.

## Husat i karim hevi insait long marit laip?

HUSAT i karim hevi insait long marit laip, ol papa na mama o ol pikinini taim man o meri i tingting long maritim nupela meri o man?

Dispela em wanpela bikpela askim Minista bilong Hom Afeas, ol Meri, Yut na ol Sios, Andrew Kumbakor, i wok long skelim long dispela taim ol komiti bilong em i redim ol toksave bilong kamapim lo bilong maritim moa long tupela man o meri.

Insait long dispela lo, Mista Kumbakor i tok, komiti i lukluk

long tingting bilong ol Kristen Sios, em olsem man o meri i mas maritim wanpela patna tasol.

Em i tok komiti i skelim tu tingting bilong sindaun bilong ol pipel bilong Papua Niugini tude we i no wankain olsem ol pipel bilong PNG long taim bilong tumbuna. Na komiti i sekim tu ol kastom pasin bilong PNG we pasin bilong man i ken maritim moa long wanpela meri i bin stap.

Mista Kumbakor i tok ol i sekim na lukim ol gutpela sait

bilong dispela ol kastom na bilip bilong ol sios na pipel bilong PNG na skelim wanem rot o lo ol i mekim bai helpim famili laip.

Em i tok bikpela samting, komiti i wok long skelim em i olsem, ol pikinini i noken karim hevi sapos man o meri i tingting long maritim moa long wan o tupela patna.

Em i tok ol pikinini i mas painim gutpela sindaun na laip bilong ol long bihain taim maski sapos man o meri i laik maritim moa patna o i laik brukim marit.

## Ol meri Gembogl na Mumeng mekim pren long basket senis

WANPELA bikpela basket senis namel long tupela provins i bin kamap gut tru long las mun namel long ol manmeri bilong Mumeng long Morobe provins na ol lain long Gembogl long Simbu provins.

Klostu moa long 300 manmeri i bin pulap long tupela bikpela ka na ron i go antap long Simbu provins long Simbu long Fraide Septemba 22 long go senis basket wantaim ol Luteran manmeri long Gembogl distrik.

Dispela basket senis i bilong ol mama long

ples Parakis long Mumeng distrik wantaim ol mama long Gembogl Luteran mama long Simbu provins.

Ol mama long Mumeng i bin pulapim bilum wantaim ol kokonas, buai na ol kaikai na ol arapela presen tu olsem pret, kap, sospen, bilum na arapela presen moa long go givim long ol pren bilong ol long Simbu provins.

Dispela senis basket i kamap bikos ol Luteran mama bilong Gembogl i bin kamap pastaim long ples

Parakis long dispela yia yet na mekim pren pinis wantaim ol. Olsem na ol meri long dispela hap i go bek gen long bekim bek basket senis wok bilong ol.

Dispela senis basket i bin kamapim gutpela pasin pren namel long ol meri na ol mani we ol i bungim i go long wok bilong sios insait long Gembogl distrik.

Dispela trip bilong ol meri bin kamap long Fraide Septemba 22 we ol i ron long nait na go kamap long Simbu long Sarere apinun. Long Sande ol i kirap

lotu na mekim basket senis na long apinun ol meri long Mumeng i kalap long ka na ron gen long hailans haiwe kam long Lae na katim sait rot i go long Wau Bulolo haiwe. Ol i kamap long ples long Mande taim olsem 5 kilok moning.

I no ol mama tasol, ol man tu i go wantaim ol long sapatim ol na arapela i raun tu long lukim ples.

Sios i tromoi K1,000 long haiarim tupela bikpela ka long karim ol manmeri i go long Simbu na kam bek long ples.

## Kumbakor glasim Pikinini Welfea Ekt

LONG helpim ol pikinini bai ol pasin nogut i noken bagarapim sindaun na laip bilong ol. Minista bilong Hom Afeas, ol Meri, Yut na ol Sios, Andrew

Kumbakor, i kamapim wanpela komiti bilong glasim na sekim 'Child Welfare Act' o lo bilong lukautim ol pikinini.

Mista Kumbakor i tok planti ol polisi na lo i no moa wok long PNG long dispela taim na olsem minista em i gat bikpela laik long glasim ol dispela lo na stretim.

Em i tok taim dispela komiti i pinisim wok bilong em, ol bai givim ripot i go long em na em bai givim i go long kabinet long rekomendim o mekim ol senis.

Bihain em bai givim i go bek long komiti na komiti i mekim ol senis na givim em.

Mista Kumbakor bai bringim dispela ripot i go bek long kabinet na taim kabinet i givim tok orait, em bai mekim ripot long Palamen long ol lida i pasim disela ekt

na kamapim lo bilong lukautim ol pikinini.

Em i tok wanpela rait bilong ol pikinini em long save long husat tru em i papa o mama tru bilong ol.

Mista Kumbakor i tok long PNG tude, planti ol marit i bruk na ol pikinini i bihainim mama o papa tasol ol i no save husat em i papa o mama bilong ol.

Olsem na dispela lo bai lukim olsem ol pikinini i mas painim aut husat tru em i papa o mama tru bilong ol.

## Ol hetman bilong ELCPNG kibung long Madang

WENCESLAUS MAGUN i raitim

OL hetman bilong Evanjelikal Luteran Sios bilong Papua Niugini (ELCPNG) i holim kibung long las wiken i kam inap long dispela wik long Madang bilong painim rot long strongim wok bilong Sios long kantri.

Las wik Fraide ol i go bung long Kranget Ailan na holim ritrit o sarap i go inap long Sande.

Bihain long ritrit ol i go long Madang Memoriel Luteran Sios na holim kibung. Dispela kibung bilong ol bai pinis long dispela wik Fonde.

Het Bisop bilong ELCPNG, Dokta Wesley Kigasung, Seketeri bilong ELCPNG, Reuben Kure na Ekting

Seketeri bilong Sios, Fua Singin wantaim ol presiden bilong 15 distrik bilong ELCPNG i bin bung wantaim long dispela kibung.

Ol presiden husat i bin kamap long dispela kibung em long: Goroka distrik - Ohuno Mambu; Hagen distrik - Zau Rapa; Emanuel distrik (Mendi) - Kawa Rambamita;

Jiwaka distrik - Anton Awi; Kainantu distrik - Zure Mavino; Karkar distrik - Bag Gubag; Kote distrik - Francis Siki; Madang distrik - Francis Ambuk; Mumeng distrik - Yasam Geseng; Niugini Ailan distrik - Sik na i no kamap; Ukata distrik - Seru Milenge; Siassi distrik - Micha Yalamu; Simbu distrik - Kamem Gena; Yabem distrik - Kristen Yalu; na Papua distrik - Sammy Setu.

## Kumbakor laik kamapim lo bilong marit

MINISTA bilong Hom Afeas, ol Meri, Yut na ol Sios, Andrew Kumbakor, i kamapim wanpela komiti bilong glasim na sekim Marit Ekt.

Bikpela as tingting bilong Mista Kumbakor long mekim dispela em bilong kamapim sampela lo long ol hevi bilong ol marit manmeri i save slip wantaim ol arapela meri na man na grisim ol long slip wantaim ol.

Aninit long dispela ekt, Mista Kumbakor i tok, em i gat bikpela laik long lukim olsem i gat lo

bilong givim bikpela mekim save long ol man o meri husat i marit pinis tasol i go het long brukim marit na slip wantaim ol arapela meri o man.

Em i tok dispela lo i mas kamapim sampela strongpela mekim save we i moa antap long K500 sas nau i sta o senisim dispela lo na mekim em i kamap wanpela kriminel lo na i no sivil lo.

Em i tok olsem bikos sapos wanpela marit man o meri i gat sik HIV o AIDS na i slip wantaim narapela man o

meri, em inap givim dispela sik long narapela meri o man. Dispela Mista Kumbakor i tok, em i wankain olsem man o meri i kilim narapela meri o man.

Mista Kumbakor i tok dispela strongpela lo bai stapim ol marit man o meri long brukim marit bilong ol.

Em i tok ol lo bilong bipo i no senis liklik na i gutpela long em i mas sekim ol olupela lo na mekim ol senis we senis i mas kamap bihainim sindaun bilong ol pipel bilong PNG tude.

## Katolik Sios sapatim wok bilong kamapim bel isi na stretim ol yangpela

KATOLIK Sios long Bogenvil i wok long helpim ol komyuniti long kamapim sekan na bel isi pasin na stretim sindaun bilong ol insait long ol famili, komyuniti na provins.

I gat ol program na ol grup husat i go pas long ol (program bilong) rikonsiliesen o kamapim sekan na bel isi pasin, rihabilitesen o helpim long stretim tingting bilong ol pipel we hevi long Bogenvil i bin karamapim ol na tu strongim na karimaut aweanes long gutpela famili laip.

Wantok i kisim ol ripot olsem ol Katolik Wimen na ol arapela grup i wok hat insait long ol komyuniti long


karimaut ol program i sut long ol dispela eria.

Troma kaunseling em i wanpela bikpela eria we sios i lukluk long en na ol save grup i wok long helpim ol komyuniti wantaim ol program na ol semina samting.

Ripot i tok olgeta ol dispela samting i stat insait long famili na aweanes long gutpela famili laip em sios i wok strong long en long dispela taim.

Aweanes i wok long kamap strong tu long HIV/AIDS bikos dispela samting i wok long kamapim bagarapim insait long ol famili na komyuniti.





# MOROBE SO

## Namba 40 so bilong ol Morobe

OL betdei (birthday) em ol gupela taim long luksave long wokabout bilong wanwan tasol taim mipela tingim ol mailston betde, dispela em bikpela samting tru.

Yia 2000 em wanpela spesol yia bilong Morobe Provins Agrikalsa Sosaiti bikos this em yia we mipela i selebretim namba 40 Morobe So. Tu dispela yia i bikpela yia bilong kantri bilong wanem mipela i selebretim 25 yia bilong kantri we i sanap olsem independen kantri.

Dispela em tupela bikpela samting bilong tupela grup.

Long selebretim dispela bikpela de bilong mipela long holim so long 40 yia olgeta, mipela i plen long wokim bambai so bilong mipela i bikpela moa na pulap long ol kainkain samting bilong lukluk na amamas. Bai i gat planti pilai, ol man salim samting, ol lain soim ol samting bilong ol na ol kainkain samting long lukim na wokim bambai yu husat kam lukim so i no lus tingim long dispela so.

Morobe So i save sanap olsem wanpela so we ol lain bilong olgeta hap long PNG save kam lukim na long dispela yia, wankain pasin tasol bai kamap. Ikonomi bilong kantri i stap gut na gavman wok long hatwok yet long stretim ol samting we i no stap stret tasol mipela i amamas long wokim ol manmeri amamas long so bilong mipela.

Mipela i laik tok tenk yu long ol lain husat i bin hatwok long bipo yet long statim dispela so we i bin stat long 1958 na tu long ol lain husat i bin wok long ronim so long ol wanwan yia i kam inap nau we mipela i laik selebretim dispela 40 yia we so i wok long kamap.

Long ol yia i kam i go pinis, mipela i lukim planti ol so sosaiti we i no ron gut na pundaun. Sampela bilong dispela i pinis olgeta na arapela kirap ken tasol i kamap narakain ken long pastaim we ol i save ron long en. Sampela olsem Mosbi so em malolo na mipela laik bambai em i kirap na ron ken.

Las tru mi laik tok tenk yu long ol komiti bilong so long ol hatwok bilong ol, ol lain husat bambai soim ol samting, ol jas, ol wokman na ol lain husat bambai resis na yupela ol lain husat bambai kam long lukim so. Yupela tasol save wokim na so i save ron gut. Dispela so em bilong yu long kam lukim na amamas

Mike Quin  
Presiden

## Gavana Wenge bai opim so

GAVANA bilong Morobe Provins, Mista Luther Wenge bambai opim 40th Morobe So long Sande. Ol sampela samting we bai kamap long dispela taim tu em toktok i kam long presiden bilong Morobe So Sosaiti, Mike Quinn na ol sampela singsing na pilai.

### Agrikalsa So

DEPUTI Praim Minista, Mista Mao Zeming bambai stap insait wantaim ol lain husat bambai skelim ol resis bilong ol agrikalsa

lain. Insait long dispela resis, igat siksipela seksen. Dispela em skesen bilong ol distrik, tropical vegetables, introduced vegetables, fruit, commercial crops na general farm produce. Namba bilong ol lain husat i stap insait long dispela resis long dispela yia i bikpela tru. Sampela bilong kampani we bai stap insait long dispela resis em Timbersaw, Farmset, South Pacific Timber na Sawmills. Trukai Farms em

bikpela sponsa bilong dispela ol resis.

### Rot bilong go lukim so

KODINETA bilong Morobe So, Finlay Matheson tok olgeta lain husat bai soim ol samting na tu ol lain husat igat ol stol long so graun long yusim bikpela geit klostu long Waratahs klab long go insait long so. Ol narapela memba bilong so i ken yusim geit klostu long Golf Klab.

### TPA halivim so

TOURISM PROMOTION AUTHORITY i givim K5000 igo long Morobe So long ronim so. Nupela bik bos bilong TPA, Mista Richard Kassman i bin givim sek i go long Presiden bilong Morobe So Sosaiti long wik i go pinis long Lae Technical kolis.

### 63 singsing grup

NAMBA bilong ol singsing grup we bai singsing long dispela so em bikpela tru na winim ol narapela so we i save kamap long bipo.

Sampela bilong ol lain husat bai singsing long so em ol lain long Morobe, Isten Hailans, Westen Hailans, Sauten Hailans na Sepik. Ol grup long Morobe provins yet em Weala Youth Grup, Koa Koa, Pudeng Singsing grup na Tokanen Taroot Grup. Dispela ol grup bambai singsing long tripela de we so bai ron long en.



• Ol meri Hagen tu bai kukim ples ya.

**Special Features** are an integral part of new reporting. And at Word Publishing, we do our best to present reports that are fair, informative as well as educational.

If you are celebrating an anniversary, launching a new product or opening a new building, call our supplements Editor or Advertising Manager on:

**PHONE: 325 2500 or FAX: 325 2579**

**We can cover your Business in both  
ENGLISH and PIDGIN!**





# Tupela nupela samting kamap long so



TUPELA nupela samting we bai kamap long Morobe So em Body Building resis na Morobe Show Queen resis.

Dispela em ol lain bilong Morobe So Sosaiti i bin tokaut.

Bodi bilding resis bai lukim ol masolman bilong Lae i resis long painimaut husat i bai kamap olsem "Mr Lae".

Resis bilong ol bodi bilda em bilong ol man na meri tu. Ol man bai resis long tripela grup: ol lain husat hevi bilong ol i stap aninit long 65 kg, 75 kg na ol lain husat hevi bilong ol i antap long 75kg. Ol meri em nogat grup, ol i ken kam na traim tasol.

Man husat bambai go pas long skelim ol masolman em olpela Mr Queensland, Mista Clayton Brown. Ol arapela asples man tu bai halivim em.

Kampani husat i go pas long bringim dispela resis em Trukai Industries. Ol lain husat i win long wanwan grup we ol i resis long en bambai kisim tropi.

Narapela nupela resis em Morobe So Queen Kontes.

Dispela resis em bilong ol meri maski ol bilong Morobe o wanem hap bilong kantri. I nogat krisimas mak bilong meri husat laik traim dispela resis. Kainkain meri maski yu

• **Husat i tok pasin tumbuna i dai long Aseki distrik. Dispela poto i soim yanpela pikinini long Aseki tingim pasin tumbuna yet long Morobe So. Dispela lain bai kilim skin ken long dispela so.**

mama, marit o yangpela i ken resis.

Ol meri ya bambai dresap long bilas stret bilong ples na ol jas bai skelim ol. Olgeta bilas em ol putim i mas bilong ol tumbuna stret. Dispela em wanpela samting em ol jas bai lukluk long en.

Yu husat i laik stap insait long dispela resis i mas peim K25 fi. Sapos wanpela kampani laik halivim wanpela wokmeri bilong en long stap insait long dispela resis, ol i bai peim K50.

Meri husat win bambai kisim mani.

## Program bilong so

### Friday, October 13th

04.00pm Led Horse - PNG Equestrian Clubs and Cowboys  
05.00pm Best Presented Horse - PNG Equestrian Clubs and Cowboys

### Saturday, October 14th

8.00am Horse Events - Equestrian Club and Morobe Cowboys  
10.15am Skydiving Display - PNG Skydivers Display  
10.30am Horse Events - Equestrian Club and Morobe Cowboys  
2.00pm Flame Flour Races - Women/Children Variety Races  
2.45pm Trukai Races - Trukai Industries  
3.45pm No Motor Bikes in Action (due to unforeseen circumstances they are unable to attend)  
4.30pm Skydiving Display - PNG Skydivers club  
4.40pm Guard Dog Display - Guard Dog Security  
6.30pm Fire Works Display - Sydney Howard Fireworks International

### Sunday, October 15th

8.00am Mounted Games - Markham/Ramu Valley Cowboys  
10.15am Skydiving Display - PNG Skydivers Club  
10.30am Grand Parade - Exhibitors and competitors  
10.45am Marching groups - Schools/Community Groups  
11.00am Opening Ceremony - Official Opening  
12 noon Singing Groups - PNG Traditional Dance Groups  
2.00pm Brass Bands - PNG Brass Bands  
2.45pm Flame Flour Races - Women/Children Variety Races  
3.15pm Trukai Races - Trukai Industries  
4.00pm Guard Dog Display - Guard Dog Security  
4.30pm Chinese Lion Dance - Lae Chinese Club  
5.00pm Motor Bikes in Action  
5.30pm Daylight Fireworks Display - Sydney Howard Fireworks International  
6.00pm Show closes.

## HAMAMAS LONG KISIM KAIKAI

Bikpela, yu bringim mipela olgeta i kam bek. Dispela i olsem ol baret bilong bus i drai pastaim, tasol yu mekim ren i kam daun na wara i pulap long ol baret. Ol man i wok long kra i na planim kaikai, bai ol i ken amamas na kisim ol kaikai i mau.  
*Buk Song 126: 4-5*

### Stori bilong Wanpela Man

Wanpela man i go tromoi pikinini wit long gaden. Em i wok long tromoi i go, na sampela pikinini wit i pundaun long rot, na ol pisin i kam kaikai. Na sampela pikinini wit i pundaun long hap graun i gat ston, na i no gat planti graun long en. Graun i no daun tumas, olsem na ol dispela wit i kamap kwik. Tasol taim san i kam antap em i kukim dispela wit. Na wit i nogat rop olsem na em i drai olgeta na i dai.

Na sampela wit i pundaun namel long ol rop i gat nil. Na ol rop i gat nit i kamap na i karampim wit. Tasol sampela pikinini wit i pundaun long gutpela graun, na i karim kaikai. Sampela i karim 100, na sampela i karim 60, na sampela i karim 30. Man i gat yau em i mas harim dispela tok.

Jisas i tok moa olsem, "Nau yupela harim as bilong tok piksa bilong man i tromoi pikinini wit long gaden. Ol man i harim Gutnius bilong kingdom bilong Heven na i no save long as bilong en, ol i olsem dispela pikinini wit i pundaun long rot, na Satan i save kam long ol na kwiktaim em i rausim dispela tok God i bilong planim long bel bilong ol."

Na ol pikinini wit i pundaun long graun i gat ston, em i olsem man i harim tok na i kisim kwiktaim na i amamas long en. Tasol em i nogat rop bilong en, na em i save stap liklik taim tasol. Taim ol man i laik daunim tok bilong God ol i givim hevi long dispela man i mekim nogut long em, orait bilip bilong em i save bagarap kwiktaim. Na ol pikinini wit i pundaun namel long ol rop i gat ni, em i olsem man i harim

tok, tasol em i tingting planti long samting bilong graun, na em i wari long bungim planti mani. Ol dispela samting i karamapim tok bilong God, na em i no karim kaikai. Tasol ol dispela pikinini wit i pundaun long gutpela graun, em i olsem man i harim tok na i save as bilong en. Em i save karim kaikai, inap 100, o 60 o 30."  
*(Matyu 13: 3b-9, 18-23)*



**Pasin bilong bungim ol gutpela samting**  
Jisas i tok moa olsem, "Yupela i no ken bungim ol gutpela gutpela samting bilong yupela hia long dispela graun. Long dispela graun ol binatang na ros i save bagarapim ol samting, na ol stilman i save brukim banis na stilim."

Tasol yupela i mas bungim ol gutpela samting bilong yupela long Heven. Long Heven ol binatang na ros i no save bagarapim ol samting, na ol stilman i no save brukim banis na stilim. Long ples ol gutpela samting bilong yu i stap long en, long dispela ples tasol laik bilong yu tu bai i stap."

Jisas i tok moa olsem, "I nogat wanpela man inap i stap aninit long tupela bosman wantaim. Bai em i laikim wanpela na bel nogut long narapela. Bai em i harim tok bilong wanpela na givim baksait long narapela. Yupela i no inap i stap aninit long God na long man wantaim."  
*(Matyu 6: 19-21, 24)*

**Jisas i tok long ol lain man i ken amamas**  
"Ol manmen i save, ol i stap rabis tru long ol samting bilong God, em ol i ken amamas. Ol dispela manmen bai i kisim ol gutpela samting bilong kingdom bilong Heven. Ol manmen i kra i stap, em ol i ken amamas. God bai i mekim gut bel bilong ol. Ol manmen i save daunim nem bilong ol yet em ol i ken amamas. Bai God i givim olgeta graun long ol. Ol manmen i laikim tumas long bihanim stretpela pasin long wanpela pasin olsem man i hangre tru na i laikim tumas long kisim kaikai na i dai long wara, em ol i ken amamas. Bai God inapim ol tru."

Ol manmen i save manman long ol narapela em ol i ken amamas. Bai God i manman long ol. Ol manmen i bel bilong ol i kin em ol i ken amamas. Bai ol i lukim God. Ol manmen i save mekim dai ol kros na pat, em ol i ken amamas. Bai ol i kolim ol pikinini bilong God. Ol manmen i save bihanim stretpela pasin na long dispela as ol i kisim hevi long ol arapela, em ol i ken amamas. Kingdom bilong Heven em i bilong ol."

*(Matyu 5: 3-10)*

**Diwai nogut i save karim kaikai nogut**  
Jisas i tok moa olsem "Sapos diwai i gutpela, orait kaikai bilong en tu bai i gutpela. Na sapos diwai i nogut, orait kaikai bilong en tu bai nogut. Ol man i save lukim kaikai pastaim, na ol i save diwai em i gutpela o em i nogut. Yupela man nogut, yupela i olsem ol snek nogut. Olsem wanem na yupela ino inap mekim gutpela tok? Man em i save autim kain tingting i pulap long bel bilong en. Gutpela man i gat planti gutpela tingting i stap long bel bilong en. Olsem na em i save mekim gutpela pasin. Man nogut em i gat planti tingting nogut i stap long bel bilong en. Olsem na em i save mekim pasin nogut."  
*(Matyu 12: 33-35)*



## Save With MOROBESAVINGS AND LOAN SOCIETY

*For your Credit needs  
In the new Millennium*

- School fees for children
  - Medical Expenses
  - Holiday Expenses
  - Building Materials
- or
- Business Project that you want to kick start.

Why not call in and see us before it is too late.

We are at Vele Rumana Building, on the Ground Floor.

*Congratulates  
Morobe Agricultural Show  
on their 40th Anniversary*

**P.O. Box 3488  
Fourth Street, Lae**

**Phone: 472 1777  
Fax: 472 1778**



**It's Better  
No Tuna  
It's PNG's  
Very Own...**

- \* The freshest tuna caught in PNG waters.
- \* 100% pure meat, no bones, no skin, all natural.
- \* More fish in every can.
- \* Excellent source of muscle building protein, Vitamin D, and Selenium which help reduce the risk of cancer and heart disease.
- \* Affordable prices!



## 63 singsing grup bai kukim Morobe So

**YAKAM KELO i raitim**

MAK olsem 63 singsing grup olgeta bai laitim paia stret long Lae So Graun long dispela wiken insait long namba 40 Morobe Provinsel Agrikalsarel So bilong yia 2000.

Ol lain bilong Sialum, Finsafen na Kabwum bai kamap wantaim stail bilong ol long kalap na brukim kundu na tromoi kangal igo i kam. Dispela em stail bilong singsing Wenge na hap Siac tu wantaim. Ol lain bilong nambis olsem Salamaua na Bukawa tu bai kamap na soim stret stail bilong Sabic.

Insait long Morobe provins yet em ol singsing grup bai i kam tu long hap bilong Menyamya olsem Apa singsing grup bilong Menyamya, NCD singsing grup bilong Labumiti long Labu, Zinamba singsing grup bilong Huon, Zii Gori yut grup bilong Morobe, Bukawa, Kirintop bilong Kabwum, Indum asples singsing grup bilong Kabwum, Kobabo grup bilong Garaina na Weala yut grup bilong Menyamya. ol lain Makam tu i gat narakain stail bilong ol long singsing na danis na dispela bai wanpela gutpela sans tu long lukim stail bilong ol Makam. Ol lain bilong ples Munum na ol lain Rompog singsing grup bai soim stret tumbuna singsing na bilas bilong ol long dispela taim tu.

Ol lain bilong Mumeng bai kamap na soim kain stail singsing na danis bilong ol long kalap kalap na dispela em wanpela kain danis tu we planti manmeri i no bin lukim yet. Em i narakain lek na eksen olgeta bikos ol i lain bilong kalap kalap na kundu tu bai bruk wantaim.

Zewaku singsing grup bilong Finsafen, Malaman grup bilong Kabwum na Koakoa singsing grup bilong Sialum bai soim tu danis bilong ol.

Olgeta dispela singsing grup bai kukim stret Lae So stat long Sarere i go pinis long Sande apinun taim so i pinis.

Tasol i no ol Morobe lain tasol bai kamap soim tumbuna singsing na danis bilong ol. Ol arapela singsing grup bilong arapela provins tu bai mekim save long dispela bikipela de. Ol lain bai i kam olsem long Simbu, Wabeg, Sauten hailans, Isten hailans, Westen Hailans, Is na Wes Sepik, Nu Ailan na Madang provins.

Olgeta singsing grup i baim K80. olsem rejistresen fi bilong ol long stap insait long dispela bikipela de bilong Morobe So.

Ol pipel bilong Morobe provins, Lae siti na ol arapela provins tu long dispela wiken bai amamasim namba 40 Morobe Provinsel Agrikalsa So long Lae so graun stat long Fraide i go pinis long Sande apinun.

Morobe provins long olgeta yia i save holim so bilong em long olgeta mun Oktoaba na i save soim tru kain kain stail na ol samting bilong ol Morobe pipel long sait bilong pasin tumbuna na kalsa, ol wok agrikalsa na ol projek na ol bikipela bisnis wok insait long Lae siti tu. Ol skul na ol bikipela kampani tu i save yusim dispela taim long soim ol wok na ol samting bilong ol tu long ol ol manmeri i raun long so i ken lukim. Na dispela em i save givim gutpela sans long ol manmeri long luksave long wanem ol samting ol i ken baim long wanem hap long wanem bisnis tru na ol bisnis lain i save gat sans long bungim ol yet na pasim tok na strongim wok bilong ol.

Morobe So long olgeta yia i save gat ol kain kain kala bilong ol singsing tumbuna na ol tumbuna bilas na kain kain pilai tru we i save pulim ai bilong planti manmeri olsem ol lain long narapela provins na ol ovasis turis tu wantaim.

Divisen bilong Agrikalsa na Laivstok insait long Dipatmen bilong Morobe Edministresen i redim pinis ol kain kain piksa na ol wok bilong em long soim ol manmeri long dispela bikipela taim tu. Ol bai soim ol wok na ol samting ol i gat long givim skul na helpim ol manmeri long wok bilong didiman long graun bilong ol yet.



• Ol Siassi brukim skru long Morobe So.



**Hi Speed Diesel  
SERVICE LIMITED**

**SPECIALISTS IN:-**

- \* Diesel Fuel Injection Equipment Sales and Service
- \* Diesel Engine Reconditioning
- \* Turbocharger Sales and Service
- \* Repair and Recondition for Commercial Vehicles


**AUTHORISED AGENTS FOR**

**BOSCH · ZEXEL · LUCAS · ARB · DENSO**

PO Box 2450, Lae, Rigel Street, Taraka, Papua New Guinea, Phone 475-7288,  
Fax 475-7400, ISD 675 (Lae Map 3 D5)

*Congratulates*  
Morobe Agriculture Show  
on it's  
**40th**  
**Anniversary**





# MOROBE SO

## Coca-Cola bikpela sponsa

BIKPELA kol dring kampani Coca-Cola Amatil (CCA) i sanap olsem bikpela sponsa bilong Morobe So. Em i givim mani na halivim i go long Morobe So long ron ken long dispela yia.

"Coca-Cola i amamas ken long stap olsem bikpela sponsa bilong so. Mipela ol lain long Coca-Cola i luksave olsem long wok mipela i wokim long halivim so long ron, mipela i bringim amamas i go long ol famili long so we olgeta lain long komiti i stap insait long en. Mipela i pilim olsem dispela so we mipela selebretim 40 krismas bilong so bambai kamap gut stret," Mista Moni Cross, man makim maus bilong CCA i tok.

Dispela em namba tri taim CCA i givim mani na halivim long so komiti na i tok olsem ol bai wokim wankain wok long ol yia ikam.

Mani na halivim em ol i givim bai karamapim ol samting long so olsem Ferris Wheel, Fun Hause and the Dunking 'Splash' Can na ol narapela liklik samting bilong pilai na lukluk. CCA tu bambai givim ol singlis long olgeta wokman bilong so na kol dring long ol sekyuriti na givim mani bilong ol edvetismen em so sosaiti i wok long wokim long redia, TV na long niuspepa.

Wanpela nupela samting em ol CCA i bringim i kam long so bilong dispela yia em pilai bilong ol mangi em ol kolim long Jumping Castle. Tu ol i givim mani bilong faiawoks long Sarere. Tasol bikpela samting tru em ol i sapatim long en em ol resis we bai kamap long ol kainkain pawa ben long so. Ol ben bai kam long olgeta hap bilong Papua Niugini na bai pairap long tupela de (Sarere na Sande) olgeta stat long 9 kilok long moning na igo pinis long 4 kilok long apinun. Namel long dispela



### • Meri Salamaua wantaim basket bilong em.

bambai ol lain i ken lukim ol karate tromoi han na lek bilong ol. So bambai stap long tripela de em 13, 14 na namba 15 de bilong mun Oktoba long Lae Show Grounds.

Long lukim so, ol manmeri bai baim geit long K3, Pikinini - K1. Ol tiket bilong membasip sanap olsem K4 long famili we i gat tupela manmeri na tripela pikinini na K20 long ol wanwan manmeri. Ol lain husat kisim dispela tiket inap long go lukim so long olgeta de em so bambai stap long en, kisim ka i go insait na tu i ken go stap long gren sten. Yu husat i laik kisim dispela ol tiket i ken baim ol long opis bilong so.

## Ol kauboi kamap long so

OL manmeri bambai lukim ol kauboi i resis long wanpela resis bilong ol kauboi yet em kolim rodeo.

Rodeo em pasin we ol kauboi i save traim long sindaun na ron antap long ol hos na kau we i save bikhet long larim ol sindaun antap long baksait bilong ol. Na tu rodeo em resis we ol kauboi i save wokim long soim ol kain wok ol i save wokim long ol fam we ol i lukautim ol kau.

Kain pasin i hatwok tru na sampela taim ol man i save kisim taim long dispela. Tasol sapos wanpela man i sindaun na ron long ol hos o kau long longpela taim, em bambai win.

Ol lain long Morobe So Sosaiti tok rodeo bai kamap namel long bikpela fil we ol jas na ol manmeri i bambai lukim ol traim long masol bilong ol wantaim ol hos na kau.

Program bilong ol stesin hos na ol kauboi

bilong ol bambai kamap long Sarere, Oktoba 14.

Ol resis em ol bai stap insait long en em bending race we wanpela tim we i gat fopela hos na kaubai bambai resis long en, steer undecorating na ol resis.

Long Sande, 15 Oktoba, bai igat show jumping bilong ol tim na tupela sempion kauboi resis wantaim best presented station horse.

Ol lain bilong skelim dispela ol resis bambai sindaun long tupela de olgeta long lukim wanem kauboi na hos i bambai winim dispela resis.

Ol kampani i bambai halivim ron bilong dispela ol resis we bai kamap.

Coca Cola Amatil i go pas long dispela na i givim pinis mani na ol arapela prais bilong ol lain husat i kamap nambawan, namba tu na namba tri long ol

tim resis. Ol arapela lain husat i bambai givim ol prais em Goodman Fielder long ol shuttle relays, Arnotts Biscuits long Tim show jumping, Bridgeton Tyres long individual show jumping na Agmark Pacific long best presented hos na sempion kauboi.

Orica bambai givim wanpela tropi bilong man husat i kamap nesenel sempion kauboi na ol lain long so yet bambai givim mani long ol lain husat i win long Steer Undecorating resis.

Ol samting em ol kauboi bambai wokim bambai soim ol manmeri nating ol kain samting em ol lain ya i save wokim long taim ol i wok long ol fam long lukautim ol kau.

Planti bilong ol mani i no save long wanem kain wok ol kauboi i save wokim na dispela i bai gutpela taim bilong lukim dispela samting.




P.O. Box 840  
Lae, PNG

Tel: (675) 472 3107  
Fax: (675) 472 3375

Management and Staff of  
**Traisa Transport**  
*Congratulates*  
the Morobe Agricultural Show  
on their successful **Forty years** of operation  
and wish them

**A Happy 40<sup>th</sup> Anniversary**






# MOROBE SO



## Ma piksa long Morobe So







## Brothers em nupela sempion bilong Madang

### SOKA RIPOT

**BROTHER** i soim wanpela gutpela pilai tru las wiken na wilwilim Royals 1-0 long gren' fainel bilong Madang Soka Asosiesen (MSA).  
Tupela tim wantaim i bin pilai strong tru long namba wan hap, na nogat wanpela skoa i bin kamap.  
Long namba tu hap, Brothers i bin pilai wantaim strongpela atek na i bin salim salim straika

bilong ol Mukar John long subim wanpela gol long umben bilong Royals.

Straika bilong Royals Elias Dusal i bin trai hat tru tasol i no kisim gutpela sapot i kam long ol midfilda na fowat bilong em.

Dusal em MSA i makim em olsem wanpela gutpela straika long kompetisen long dispela ya. Bagaros ya em wanpela sumatin bilong Divain Wot Yunivesiti.

Long primia riserv, ol mangi Gov't Store (Brothers) i soim pawa na winim PX 1-0.

Long Anda 19 fainel, PX i pilai strong tru na rausim trausis ol boi Newtown 1-0.

Na long wimens fainel, ol studen meri bilong Divain Wot Yunivesiti rausim sket bilong ol Royals 1-0.

Planti ol sapota i amamas tru kain pilai bilong ol meri Diwai na i tok olsem dispela tim bilong Diwai i mas

makim Madang long PNG nesenel sempionsip, na maski long kisim lapun pangal bilong bipo yet husat i save daunim poin bilong Madang.

Insait fainel bilong namba wan divisen, nupela tim, Gagazi i soim strong strong bilong ol moa yet na kilim indai lam bilong Marlins 3-2.

Gagazi em i nupela tim we olpela PNG representativ pilaia Ondo Bart i statim.



• Winga bilong Guria Thomas Kwimberi i abrus long kikim gol na kivim stret birua bilong em bilong Yunivesiti. Guria win 1-0.

## Kumul i karim bikpela kiau

### HENRY MORABANG i raitim

**AUSTRALIAN Kangaroos** i wilwilim stret PNG Gas Kumuls 82-0 long kamapim nupela rekot long Tes gem. Dispela gem i bin kamap long Dairy Farm, Townsville, Australia, long Sarere.

Olpela rekot bilong Kangaroo na Kumuls em 66-6 we i kamap long Wagga Wagga, Australia long 1989.

Na dispela rekot i no nupela. Australia tu i winim ol arapela kantri olsem Lebanon 104-0 na tu Saut Afrika 86-6 long 1995 Wol Kap.

Dispela lus bilong PNG Gas Kumul nau i kamapim planti tok-tok nau sapos Kumul i ken pilai

strong long Wol Kap resis o nogat.

Kosa Bob Bennett nau i skrapim het sapos em i gat gutpela tim o nogat. Em i tokaut olsem bikpela samting tru em redim tim long Wol Kap. PNG Kumuls i mas redi tu long salensim ol arapela tim i stap long sem pul olsem Tonga, Saut Afrika na France.

Insait long trening nau, kosa wantaim ol trena bilong em bai wok strong long bringim fitness level bilong ol pilaia i kam antap. Planti ol pilaia i no fit gut long bungim Australian Kangaroo.

Fowat bilong Kumuls Bruce Mamando i tok bihain long gem long Townsville olsem fitness bilong planti pilaia i no gutpela. Tim i stap wanpela wik tasol na bihain ol i pilaim king bilong

ragbi lig, Australia.

Mamando i gat bilip yet olsem ol bai traim stretim ol na redi long pilai long Wol Kap we ol i ken kamapim gutpela gem.

Bikpela fowat Gordon Tallis i skorim 4-pela trai na Wendall Sailor tripela. Na fulbek Darren Lockyer i putim tupela trai.

Long rekot bilong Australia Kangaroo, Tallis husat i wanpela junia Townsville boi bipo i namba wan fowat long putim 4-pela trai long wanpela Tes gem. Arapela wantok bilong em Sailor i putim tripela.

Fowat bilong PNG Kumul Bruce Mamando i tokaut bihain long gem olsem fitness bilong ol pilaia i no gutpela bihain long wanwik trening. Tasol ol i lukluk long stretim taim ol i kem na trening long dispela wik.

## Madang i tingting long kamapim nupela asosiesen

### YAMES KAY i raitim

**BIHAIN** long fainel bilong Madang Soka Asosiesen (MSA) sampela tok win i wok long raun olsem sampela olpela i laik bruk lusim na statim nupela asosiesen bilong ol yet.

Ripot *Wantok* i kisim i tok olsem 4-pela olpela klab em Momase, Mimlon, Watabag na Nabasa i laik traim kirapim wanpela nupela asosiesen.

Ripot i no tok klia gut long wanem sponsa bai go pas long dispela asosiesen. Bikpela as kirapim tingting bilong 4-pela olpela klab long lusim MSA em bikos stendad bilong MSA i wok long go daun tru na i no olsem bipo.

Na kwalti bilong futbol na spotsmansip i no moa stap.

Narapela samting tu em ol referi i wok long bihainim ol toktok bilong ol opisel na i no lukautim gut gem long kompetisen. Ol sapota i save kontrolim gem na poretim ol arapela pilaia na referi.

Long wanpela ripot i soim olsem wanpela referi i bin kisim taim long han bilong wanpela pilaia long wimens divisen, referi Mista Sangamat em ol meri i kisim kona pos na brukim het bilong em.

Wanpela opisel i no laik givim nem

long *Wantok* i tok olsem stendad bilong MSA bilong bipo i no moa stap. Ol pilaia long fil i save yusim ol wau/bulolo stail na kikim nating ol arapela pilaia.

Long 2000 sisen, planti ol dispela kain pasin i bin kamap. Em i tok olsem dispela nupela asosiesen i traim hat long bringim kwalti bilong Madang soka olsem long bipo.

Dispela nupela soka asosiesen i wankain olsem Lahi i bruk lusim LFA.

Kain pasin bilong Lahi i mekim i gutpela tru bikos nau Lahi em wanpela top soka asosiesen long kantri.

Ol opisel bilong 4-pela klab i no bung yet long paitim toktok long kirapim dispela asosiesen, tasol, i gat tingting ol i autim pinis long ol yet long brukim lusim MSA.

Sapos olgeta toktok i go orait, ol bai traim askim Peter Angassa olsem husat i presiden bilong MSA na Siaman bilong Madang Spot Kaunsel long yusim YC Soka fil na larim MSA i yusim Laiwaden oval.

Dispela i min olsem nupela soka asosiesen bai yusim YC oval.

Opisel ya tu i no amamas long tim MSA i makim long pilai insait long Momase Soka Rijenol Soka tonamen we bai kamap long Madang.

Em i tok planti em wansait seleksen.

## Momase Kap i redi tasol long stat

### SOKA RIPOT

**GEMS** Komisina bilong Momase Soka Federesen John Peka i askim olgeta memba bilong Palamen long Momase rijen long sapotim gutpela wok bilong Sir Michael Somare long sapotim soka.

Peka i mekim dispela toktok taim MSF i redi nau long holim tonamen bilong em long Madang long neks wik.

Olpela kosa bilong PNG i tokaut olsem ol politikel lida i save toktok long solidarity, na soka em wanpela spot insait long Momase rijen i ken bungim ol pilai long pilai soka, na i mas kisim gutpela sapot long lida.

Em i tok wok redi bilong dispela tonamen i kamap gut long Madang. Nau ol tim i givim nem pinis long kamapim long dispela tonamen.

Morobe yet i gat planti tim moa long arapela ol senta long rijen. Ol tim i givim nem em.

Pindiu (Finschafen), Morobe, Sialum, Biangai Mandix (Wau), Bulolo, Wantaot, Mapos, Menyamya, Lae, Lahi na Kaiapit. Na long Madang em Madang (MSA) Madang One, Madang Tu, Madang Distrik, Ramu, Raicoast,

Bogia na Yomba.

Is Sepik bai gat tripela tim em Wewak, Maprik na Angoram na Wes Sepik i gat tupela tim em Vanimo taun yet na Aitape.

Peka i askim olgeta tim long bai K300 afiliesen fi na tu K250 nominesen fi long stap insait long tonamen. Dispela fi em bilong helpim na ranim MSF soka tonamen.

Em i mekim bikpela tok amamas i go long Coca Cola husat i wok long givim gutpela sapot long helpim soka long Momase rijen.

Bihain long dispela sempionsip bilong Momase, ol bai makim wanpela tim long salensim Hailens long Goroka. Dispela salens bilong Momase na Hailens bai kamap long namba tri wik bilong mun Novemba.

Peka i tok ol pilaia husat i laik stap insait long resis i mas rejista pilaia bilong wanwan asosiesen na i mas soim ID kat long taim bilong pilai. Ol i laik kisim ID kat bikos ol i no laik kisim ol kainkain man nating long kam na pilai soka.

Em i tok ol tim bai kamap long Madang long neks Trinde na gem bai stat long Fonde na pinis long Sande. Olgeta gem bai kamap long Laiwaden oval na tu ol soka fil long YC klostu long Divain Wot Yunivesiti.



IKEN WOKIM GUTPELA SAMTING LONG YU






• Ol pilaia bilong Wantoks na All Stars i sekhan bihain long pri sisen gren fainel bilong Pot Mosbi wimen softball long Sarere. Wantok i win 2-0.



• Tas gren fainel i kamap las wiken long Sir John Guise stadium.



• Ol mangi Guria bihain long ol i winim Yunivesiti 1-0 long Mosbi soka resis.



• Pilaia bilong Rapatona i apim han long soim olsem sampela krangki pasin i kamap long han bilong Yuni pilaia long primia kik resis long wiken.



• Straika bilong Yunivesiti Hans "German" Gewambing i laik traim hetim bal na golkipa bilong Rapatona Tapas Posman i stapim long soka primia kik resis long wiken.



**IKEN WOKIM GUTPELA SAMTING LONG YU**



# Difens i gat tripela tim long fainel

## RAGBI YUNION RIPOT

COMBAT Clothing Defence i winim grenfainel spot bilong Pot Mosbi ragbi yunion bihain long em i autim Harlequins 19-3 long A gret gem las wiken.

Defence nau bai sambai long lukim wina bilong Harlequins na Yunivesiti. Yunivesiti i winim Brothers 15-10 long mekim sans bilong ol i stap yet long pilai long fainel.

Tupela arapela tim bilong Defence, B gret na Anda 19 tu i sambai long gren fainel. Anda 21 bilong Defence i lus long Yunivesiti sapos nogat, olgeta tim bilong Defence bai stap long fainel ya.

Ol winga bilong Defence olsem Koisen Boino, Stevan Vegogo na smokbalus Leroy

Muriki husat i skorim trai i kamapim gutpela gem long win.

Defence i gat ol fowat olsem Rupa Tau, Ken Towoda, Willie Tasion, Pablo Wambon, Roodney Wiai, Boino, Vegogo na David Tomson i kamapim gutpela fos long daunim Harlequins long win.

Long fainel bilong A gret, tupela tim wantaim i skorim tupela trai. Tasol ol Defence i kikim konversen na dispela i mekim liklik senis ya.

Insait long B gret, Defence i daunim Harlequins long wan poin, 14-13. Orait long nokaut gem, 1RPIR Taurama i winim Yunivesiti 10-5.

Insait long gem bilong Anda 21, Yunivesiti i bagarapim pati bilong Defence 8-5. Sapos nogat, Defence bai gat olgeta 4-

pela tim insait long fainel.

1RPIR bai bungim Defence (Murray Barracks) bihain long ol i winim Harlequins 12-7.

Na long Anda 19 Defence i winim Royals 13-8. Yangpela Mikes Tobo i wok long bihainim gut tru stail bilong papa bilong em Emmanuel Tobo husat em wanpela olupela PNG Pukpuks long 1980.

Dispela yangpela pilai i lukautim gut gem na helpim tim bilong em long win. Oa Oa na Peter Warino.

De La Salle husat i pilai long nem bilong Royals klostu i win tasol ol i no was gut na Vincent Kora na Sioni Raka i skoa.

Na long maina semi, POMIS i autim ol lain 1RPIR 17-7. Ol trai ya i kam long Allan Gutai Livika Emanuel na Alan Movamovo.

# Central makim tas tim

## TAS RIPOT

CENTRAL Tas Asosiesen (CTA) i makim pinis wanpela tim bilong man na meri long stap insait Open tonamen we bai kamap long Kavieng, Nu Ailan long Disemba 1-3.

Presiden bilong CTA Monica Mathew i tok dispela tonamen em long makim wanpela skwat we bai makim PNG long Arafura Gems long Darwin, Australia, long neks ya.

Planti ol pilaia long skwat i makim CTA long Goroka na tu ol i kisim sampela pilaia long sisen.

Tim em: Raymond Warupi, Willie Charlie, Ralph Kaina, Benson Wara, Elias Sion, Robyn Taleng, Tommy Meor, Stanley Rea, Roa Bane,

Mathew Tonni, John Sabin, Gabbie Eri, Ben Manaim, Ian Karara, Mike Imo, Ate Herova, Ruddy Vagi, Yanda Kala, Eddie Mark, Sammy Enock, Alu Baida, Andrew Baida, Lawrence Aumora, Murry Kwapena, Danny Baro, Kelsi Mara, Sagi Toare na David Tador.

Tim bilong ol meri em: Daisy Coppand, Connie Alova, Fiona Geno, Lulu Charlie, Stacey Geno, Lila Gasi, Gorgina Aisi, Corris Posu, Emily Jabb, Kila Karara, Florence Lamu, Collie Eova, Rahcael Maminot, Dorothy Theodore, Manu Hekoi, Lucy Embaboge, Margaret Kape, Alice Sibona, Sharon Wangi, Nancy Oroni, Gail Namon, Melissa Ose, Alus Joama, Elizabeth Alova, Lianne Epepe, Kaia Varona na Pala Manet.

# Goroka winim Ladies Open pair taitel

## BOWLING RIPOT

CECILIA Drapak na Lady Karina Okuk i winim Nesenel Open Pairs bowling sempionsip long Lae.

Tupela i autim tiket bilong ol meri Mt Hagen Emma Eageo na Jane Mangui husat i kisim namba tu ples. Long namba tri ples, Elizabeth Bure na Linda Ahmat i kisim na Miriam Pep na Rose Elias i pinis namba foa ples.

Dispela sempionsip ya i pulim moa long 46 tim i kam long Boroko, Mt Hagen, Madang, Goroka na Lae yet.

I bin gat 23 tim na ol i pilai insait long 4-pela pul.

Long namba wan raun, ol 4-pela wina i go long wanwan pul i kwalifai. Ol tim i kwalifai em Mt Hagen 1, Mt Hagen 2, Goroka na Lae/Boroko i bung.

Insait long semi fainels, Goroka i winim Mt Hagen 2. Na long arapela gem, Mt Hagen 1 i winim Lae/Boroko.

Na long gren fainel Goroka i winim Mt Hagen na Mt Hagen 2 i bungim Lae/Boroko tim.

Sekretari bilong PNG Wimens Bowling Asosiesen Janet Pat i tok amamas long Christine Chan bilong Morobe Stationaries husat i givim ol tropi.

Em i tok amams long Lae Bowling klab long larim PNGWBA i yusim eria bilong ol long holim sempionsip.

I gat 15 ol PNG representativ pilaia i stap long dispela sempionsip. Ol i yusim olsem trening long nupela sisen long 2001.

Pat i tok amams i go long Lady Karin husat i winim Master Singe taitel long Julai 200, silve long Master Singles long Septemba na gol medal long Nesenel Open taitel long Lae yet.


Sekretari tu i amams long Ja<None>ne Marangui, long winim Masters Singles gol medal, na tu i kisim silve.

Tupela arapela meri em Jane Marangui na Lady Karina em ol bai givim nem bilong ol long resis long 2000 Spotswomen of the Year awot.

Em i tok PNGWBA bai putim nem bilong tupela long traun na resis.

Nau yet PNGWBA i singaut long nominesen bilong Nesenel Triples taitle we bai kamap long Defence Bowling kla long Pot Mosbi. Wanem ol lain i laik givim nem i mas salim long dispela telepon na feks namba 301 7006.

Husat i laik kisim toksave i ken ringim Elizabeth Bure na Agnes Tamate.



• Iani lamo klostu pretim Varuni Kila long dropim bal taim EMTV i pilai wantaim Water Bod long fainel bilong Tas ragbi long Sir John Guise Stadium long las Sande. Foto: ISSAC IKUAVI.

# Fainels bilong soka i kirapim paia long Bisinia

## PM SOKA RIPOT

GREN fainel bilong soka long Pot Mosbi i surik i kam klostu nau ol tim i taitim bun long winim gem.

Long primia kik resis, Rapatona i bukim namba wan spot bihain long ol i autim maina primia, ANZ Yunivesiti, 1-0. Na long maina semi, IBS PS Yunaited i bagarapim tru sindaun bilong Lae Biscuit Defence 3-1.

Gol bilong Defence i kam long Paskalis Atalou, Jeffrey Lus na John Mark. Atalou na Mark i lusim Rapatona na i wok long mekim nais wantaim ol boi Sepik.

Dispela gem bilong Rapatona na Yunivesiti em wanpela strongpela gem tru. Ol pilaia bilong

tupela tim i wok long taitim bun na sampela taim paia i save kamap bikos ol pilaia i save bikmaus long ol yet.

Gem ya i nap long go long ekstra taim tasol straika Peter Punau i pairim umben insait long las tu minit. Gol i kamap taim em i pulim bal na trikim fulbek bilong Yunivesiti na pairapim umben.

Kik bilong Punau i kamap na golkipa bilong Yuni Abraham Madoni ting bal bai go aut. Tasol nogat em i tainim na go insait na Madoni i sanap na lukluk tasol ya.

Rapatona i wok ovataim long setim dispela gol.

Referi Russel Tsuga i salim kepten bilong Rapatona Duri "Ice Block" Yarawi i go aut wantaim ret kat long rap pilai em i mekim

long kepten bilong Yunivesiti Joe Aisa.

Tsuga i nap long rausim planti pilaia sapos em i yusim yelo kat bikos planti rap pilai i kamap long tupela sait wantaim.

Tupela tim wantaim i pilai strong tasol nogat wanpela gutpela stail i kamap long dispela gem ya.

Winga bilong Yunivesiti Batman Furigi i gat sans long skorim wanpela gol tasol em i no kikim i go insait long net. Em i trikim golkipa Tapas Posman tasol bihain i laik kikim bal tasol fulbek Douglas Ririan i sanap pinis long stapim dispela bal.

Long dispela wiken, Yunivesiti nau bai bungim ol IBS PS Yunaited long painim husat tru bai pilai long gren fainel.

# Lae i makim tim bilong Momase Kap

## LAE SOKA RIPOT

LAE Futbol Asosiesen (LFA) i makim pinis wanpela tim long stap insait long resis bilong namba 21 Momase Soka Federesen Kap we bai kamap long Madang long neks wiken long Laiwaden oval.

Tonamen Dairekta bilong MSA i tok LFA bai salim tripela tim, developmen skwat, wimens squad na sinia men tim long stap insait long dispela soka resis bilong Momase rijen.

Em i tok ol selekta i makim ol pilaia long fom long sisen na em i gat bilip olsem dispela tim bai karim nem gut bilong LFA long tonamen.

Rijonel Membra bilong Is Sepik Sir Michael Somare i givim K10,000 long holim dispela sempionsip na tu i askim sapos ol arapela memba insait long Momase tu i mas givim sampela

helpim.

MSF i pulim planti tim tru bilong Morobe, Madang, Is Sepik na Wes Sepik.

Tim bilong LFA em Maurie Wasi, Ken Gule, Basa, McPerson Luther na Clency John (Blue Kumuls), Ian Yanum, Joe Gande, Jeffrey Normboi, Eddie Geno (Mitif), Julius Peka, Alex Benny, John Kamdring na Isacc Somani (Goro), Eya David, Titus Kuas (Bara), Joe Paul (Courts)

Kosa bilong tim em Daino Sami na namba tu em Iso Mathew bilong Blue Kumuls. Sami em wanpela biknem straika we i save mekim umben bilong ol arapela tim i guria taim em i straikim bal.

Tim ya i wok long hatim trening na bai lusim Lae long neks wik Trinde long go stap insait long dispela tonamen.



IKEN WOKIM GUTPELA SAMTING LONG YU

# Eels em netbal kwin

**NETBAL RIPOT**

CRYSTAL Eels em i kamap nupela kwin bilong Koiari Dobo netbal kompetisen bihain long ol i winim Hooks Tigers 24-17 long grenfainel las wik long Sogeri.

Ol meri Eels i no westim taim. Ol i go insait na putim kamap wanpela top gem na banisim gut birua tim long skoa.

Long stat bilong wisel, golkipa Domara Jeff Meia husat i yusim longpela em na blokim olgeta skoa bilong Tigers. Em i kisim gutpela sapot pilai i kam long Naomi Niven Dick na kalabusim stret Nobeas Soge na ol tim bilong em.

Dispela kain stail pilai bilong tupela i banisim ol na Eels i ranawe wantaim gutpela skoa 13-7 long namba wan hap.

Tasol ol Tigers i kambek strong long namba tu hap we Nobeas Momoa i stat long sutim sampela gol.

Lapun bilong tim Leah Soge i kisim sampela helpim i kam long Same na

Gaby Toina long helpim skoa bilong Tigers i luk nais liklik.

Tigers i strong tasol Eels i wok long strong moa na holim yet lid bilong ol na winim gem.

Lucy Aisa husat i pilai long senta i wok long lukautim gut gem. Em i wok long saplaim ol bal i go long Maraga Kakira na Inoa Oga long helpim ol suta olsem Rita Arthur na Maggie Dick long skorim gol.

Oga i pilai na bihain Sarua Ea i senisim em.

Tigers i mas krosim ol yet bikos ol i no tingting long skorim moa poin long namba wan hap bilong pilai. Insait long namba tu hap, ol i traim bes tru tasol ol i nogat lak long ketsim ol Eels.

Insait long namba tu hap, Eels i strong na blokim olgeta rot bilong Tigers. Eels i skorim 11-pela gol na Tigers i skorim 10.

Insait long B gret fainel, Tigers i winim Country Sisters 24-22. Dispela win i mekim ol klab opisel i amamas bikos ol i lus long A gret.

# Koiari i no painim wina

**RAGBI LIG RIPOT**

KOIARI Ragbi Lig i no inap tokaut long wina bilong gren fainel bihain long em i kisim sampela toktok kliia long opis bilong PNG Ragbi Futbal Lig.

Grenfainel namel long IBS Pukpuk na difending primia, Hooks Tigers i no pinis gut long ekstra taim bihain long sampela trabel i kamap namel long ol sapota bilong tupela tim wantaim.

Taim hevi i kamap, sampela sapota i yusim dispela hevi na paitim sinia referi Andrew Soikava.

Tupela tim i dro 16-16 long fultaim tasol long ekstra taim dispela hevi i kamap na nogat wanpela trai kamap.

Samting olsem tri minit i stap long pinis bilong pilai, wanpela pilaia bilong Tigers i mekim takol i no stret long pilaia bilong IBS Pukpuk olsem na pait i bruk namel long ol sapota.

Ol i ting wanem tim i skorim namba wan trai i mas winim gem olsem na IBS Pukpuk i win.

Koiari Ragbi Lig i holim yet olsem sil na tropi bilong ol arapela divisen inap olgeta toktok bilong A gret fainel i stret na ol bai mekim presentesen.

Tigers klab i holim yet olpela sil na ol bai wetim tasol toktok bilong Koiari Lig eksekyutiv na bai kisim sil i kambek.

# Kumul kosa i bekim toktok

**RAGBI LIG RIPOT**

KOSA bilong Papua Niugini Gas Kumul Bob Bennett i tokaut olsem ol pipel i mas tok tru long ol yet.

Em i mekim dispela toktok bihain long planti sapota i no amamas long toktok em i mekim taim PNG Kumul i laik salensim Australia Kangaroos long las wik Sarere. PNG Kumul i lus nogut tru 82-0.

Planti ol man wantaim siaman bilong Pot Mosbi Vipers Isacc Lupari i tok Mista Bennett i no soim rispek long tim na bagarapim tru sans bilong ol long bungim Australian Kangaroos.

Na long dispela wik, Bennett i tok em gat bikpela rispek long tim.

"Ol poipel i mas lain long tok tru long dispela kantri. Dispela em wanpela as bilong ol hevi long hia.

"Kepten bilong Kumul Adrian Lam na ol memba bilong tim i bilip olsem ol i laik kamapim gutpela skoa egensim Australia. Na

tim i save ol i no inap winim ol Kangaroos," Bennett i tok.

"Mi min olsem tok tru i gutpela samting. Na mi save olsem mipela bai i no inap winim Australian Kangaroos

"Sapos ol pipel i no wari orait, mipela i mas traim tok tru long redim mipela gut long neks salens. Mi yet i nogat hevi long tok tru na dispela i no hevi bilong mi," kosa i tok.

Na taim ol i askim na watpo em i tokaut long dispela long namba wan taim, na em i bekim tok olsem dispela i nogat wanpela samting. I nogat wanpela senis i kamap long skoa bikos PNG Kumul i lus.

"Ol lain i mekim planti toktok i tokaut olsem sapos ol lain i lukim gem ating ol bai i no inap mekim planti toktok," Bennett i tok.

Siaman bilong PNG Kumul seleka John Wagambie i tokaut olsem olgeta lain i mas lus ting long dispela gem long Townsville 82-0 na givim sapot i go long nesenel tim taim ol i trening long go pilai long Wol Kap.

Wagambie husat i kosim PNG Kumul long 1992 na holim Australia Kangaroo 8-0 long namba wan hap tasol bihain lus long 32-12.

I gat bikpela samting i no wankain long tupela tim. PNG Kumul i gat ol wanwan pilaia husat i pilai long Australia. Tasol Australia i gat ful tim we i gat ol profesenel pilaia. Ol i save trening fultaim na dispela em bikpela samting i no wankain long tupela kantri.

Ol pilaia long Australia i save kisim ful pe long pilai. Na tu ol i save kisim sampela sait mani long ol wok ol i mekim long promotim ragbi lig.

Na kompetisen bilong SP Kap na NRL tu i arapela samting we i no wankain. Stendad bilong SP Kap i no wankain. Nogat tru. NRL kompetisen i winim tru ol arapela ragbi lig kompetisen insait long wol.

Mista Wagambie i askim olgeta pipel bilong Papua Niugini long sapotim long go pilai long Wol Kap.

# IBS sponsarim tupela Trukai Fan rana



• Nades (sekon long lephan) i kolim aut nem bilong tupela wina bilong IBS skolasip.

INSTITUT bilong Bisnis Stadies (IBS) i sponsarim tupela laki wina bilong Trukai Fan Ran wantaim skolasip long skul long IBS neks yia.

Tupela wina em Miriam Peter hust i 20 krismas na Evoi Adnize husat i gat 18 krismas bilong ol. Dispela tupela wina ya em bilong Nesenel Kapitel Distrik yet.

PNG Spots Federesen bai bihainim

polisi long painim aut sapos dispela tupela i skul mangi na tu bai raitim pas i go long skul bilong ol long givim sponsasip long ol wina.

Sekretari bilong PNG Sports Federesen Sir John Dawanincura i laik tupela ina ya i mas ringim opis bilong ol wantaim liklik stori na tu ID kat long stretim toktok bilong skolasip.

Hetmasta bilong IBS Mick Nades i tok dispela skolasip i kos long K5,200.

IBS em wanpela kampani tu i torimoi bikpela mani olsem K11,000 long bai ol Trukai Fan Ran T'siot. Skul ya i bin helpim planti wok bilong PNG Spots Federesen stat long 1999.

Mista Nades i tok "IBS i amams tru long

poromanim Trukai na PNG Sport Federesen long strongim spot insait long kantri."

Maketing menesa bilong Trukai Industries, Neville Whitecross i tok em i amamas long IBS olsem wanpela bikpela sponsa na i amamas tru olsem ol bai helpim dispela Fan Ran long neks yia.

# Singaut bilong Sir John long risain

**SPOT FEDERESAN RIPOT**

SIAMAN bilong Profesenel Boksing Kontrol Bot (PBCB) Joe Assaigo i singaut long sekretari jenerel bilong PNG Spots Federesen Sir John Dawanincura long risain.

Assaigo i mekim dispela toktok bihain long tim bilong PNG long Olimpik Gems long Sidni, Australia, i no bin pilai gut.

Siaman bilong Profesenel Boksing i bin go long Sidni long lukim boksing. Na tu taim em i stap long hap em i lukim na skelim watpo PNG i no save kamap gut long ol intanesenel level olsem Olimpik Gems.

PNG Spots Federesen i noken giamanim ol pipel bilong PNG olsem ol i gat longpela rot long kamap long Olimpik Gems level.

Tasol semtaim em i tok amamas long 5-pela PNG spotman na meri long rekotim ol personal best taim bilong ol.

Mista Assaigo i tok gutpela eksperens na gutpela eksposa em wanpela toktok i save kamap olgeta taim ol tim i go ovasis na kambek.



**IKEN WOKIM GUTPELA SAMTING LONG YU**



# Sentrel beng bilong olgeta lon sosaiti bai kamap

RAYMOND PALANGAT i raitim

FEDERESEN bilong Sevings na Lons Sosaiti Limited (FSLSL) i glasim tingting bilong kamapim wanpela sentrel beng bilong helpim ol sevings na lon sosaiti long Papua Niugini.

Ol i ken kolim dispela Sentrel Fainens Fasiliti (CFF) olsem wanpela koperativ beng bilong Sevings na Lon Sosaiti.

Wanpela tripela de woksop we i pinis long Mosbi aste i gat astingting bilong kisim tingting bilong ol sevings

na lo sosaiti long kirapim dispela beng.

Nau yet i gat 23 sevings na lon sosaiti i wok yet, na long dispela 20 bilong ol i memba bilong FSLSL.

PNG long wanpela taim i bin gat moa long 70 sevings na lon sosaiti. Tasol long stat bilong dispela yia, Beng bilong PNG i stat long pinisim wok bilong 74 sosaiti i no wok. Ol bai mekim dispela insait long tupela yia. Pasin bilong salim ol lon sosaiti i kamap bikos i nogat gutpela menesmen, na tu sampela bilong ol dispela sevings na lon sosaiti i bin pas inap long 20 yia olgeta.

## Ol papagraun kampani i mas wok hat long lukautim ol yet

ROSALYN ALBANIEL i raitim

OL papagraun kampani i bin kisim strongpela stia tok long noken wet long gavman i helpim ol tasol long wok hat long lukautim ol yet.

Sauten Hailens Gavana Anderson Agiru i tokaut long dispela long taim em i sainim Moran Projek Bisnis Dvelopmen Agrimen (MPBDA) long stat bilong dispela wik.

Tupela papagraun kampani, Maka Invesmen Koporesen (MIC) na

Moran Dvelopmen Koporesen (MDC) i sainim dispela tok orait wantaim dvelopa, Chevron Niugini Limited.

Mistga Agiru i mekim dispela toktok pastaim bihainim sampela askim ol papagraun i bin mekim long kisim wanpela dinau long mak bilong K2 milien long provinsel gavman long helpim ol baim bek ol dinau ol i kisim long kirapim sampela bisnis.

Mista Agiru i tok em i no wok bilong gavman long bekim bek dinau bilong wanpela bisnis.

## 6-pela klen salensim gavman long baim Lae siti graun

HENGALI klen insait long Lae insait long Lae Morobe provins i givim wanpela petisen bilong ol i go Ledi Carol Kidu husat em siaman bilong Palamentri Komiti bilong Ebenisesen long Tunde las wik.

Hengali klen i wanpela long ol 6-pela klen insait long Ahi papagraun we Lae siti i sanap long en tude. Ol arapela Ahi papagraun em Yalu, Butibam, Kamkumung, Wagang na Yanga.

Petisen bilong Hengali klen i tok ol i laikim gavman i mas stretim ol hevi bilong graun we i no stret yet.

Ol i tok long stapim wanem dvelopmen i laik kamap na tu stapim 6 lein rot i go long Nadzab ples balus inap gavman na ol papagraun i stretim gut olgeta hevi bilong graun.

Ol i tok ol i skelim eksen bilong

ol gavman long bipo i kam i nos-tret tru long stretim hevi bilong ol Ahi graun insait long Lae siti olsem na ol i kamap wantaim dispela belhevi na petisen.

Ol i askim nesenele gavman long soim stret ol pepa bilong Portion 22 Bewapi, Plentesen, Portion 203 Abunka, Portion 102 Awilunga, Portion 63 Bumbub pletiteen na Portion 1, 2, 3, 4, na 5 Lewiwamp plentesen.

Ol i laik lukim ol dispela pepa na skelim sapos ol i stret o nogat.

Ol i askim tu olsem wanem graun i nogat wok kamap long em i mas go bek long papagraun.

Insait long petisen bilong ol, ol i tok olsem i gat planti paul pasin insait long Cla Land Usage Agriment olsem na ol i laikim dispela pepa i mas pinis.

Lands Dipatmen i mas hariap long stretim Sub Divisen bilong Portion 202 na givim bek ol gaun we i nogat developmen long en i go bek long Hengali pipel bihainim wanbel i kamap pinis wantaim gavman, ol i tok.

Petisen i tok ol i no inap larim wanpela setelmen i kamap long ol nupela eria wantaim ol setelmen program nabaut we i laik kamap.

Ol i askim gavman long helpim ol hariap long stapim ol nuela setelmen we i laik kamap long 9 Mail i go long Busanem eria.

Wantok i abrus long kisim petisen bilong ol Butibam tasol ol tu i gat ol bikpela toktok na sampela wankain nek olsem ol narapela klen na givim i go long gavman.

## AusAID bai wokim 34 haus bilong Madang plis

OL plisman long Madang bai i gat 34 nupela haus long neks yia, Provinsal Plis Komanda Surpintenden Samson Mapi i mekim dispela toktok long Tunde las wik.

Mista Mapi i tokaut olsem AusAID i helpim wantaim K2 milien long wokim ol dispela haus long hap graun we Provinsal Gavman i givim klostu long Fikus strit.

Ol dispela nupela haus bai senisim olpela Kusbau plis bareks we Helt atoriti long Madang i kisim kot oda long pasim bikos bareks i no gutpela long ol plisman i stap long en we inap kamapim sik long ol na famili. Bikos long dispela, sampela plisman i lusim Madang na go wok long arapela provins na planti plisman i lusim ol famili bilong ol i go stap long ples. Sampela istap long Madang long ol setelmen wantaim ol wantok.

Haus em bikpela hevi tru ol wokman bilong mi i bungim tasol ol pipel long komyuniti i laikim mipela i mekim mekim wok olsem ol angelo. Ol plisman em ol man tu ya, Suprintenden Mapi i tok.

Mista Mapi i tok wankain projek olsem i bin kamap tu long ol arapela senta olsem Kokopo long Is Nu Briten provins, Kundiawa long Simbu provins na Alotau long Milen Be provins.

Misis Madline Alok husat i go pas long Nesenele Ekstensen Wok i tokaut olsem ol manmeri i stap long dispela hap graun we Gavman i makim bilong Plis Dipatmen i no lusim dispela hap olsem na i mekim wok i isi yet long wokim ol haus.

Tasol Mista Mapi i tok graun i no bikpela hevi bikos ol manmeri husat i stap long dispela hap graun bai muv long nupela hap graun lens dipatmen i makim bilong ol pinis na sindaun long hap.



## CTP INSURENCE PE E GO UNTAP

WANTAIM STATUTORI LEVI NA TAX

STAT LON MANDE 16TH DEI BILONG MUN OKTOBA YIA 2000

Premium Class	Vehicle Description	Old Rate	New Rate	Stamp Duty @ 6.5%	Sub Total	VAT @ 10.0%	NRSC @ 5.0%	Ins. Levy @ 1.0%	Total Premium Payable
10	Sedan - Private Use	120.00	150.00	9.75	159.75	15.98	7.50	1.50	184.73
11	Station Wagon - Private Use	120.00	150.00	9.75	159.75	15.98	7.50	1.50	184.73
12	9 Seater Van - Private Use	170.00	212.50	13.81	226.31	22.63	10.63	2.13	261.70
13	Sedan - Religious Use	120.00	150.00	9.75	159.75	15.98	7.50	1.50	184.73
14	Station Wagon - Religious Use	120.00	150.00	9.75	159.75	15.98	7.50	1.50	184.73
15	9 Seater Van - Religious Use	170.00	212.50	13.81	226.31	22.63	10.63	2.13	261.70
16	Sedan - Medical Practitioner	120.00	150.00	9.75	159.75	15.98	7.50	1.50	184.73
17	Station Wagon - Medical Practitioner	120.00	150.00	9.75	159.75	15.98	7.50	1.50	184.73
18	9 Seater Van - Medical Practitioner	170.00	212.50	13.81	226.31	22.63	10.63	2.13	261.70
19	Ambulance - Hearse	120.00	150.00	9.75	159.75	15.98	7.50	1.50	184.73
20	Sedan - Business Use	140.00	175.00	11.38	186.38	18.64	8.75	1.75	215.52
21	Station Wagon - Business Use	140.00	175.00	11.38	186.38	18.64	8.75	1.75	215.52
22	Buses - Less than 9 Seats	170.00	212.50	13.81	226.31	22.63	10.63	2.13	261.70
23	Station Wagon - SWB - Private Use	120.00	150.00	9.75	159.75	15.98	7.50	1.50	184.73
24	Station Wagon - SWB - Business Use	140.00	175.00	11.38	186.38	18.64	8.75	1.75	215.52
25	Station Wagon - LWB - Private Use	170.00	212.50	13.81	226.31	22.63	10.63	2.13	261.70
26	Station Wagon - LWB - Business Use	290.00	362.50	23.56	386.06	38.61	18.13	3.63	446.43
30	Utility - Business Use	290.00	362.50	23.56	386.06	38.61	18.13	3.63	446.43
31	Van - 9 Seats or Less	170.00	212.50	13.81	226.31	22.63	10.63	2.13	261.70
32	Van - Exceeding 9 Seats	290.00	362.50	23.56	386.06	38.61	18.13	3.63	446.43
33	Trucks	290.00	362.50	23.56	386.06	38.61	18.13	3.63	446.43
34	Buses - More than 9 Seats	290.00	362.50	23.56	386.06	38.61	18.13	3.63	446.43
35	Public Motor Vehicle ( PMV )	290.00	362.50	23.56	386.06	38.61	18.13	3.63	446.43
36	Taxi - Commercial	170.00	212.50	13.81	226.31	22.63	10.63	2.13	261.70
37	Rental / Hire Car	170.00	212.50	13.81	226.31	22.63	10.63	2.13	261.70
38	Driving School Vehicles	170.00	212.50	13.81	226.31	22.63	10.63	2.13	261.70
39	Mobile / Crane / Tractor	110.00	137.50	8.94	146.44	14.64	6.88	1.38	169.34
40	Utility - Private Use	170.00	212.50	13.81	226.31	22.63	10.63	2.13	261.70
45	Utility - Exceeding 1.25 tonne	290.00	362.50	23.56	386.06	38.61	18.13	3.63	446.43
50	Trade Plate	110.00	137.50	8.94	146.44	14.64	6.88	1.38	169.34
60	Motor Cycle	85.00	106.25	6.91	113.16	11.32	5.31	1.06	130.85
70	Trailer	50.00	62.50	4.06	66.56	6.66	3.13	0.63	76.98





## Pipel pawa i win

Yugoslavia:

• Ol Oposisen sapota i pulap long Yugoslav Palamen bilding taim ol arapela sapota i selebret long strit. Bikpela mas i bin kamap long ol streit long Belgrade taim ol pipel i soim no laik bilong ol na rausim foma dikteta lida long kantri insait long 13 yias, Slobodan Milosevic. Aninit long lidasip bilong en, planti tausen pipel i dai insait long Kosovo pait, korapsen i kamap long gavman na ol arapela wok moa.

Dikteta gavman o gavman we wanpela man tasol i save wokim disisen bilong kantri long Yugoslavia we Slobodan Milosevic i bin go pas long en insait long 13 krismas i pondaun long las wiken taim pipel pawa i win.

Ol pipel i bin kirapim revolusen bikos ol i les na i no laikim kai n gavman we Presiden Milosevic i go pas long em. Hevi long Kosovo na long soim no amamas long kain gavman bilong en, ol gavman long wes i bin putim tred na ikonomik bloket long Yugoslavia na kantri na ol pipel i bungim hevi. Maski ol i singaut long Presiden Milosevic long risain tasol em no harim na moa long wan milien pipel i bung long Belgrade na strongim pawa long rausim em.

Ol ripot i tok Mista Milosevic i ronawe na i mas laik painim kantri long stap long en nau.

Long las mun, kantri i bin holim nesenel ileksen na Mista Milosevic i lus tasol em i holim yet long pawa.

Mista Kostunica husat i kamap Presiden bilong Yugoslavia em i lida bilong Oposisen Pati na wanpela loya. Ol lida long ol westen kantri olsem Amerika, Inglan, Australia i welkamim demokresei i kamap long Serbia wantaim nogat blut i kapsait na nogat bikpela bagarap long ol pipel na ol ples na ol arapela samting. (liklik piksa namel) Nupela presiden bilong Yugoslavia Vojislav Kostunica wantaim meri bilong em Zorica Radovic. *Poto: Weekend Australian Niuspepa.*

# Hevi namel long Israel na Palestain i go bikpela

### Midel Is

Ol lain Palestinian pipel i karim bodi bilong Aia Barghodt husat i gat 23 krismas i dai long pait namel long ol Israel soldia na ol Palestain lain long wiken. Dispela em long Abud taun insait long West Beng, Gaza Strip. Dispela hap ples em wanpela long ol we Israel na Palestain i pait long en. Piksa i kam long Weekend Australian niuspepa.

Hevi long Midel Is i as long hevi i sut long sait bilong lotu we i stap long bipo yet na i kam inap nau.

Bilip i stap olsem Jerusalem em i get bilong Heven tasol getwe i wok long pulap long ol lain i kisim birua taim hevi i sut long riligen o lotu namel long Israel na ol Arab kantri i go bikpela.

Ol bin kamapim Stet bilong Israel 52 krismas i go pinis. Na long pait i stap nau we i bin stat long las wik, ol Palestasin i strongim belhat bilong ol long Israel na kirapim das na pait i kamap. Long dispela taim tu, Praim Minista Ehud Barak bilong Israel na lida bilong Palestain Yasser Arafat i wok long karimaut ol toktok long kamapim gutpela sindaun.

Pait i kamap strong long ol holi ples long Jerusalem we i gat ol santu samting bilong lotu ol Jew na Muslim i gat luksave long ol. Dispela em long Tempel Maunt. Ol i tanim hevi long politikis i go long wanpela rilijes hevi.

Aninit long maunten as bilong Jerusalem olsem haus holi i stap long en.

Bilip bilong ol Jew i tok dispela em maunten we Profet Moses i bin redim sakrifais long givim pikinini bilong em Isaac i go long God. Em dispela sem ples tu King David i bin bildim tempel long putim Holi Ak we Baibel i tok pikinini bilong en, Solomon i bin wokim.

Taim ol Arab i bin pait wantaim ol Jew long yia 638, ol i yusim maunten olsem ples bilong pre long en. Mohamed em man husat i bin kirapim lotu Islam i bin luksave long Jerusalem olsem santu hap

bihainim gutpela prensip wantaim ol Jew hauslain long Arabia.

Taim ol kruseda i telova long 100 yias, Jerusalem i bin stap aninit long lukaut bilong ol Muslim tasol long 1967 pait, Israel i kisim bek em (Jerusalem). I kam inap long las wik, Tempel Maunt i bin stap gut na nogat pait na hevi moa i kamap namel long ol Arab na Israel long en. Tupela samting i bin mekim na nogat trabel i kamap long dispela santu ples na dispela em long : Defens Minista bilong Israel bipo, Moshe Dayan husat i bin tok ol Muslim i ken lukautim ples maski Israel i tok em i rait papa bilong dispela ples. Namba tu em o, rabai o hai pris i bin putim strongpela toktok olsem ol lain i bihainim Jew lotu i noken mas go long dispela ples inap ol i wokim nupela tempel long en.

Tasol long las wik, Oposisen lida long palamen bilong Israel Ariel Sharon i bin raun i go long Maun Tempel na dispela i kamapim hevi long ol Palestain pipel. Maski lo bilong ol Muslim i no tambuim ol visita i no bihainim lotu Muslim bikoslo bilong olk Arab i tok husat manmeri o pikini, Maun i bilong arapela kain lotu na pipel. Tasol ol pipel i tok pasin we Mista Shannon i wokim long wokim raun i go long Holi Tempel na wokim ol toktok we i hatim bel bilong ol Palestain pipel i no stret. Mista Sharon i bin tok Maunten i mas stap aninit long Israel na planti pipel bilong Israel i gat dispela bilip long en. Na dispela tasol i kamapim belhevi we nau ol i skruim i go long bikpela pait we sampela Jew na Palestain lain i dai long en. Histri bilong Maunten ya long ol Jew pipel i mekim na ol i no laik lusim hap graun i go long ol Palestain pipel.

Long fes senseri BC, King Herod i bin bildim Tempel na kompaun bilong em na i kamap wanpela naispela bilding long ensen wol tasol taim ol Romen i tekova, ol bijn bagarapim olgeta bilding. Tasol tude pletform bilong Herod tasol i sanap i stap.

Planti ol lida bilong Palestain i tok ol Jewis pipel i nogat nem long



• Planti man i dai dai pinis na planti bai dai yet. Ol manmeri i karim bodi bilong 23 krismas Ala Barghodi, wanpela Palestian man husat ol ami bilong Israel i kilim long en. Planti man tru i dai pinis na dispela kros namel long Palestain na Israel i stap yet. *Poto: Weekend Australian.*

Maunten. Long stretim hevi we ol i gat long en nau, Praim Minista bilong Israel Ehud Barak long toktok bilong em wantaim Palestain lida Yasser Arafat i bin autim toktok sapos lukaut long dispela Maunten i ken go long han bilong Yunaitet Nesen. Tasol Mista Arafat i no lain na hevi i stap long dispela.

Ol ripot i tok Mista Sharon i bin wokim toktok long salensim foma praim min ista Binyamin Netanyahu long Likud Pati lidasip. Tasol long ol Arab husat i belhat pinis, dispela toktok i sut long ol. Moa yet taim Mista Sharon em namba wan birua bilong ol Arab bikos long wo long Lebanon, we

taim em i difens minista, ol i bilip olsem em bin givim oda long ol Kristen long Lebanon long wokim ol kiling long ol Palestain refuji kem. Na ol Muslim i lukim wokabout bilong em i go long Maunten olsem wanpela salens long rait bilong ol.

Long bilip bilong ol Muslim, ol bin kisim Mohamed long Mecca i go long Jerusalem long hos long wanpela de na em bin go long Heven long dispela taim. Ol Muslim i bin bildim wanpela naispela sios bilong ol ol i kolim long al-Aqsa na dispela em namba tri santu ples bilong ol Muslim bihain long Mecca na Medina.


Ol yangpela bilong Fatah grup bilong Mista Arafat i go pas long ol hevi na pait namel long ol Palestain na Israel soldia. Ol Israeli lain we i stap long ol eria i kam aninit long lukaut bilong Palestain long West Beng na Gaza Stip i sapatim ol Palestain lain long namba wan taim tu ya. Mekim na Israel i wari nau.

Long dispela tupela eria, 70 pipel i dai na moa long 2,000 i kisim bagarap long nau pait i stap long en.

Long nau, ol pipel, maski em ol Palestain o Israel, ol i laikim gutpela sindaun i stap namel long ol.



# Papamama bilong wara



**B**IPO BIPO tru long wanpela ples insait long Madang provins, i gat wanpela ples ol kolim Wakawagi, em long Kurumbukari eria yet long lowa Ramu.

I gat tupela brata tasol i save i stap long dispela hap ples Nakanaki. Nem bilong bikpela brata em Mokoma na liklik brata nem bilong en em Kambaga. Tupela i save i stap gut tru olsem wanpela blut na wanpeal mama karim tupela i go i go na wanpela taim long nait, bikpela brata i tokim liklik brata olsem em i les long tupela i save kaikai kaukau tasol.

Na em i tokim brata long narapela de ol i mas kirap long hap nait yet na tupela i bihainim wara Gagayowo i go antap tru long het bilong maunten Kaviain na

painim ol abus inap tripela o 4-pela de. Na bihain tupela i kam daun long ples.

Em nau, bikpela moning tru tupela tupela brata kirap tasol na kisim olgeta spia bunara na ol kol kaukau Mainambol na pulumapim long bilum na tupela i lusim haus bilong tupela na bihainim wara Gagayowo i go antap. Trangu, liklik brata ya kisim taim tru long wanem olgeta hevi hevi spia, bunara, tamiok na nupela kaukau wantaim kuk kaukau em tasol karim. Olsem na em wok long pundaun hariap long ol wel wel ston bilong wara Gagayowo, tasol bik brata i no wara o sori long liklik brata bilong em na helpim liklik tu! Nogat na nogat tru! Bikpela brata i go pas yet na lus tingting olgeta long liklik bilong em. Em i tingting tasol long painim ol abus na taim em painim wanpela abus olsem pat tumas na gris pulap long em, em wok long daunim ol dispela abus. Na taim em sutim ol bun bun abus em lusim tasol antap long ol ston na liklik brata bilong em isi isi i kam bihain tasol na pulumapim long bilum yet na wok long pundaun kirap long wara na bihainim tasol lek mak bilong bik brata bilong em.

I no long taim na traipela mama bilong ren i kam daun na klaut tu i kam pasim olgeta rot bilong wara. Na tu wara i no isi isi long tait na trangu liklik brata i kisim bikpela bagarap tru.

Em lusim olgeta samting i go

daun long tait wara na wara karim ol i go. Na liklik brata Kambaga i ron tasol i go long wanpela diwai na hangamap olsem flaing pokis na wetim tasol pinis bilong ren na tait.

I no long taim na ren wantaim tait wara i wok long pinis isi isi i go daun nau na em harim tasol bik brata Mokoma singautim liklik brata Kambaga olsem! "Hey, Kambaga, Kambaga," yu stap we tru ya! Em nau liklik Kambaga singaut i go bek olsem! Mokoma mi pret long tait wara na bai i stap antap long diwai.

Em nau bik brata Mokoma i singaut na tokim em long kam daun long diwai na em laik kisim smok bilum na buai daka long kaikai tasol, Kambaga tokim Mokoma olsem bikpela ren wantaim tait wara wokim na em pret nau na em i lusim olgeta samting i go daun long wara tait na wara tait karim i go pinis.

Em nau bikpela brata i bel kaskas nogut tru na em katim traipela mama rop kanda na paitim liklik brata nogut tru na baga i hap indai stret antap long ples tais nogut tru.

Bik brata i kirap tasol lusim liklik brata arere long wara Gagayowo na em i go olgeta long het bilong maunten Kaviain na i go daun olgeta long Bokomda ples.

Man, klostu tasol long lek bilong em wanpela naispela yangpela kum katim meri i sanap na lap krangi tru long em i stap

wantaim ol naispela bilas tum-buna bilong em. Kambaga i sem nogut tru long lukluk long pes bilong yangpela meri ya olsem na Kambagai daunim het i go daun yet na askim meri ya olsem! Yu meri tru tru o yu Masalai meri! Em nau meri ya bekim olsem, sapos mi meri Masalai mi inap i kam isi tru na daunim yu pinis tasol mi no Masalai. Mi meri tru tru na mi laik go wantaim yu long haus bilong yu.

Kambaga i tok orait tasol na tupela i wokabaut i go bihainim maunten Kaviain nau na Kambaga i tokim em olsem, haus bilong mi i no klostu na bai mitupela i go. Olsem na bai mitupela i go wokim wanpela giaman haus daunbilo long Korakura na slip inap moning taim tru na bai mitupela i go daun long Ramu. Em nau tupela i wokim giaman haus na slip inap tulait nau na tupela i laik i go bek long Ramu na nogat! Meri i no laikim tupela i go daun gen moa nau. Em nau tupela wokim haus gut na i stap olgeta. Inap nau na taim yu i go long dispela ples Guevi bai yu harim olsem, Guevi namba wan em ol kolim ol olsem Nogooyowo Omo. Em i min olsem papamama bilong wara na em ain bilong bik brata Mokoma. Na namba tu Guevi em ol kolim olsem Boko Sagori.

Augustine Palau  
Ramu, Madang



Nem: Tennis Ena

Krismas: 20

Adres: P O Box 282, Waigani, NCD

Save: Enjoim laip, mekim fani, raun wantaim ol poromam, serim ol ol samting na raitim pas long ol pen pren.

Nem: Buta D. Wangapa

Krismas: 27 (man)

Adres: Guard Dog Security, P.O. Box 651, Lae MO/PR.

Save laikim: Ritim baibel, go lotu, raitim pas, serim samting na aidia wantaim ol arapela bratasusa, wokim haus na gaden, harim na singim gospel singsing na painim wanpela gutpela kristen meri long maritim.

Nem: Baut Kawage Nanag

Krismas: 16 (man)

Adres: P.O. Box 7210, Boroko, NCD.

Save laikim: Pilai basketbal, ragbi tas, lukim Wantok niuspepa na raitim pas wantaim ol pen pren na ritim baibel na husat man o meri i raitim i kam em bai bekim tasol.

Nem: Berry Tee

Krismas: 20 (man)

Adres: 4 Gie Yawa Camp, P.O. Box 2905, Lae, Morobe Province.

Save laikim: Wok gaden, pilai soka, helpim papamama, na raitim pen pren, amamas raun na serim aidia samting.

Nem: Noxie Jonah

Krismas: 23 (man)

Adres: P.O. Box 2905, Lae, Morobe Province.

Save laikim: Harim gospel musik, go lotu, pilai soka, volibal, wokim liklik bisnis bilong kukim tim kakaruk, mekim pren wantaim ol narapela na senisim samting na painim pren long narapela provins.

Nem: Yaun Jay Jangafar

Krismas: 19 (man)

Adres: Gabensis Community School, P.O. Box 315, Lae, Morobe Province.

Save laikim: Pilai spot, wokim gaden, kukim kalapua na kaikai wantaim ol prens. Na tu operetim senso na katim timba long Alaskan mil long bikbus Gabensis.

Nem: Steven Robin

Krismas: 17 (man)

Adres: Menyamya Vocational Training Centre, P.O. Box 55, Lae, Morobe Province.

Save laikim: Ol manmeri, pikinini na gutpela o i no gutpela lain mi save laikim tasol.

Nem: Robert Anda

Krismas: 18 (man)

Adres: Menyamya Vocational Training Centre, P.O. Box 55, Lae, Morobe Province.

Save laikim: Ol manmeri, pikinini na gutpela o i no gutpela lain mi save laikim tasol.

Nem: Dorothy Pih

Krismas: 16 (meri)

Adres: P.O. Box 791, Madang, Madang Province.

Save laikim: Pilai volibal, lukim TV, go lotu, tok pilai wantaim ol manki, raitim pas long ol pen pren man o meri.

## Gelpren i lukim narapela man tu



Dia LAIPLAIN,

Mi gat wanpela bikpela hevi long sait bilong laikim ol meri.

Tupela yia i go pinis mi wantaim wanpela naispela yangpela meri i bin stat long slip wantaim.

Pastaim em gutpela tasol bihain wanpela wantok bilong meri i painim aut na ol i bin rausim mi long haus tasol mitupela i save hait na lukim narapela arapela. Mitupela meri i bin pasim tok olsem mitupela bai wet inap long em i gat 21 krismas na bai mitupela i marit.

Nau tasol mi painim aut olsem gelpren bilong mi i wok long lukim narapela man tu. Dispela i mekim na mi kisim bikpela bel hevi stret.

Taim mi askim em long dispela pasin, em i tokim mi olsem em i paul liklik long makim wanpela bilong mitupela. Na meri i les long toktok long plen mitupela i bin gat long marit taim em i kamap 21 krismas.

Wanem samting i rong? Mitupela i silip wantaim na bagarapim olgeta samting o nau mi ting em i wok long tokim mi ol dispela samting long paulim na giamanim mi.

LAINIM YET

Dia PREN,

Dispela wari na hevi yu gat i save kamap long planti yangpela manmeri insait long graun. Dispela i save kamap taim ol manmeri i traim long painim laip taim poroman o husat long marit. Dispela pasin bilong painim rait poroman i save givim belhevi long planti yangpela manmeri na planti lewa i save bruk stret.

Long pasin bilong tumbuna, ol papamama i bin redim tupela yangpela manmeri long marit. Dispela i helpim ol yangpela na ol i no bin gat dispela kain hevi long painim man o meri long

marit. long nupela pasin bilong ol waitman, we i wok long kamap bikpela insait long PNG, planti yangpela i mekim disissen long wanem kain man o meri ol laik maritim na stap wantaim long laip bilong ol. Planti i no save askim papamama o tok save gut wanem samting ol i laik mekim.

I gutpela tasol wanpela samting pasin bilong waitman i karim i kaim insait we i no gutpela em long pasin bilong slip wantaim bipo long tupela manmeri i marit tru tru.

Pasin bilong slip wantaim man o meri bipo long tupela i tru tru marit i save gat bikpela rong tru i stap insait. Taim tupela i slip wantaim, dispela pasin na amamas bilong slip wantaim i save karamapim na mekim tupela i no luksave long olgeta samting we tupela marit inap save long narapela arapela bipo long tupela i marit.

Long mekim marit i kamap wanpela strongpela tru, tupela i mas save long narapela patna gut bipo long ol i maritim. I no kisim gutpela fillings long pasin bilong silip wantaim tasol na yu kirap marit hariap.

Bilong painim gutpela sindaun long marit bilong yu bihain, puspup em i wanpela samting we i mas stap insait long marit tasol yu mas save long narapela sait bilong man o meri yu laik slip na marit long em.

Traim painim ol samting ol meri i save tok tru long yu, i save laik mekim ol kainkain wok wantaim yu, save stap wanpela wantaim yu olgeta taim, i no save kros hariap, i save bihainim ol toktok na narapela ol pasin insait long laip bilong em.

Sapos tupela yangpela i kisim bikpela amamas long sait bilong puspup tasol. Na long dispela as tasol tupela laik marit, dispela kain marit bai bagarap. Bihain bai tupela les long silip wantaim na pasin bilong narapela arapela bai mekim tupela kros na pait na sindaun long haus bai i bagarap olgeta. Tupela yangpela i noken larim tingting i pas long pasin bilong puspup tasol na lusim tingting long ol dispela bikpela samting insait long laip bilong tupela.

Namba tu, taim tupela manmeri i stat long silip wantaim bipo long marit, tupela i lukim olsem pasin bilong puspup i bilong amamas tasol na tupela i mekim olsem bilong stretim beksait nabaut. Tasol namel long marit, tupela manmeri i silip wantaim long soim bikpela laik tupela i gat long narapela arapela na dispela pasin i soim olsem tupela i laik stap wantaim i go inap tupela i pinis long dispela graun. taim tupela marit i wok long silip wantaim na pus-

pus i go, bihain liklik, dispela amamas na gutpela sait bilong silip wantaim bai lus liklik liklik na pinis, dispela bai kamap bikos tupela i no save long tupela yet gut. Tupela i no bin save long tru mining bilong puspup. Tupela i laik amamas tasol.

I luk olsem yu wantaim gelpren bilong yu i gat dispela kain hevi mipela i toktok long en. Gelpren bilong yu i mas painim aut nau olsem puspup i no moa samting bilong amamas tasol. I gat moa mining insait long pasin bilong slip wantaim. Nau ating em i taim bilong meri long skelim yu na narapela ol boi pren em i gat. Nau em bai skelim yu long wanem kain pasin yu gat, em bai no inap tingting long wanem gutpela pasin na we bilong puspup yu save. Yu mas soim em ol narapela pasin bilong yu long em sapos yu laikim em yet. Tingting gut na skelim sapos yu laik serim laip bilong yu wantaim dispela meri inap yu dai.

Sapos yu no bin save long narapela meri, ating nau em i gutpela taim bilong yu long traime sekim raun na painim aut sapos yu ken gat sampela moa gelpren. I gutpela long yu gat planti ol gelpren. tasol yu noken traime na slip wantaim ol hariap, dispela bai helpim yu long lukim sapos dispela meri em i gutpela na wanem kain pasin em i gat bai mekim meri ya i kamap wanpela gutpela meri bilong yu bihain.

Narapela bikpela samting yu mas tingting taim yu i slip raun em long taim gelpren bilong yu i kisim bel. Sapos em i gat bel, bai yu maritim em nau? Sapos nogat, pikinini bai husat lukautim? Pikinini bai kisim sans long groap olsem ol narapela pikinini long wanpela gutpela hap o bai em i paul na silip raun wantaim ol kainkain manmeri nabaut?

Narapela samting em sik AIDS, sapos yu slip raun wantaim planti meri o man, lukaut bikos dispela sik i nogat marasin em yumi ogeta i save pinis.

Planti yangpela manmeri i save kam long mipela na askim helpim long ol hevi olsem kisim bel, kisim sik STD na AIDS bihain long ol i no save gut na slip nabaut wantaim kainkain manmeri raun.

Mipela i laik bai yu tingting gut tru long ol toktok mipela givim pinis na ol askim mipela putim. Yu mas traim toktok wantaim wanpela olpela manmeri o wantok husat inap helpim yu wantaim dispela hevi. Em inap givim yu sampela moa helpim bilong dispela hevi yu gat.

LAIPLAIN





# Bilasing PNG



## Bintang i save samapim spot yunifom tu

OL kain problem olsem leit dilivary bilong ol oda, no kism ol rait sais bilong ol kolos, ino planti bilong ol dispela ol kolos na kwaliti bilong ol dispela ol kolos em wanpela samting wai Bintang Holdings Ltd., i askim ol skul na ol kampani insait long praivet na pablik sekta insait long Nesenel Kapitol Distrik long putim givim oda bilong ol long Bintang Holdings.

Igat sampela taim we ol lain husat save givim oda bilong ol long ol narapela kantri i ken wet na wet igo inap ol kism oda bihaim long skul o wok i stat.

Dispela bisnis i save wokim ol unifom bilong ol skul, ol unifom bilong ol bisnis insait long praivet sekta na ol gavaman departmen.

Ino dispela tasol, ol save wokim ol unifom bilong ol lain husat save pilai spot.

Ol save salim ol kain kain samting long stua bilong ol long Garden City.

Fektori bilong ol i stap long Gordon.

Igat wanpela man husat save wokim ol kain kain stail long hap laplap na bihain ol meri inap long samapim ol dispela samting.

Bintang ino save samapim ol yunifom bilong ol sumatin na wok man meri insait long Pot Mosbi tasol, ol save samapim bilong ol narapela man meri long ol narapela hap insait long PNG.

Menesa bilong Bintang i tok olsem "Ol kain problem olsem long wetim ol yunifom bai ino kamap sapos Bintang i wokim ol oda."


Olsem na Bintang i tok olsem sapos lain i givim ol oda bilong ol insait long PNG bai ol kism ol kolos bilong ol kwik taim tru.

Olsem na Bintang i askim olsem long kamapim moa wok insait long PNG, noken go lukluk long narapela hap long wanem Bintang istap.

Bintang Holdings Ltd i bin stat insait long PNG long 1996.



• Ples we ol i save samapim ol klos.



• Dispela meri i wok long redi long katim hap laplap bilong samapim.

## Toana i gat stail

### ALMA MARIMYAS i raitim

PAPUA New Guinea Toana Nait ino save kam olgeta taim, tasol long Fraide 29 long mun September i gat planti stail i kamap na yu no nap tru long lus tingting long dispela nait.

Long siks kilok i go inap long seven kilok ol man meri i kamap na ol i wok long kam na kam tasol.

Long dispela nait ol man meri i kam long ol kainkain stail kolos bilong ol long makin wanem em toana long ol.

Na dispela ol toana i gat planti stail long ol, ino ol wanem ol man meri wok long werim tasol igat dispela ol lain i samapim na putim long soim olgeta man meri. na em i gutpela tru long lukim ol man i werim ol sulu bilong ol.

Taim ol man meri i sidaun i stap wanpela long ol meri husat i oganaisim dispela bung i tok olsem em i hamamas tru long wanem taim ol i kism dispela hap long dispela bung het kuk long dispela hap i tok olsem bai olsem 100 man meri bai kam tasol ol man meri husat i kam i winim dispela namba. Namba i abrusim 200 man meri na i nogat spes long ol tebol olsem na ol wok man long dispela hap i karim planti moa sia i kam aut.

Dispela nait em fit na fit nating, long wanem ol man meri i werim ol kain kain samting em i minim toana long ol.

Na i bin i gat planti long ol narapela toana ol meri na ol kampani i samapim long ol lain bai lukim. Em i gutpela tru long lukim ol man meri i bilas long ol toana bilong ol.

Long dispela nait, Regina Narokobi, meri bilong Spika bilong Nesenol Palamen Bernard Narokobi, i tok olsem, "Planti long yumi save go long ol narapela kantri long representim kantri bilong yumi na em i traipela sem taim ol man meri save werim ol toana bilong na ol save askim sapos yumi



• Dispela ol tupela dres em ol meri long Luk Poy Wai i bin samapim bilong PNG Toana Night.

Afrika-Amerika o Jameika.

Misas Narokobi tok, "Planti ol long kantri insait long dispela wol i gat ol kolos long makim kantri bilong ol tasol long kantri bilong yumi, yumi gat olsem 800-pela narapela kain bilas long makim ol yumu yet save kam long em.

Long dispela taim nau yumi mas wokim bai yumi kism wanpela kolos i makim PNG tasol."

Misas Narokobi i salensim olgeta man meri long kamapim wanpela kolos we ol man bilong PNG inap long werim. Na emi tok olsem em i hamamas long ol bikman olsem Sir Michael, Sir Pita, Sir Paulias na Sir Ebia long wanem ol save werim ol sulu. Tasol sapos imas sulu we ol pikinini man bai hamamas log werim.

Long dispela nait Moses Tau na Reflection Band i pilaim sampela gutpela musik bilong ol man meri long soim ol kolos.

Long dispela nait tupela meri bilong Mount Hagen i kam kamap long lukim ol kain stail kolos. Dispela tupela meri em, Rachel Gware na Bepi Waninga.



**WORKWEAR**  
I KAM LONG FRG CLTOHING LTD

OL BIN KIRAPIM DISPELA KAMPANI LONG 1977

**OL I WOKIM OL KOPORET,  
YUNIFOM,  
OL KESUEL KLOS  
NA  
SKRIN PRINTING**

*Ol i wokim long PNG na  
ol PNG manmeri yet i wokim*

*Kampani ya i bin winim Ekspota bilong yia awod long 1993.  
I gat 144 woklain long kampani na tupela tasol em ol ausait lain.  
Dispela em long Jenerel Manesa na Akaunten*

**TELIPON:**

**852 2833/852 2075/852 2550**

Feks namba: 8523110

Email: frgls@datec.com.pg.

Mot Place, P O Box 449, Madang





*Bilasim  
PNG*



• I gat ol narapela HC Leo save salim long samapim ol kolos.

## Hap bilong baim ol yunifom

HC LEO i stap long Boroko na stap yet long hap long taim em stat long 1963.

Dispela stua save samapim ol yunifom bilong ol sumatin long ol sekenderi skul, praimer skul na sampela long ol vokesenol skul.

Na ino ol skul yunifom tasol, yu ken kisim ol spot yunifom tu long dispela wanpela hap.

Igat planti samting ol save salim long dispela stua olsem ol kolos bilong ol man, meri, pikinini na ol shu, socks wantaim ol beg, ol samting bilong samap, na ol buk na pencil na ol samting long kisim pis na ol perfume.

Ol dispela ol yunifom, em 11-pela meri save samapim ol na i gat wanpela man husat save katim ol dispela yunifom long wokim ol dispela ol kain stail.


Long narapela hap long stua i gat olsem 12-pela man meri husat save wok long stua tasol.

HC Leo i save op long 8 kilok igo inap 4 kilok long abinun long Mande igo inap Fraide na long Sarere em save op long 8 kilok igo inap belo.

Dispela em wanpela stua we olget samting i stap long em.

Olsem na sapos yu laik kisim skul yunifom bilong pikinini bilong, long dispela sem taim yu nap long kisim ol skul shu, na soks, na ol buk na ol narapela samting.

Olsem na sapos yu raun long Boroko noken lus tingting long go na lukim ol samting long HC Leo. Nogut yu painim wanpela samting yu laikim tru long dispela stua.



• Wanpela long ol yunifom HC Leo save samapim.

• Aninit: Ol meri i bisi tru long samapim ol yunifom bilong ol sumatin long HC Leo.



# MILMIL WHOLESALE LTD Rabaul

Phone: 983 7116

## AAA GRADE SECOND HAND CLOTHES

10 Packs - (10 Items per Pack)  
Discount for Orders over 24 Packs

### 45 KG BALES:

New White Towels Pieces	K500	Ladies Skirts	K395
Mens Trousers	K395	Jeans	K395
Mens Shirts	K395	Shorts	K395
Tee Shirt	K395	Super Family Mix	K395
Curtains	K395	Jackets	K395
Ladies Blouse	K295	Ladies Tops	K295

For your quality and Cheaper Second hand Clothing,

**Contact us Now!**


*Hurry While Stock lasts!*




## BISMILTRADING (PNG) LTG.

Ol i save somapim ol kain klos na tu ol stail fasen klos

Bismil i save somapim ol strongpela klos long lukautim ol man i karimaut ol hevipela wok na ol Sefti Yunifom tu



- OL SEFTI OVAROL
- OLSEFTI HELMET
- OL SEFTI BUT
- OL KLOS LONG ILUKAUTIM YAU
- OL KLOS LONG ILUKAUTIM AI
- OL REN KOT
- OL RABA BUT WE I LUKAUTIM MAN LONG WEL NA TUHAT





Na tu: Dispela em wanstop  
Sekyuriti Yunifom Stoa

Rain Coat


Overalls



Gloves



Hearing Protector



Helmets

P.O.Box 1454, Boroko, NCD

Telipon: 323 5551 (Tripela lain tasol)

Feks: 323 3767

Email: bismi @ datec.com.pg

Mipela i lusim pinis opis we mipela i stap pastaim long en na stap nau long 6 Mail DHL kompaun klostu long Grenvil Motel.





# Bilasing PNG

## Ol stail kolos long laik bilong yu.

### ALMA MARIMYAS i raitim

STAP long Siks Mail insait long DHL kompau, Bismil Trading (PNG) Ltd em i wanpela hap yu ken go long em sapos yu laik kisim ol stail kolos long laik bilong yu.

Ol dispela lain save samapim ol yunifom bilong ol na tok i stap olsem ol save wokim gut wok bilong ol.

Na tu ol save kisim ol oda long ol kompani insait na autsait long Port Moresby.

Bismil em wanpela kompani husat save wokim ol yunifom bilong ol wokman-meri long ol sekiuriti fem, na ol skul, na ol lain save wok long pele balus. Dispela save kam long ol pablik na praiwet sekta.

Long halivim ol man-meri bilong Papua New Guinea, Bismil save halivim ol studen long ol vokesenol senta long siks pela wik. Bihain long dispela siks pela wik ol save kisim ol setifiket long soim olsem ol i lain wanem ol wok long skul long em. Na dispela skul bai ol ino nap long baim.

I gat 20 - pela meri husat save wok long Bismil. Long dispela 20, 13-pela meri save samapim ol kolos na ol narapela save wokim wok olsem aianim ol kolos, samapim ol baten na wokim ol kainkain stail. I gat tupela husat i wokim wok bilong katim ol laplap, wanpela man save draivim ka long go karim kago i go na wanpela meri husat save stap

long fran ofis.

Factori menesa bilong Bismil em Abdul Gafoor Mohideen na supavaisa em Mohammed Siraji. Dispela tu man save wokim ol wok bilong ol na tu ol save lainim ol meri husat save samap long samapim ol kainkain kolos wantaim ol kainkain stail.

Manesing dairekta bilong Bismil, Mohamed Jiffry i tok, "Dispela indastri bilong samapim kolos em i stap long stat bilong dispela tasol sapos igat traipela tambu i stap long baimim ol kolos long ol narapela kantri i kam insait long Papua New Guinea bai planti man-meri bai igat wok long halivim ol yet."

Narapela man husat save wok long Bismil em marketing manesa. Nem bilong em Ikram Sahabdeen.



Mista Sahabdeen i tok olsem, "Wanem Bismil i wok long wokim em givim gutpel a sevis igo long o i man

meri bilong Papua New Guinea na em i minim olsem ol hap laplap ol wok long kisim em gutpela tru na husat save putim oda save kisim long taim bilong kisim."

Bismil emi wanpela ektif memba bilong ol Manufekstera' Kauncol bilong Papua New Guinea na ektif tru long ol charity oganaisasen.

Bismil Trading (PNG) Ltd i bin stat long siks-pela yia igo pinis na save laikim bai ol kastoma bilong ol i hamamas long wok ol i wokim.

Bismil i save op long 8 kilok long moning i go long 5 kilok long abinun long Mande igo inap Fraide na long Sarere em save op long moning igo long belo.



• Ol snot ol i wokim long Bismil Trading.

• Lephon: Ikram Sahabdeen em Maketing menesa bilong Bismil Trading.

## HC & YH LEO LIMITED

### I STAT LONG OPERET LONG 1963

### *Kampani i speselais long wokim ol:*

- Klos bilong ol man
- Ol samting bilong yusim long spot
- Ol samting long ol fisamen long yusim
- Klos bilong ol meri
- Ol pesenel aitem
- Klos bilong ol pikinini
- Ol skul steseneri
- Ol klos bilong ol spot manmeri
- Ol kain kain stail klos wantaim
- Fut Wea
- Ol musik kaset
- Ol samting bilong yusim long somap

Long taim yu laik wokim soping bilong yu long ol kain samting, Tingim lapun nem bilong bipo yet

## HC LEO

BOROKO, WANPELA PAIONIA SAINA BISNIS HAUS

P O Box 82, Boroko - Telipon: 325 6448





# Bilasing PNG



## Luk Poy Wai

skelim na wokim klos

**THEO THOMAS i raitim**

PLANTI ol manmeri taim ol toktok long ol siot na trasis na ol samting olsem, nem bilong Luk Poy Wai i save kamap insait long toktok bilong ol.

Dispela i save kamap bilong wanem Luk Poy Wai em warpela nambawan kampani tru bilong wokim dispela ol samting insait long PNG na tu ol samting ol i wokim i gutpela na save stap long-pela taim tru.

Insait long PNG, ol bisnis bilong wokim ol klos i no bikpela tumas na mipela i save kisim planti ol klos bilong mipela long ol arapela kantri. Tasoi ol kampani olsem Luk Poy Wai i wok long kamap strong tru insait long dispela bisnis bilong wanem ol i save glasim gut tru ol senis we i wok long kamap na tu i save wokim ol klos we ol lain long hia yet i save laikim.

Pasin bilong senis long ol klos na putim ol nupela kain stail klos we i save kamap long ol arapela ples i no stap long hia. Long hia mipela i save tok trasis em trasis na siot em siot na putim tasol. Tasol long ples bilong ol waitman, klos em bikpela samting tru.

Dispela kain pasin i wok long kamap isi isi long PNG na ol manmeri tu i wok long senisim pasin na laik bilong ol long ol kain samting em ol laik putim.

Ol lain husat i gat planti mani i save bihainim kain pasin bilong ol waitman na save baim ol samting em dia tru na ol liklik manmeri i save baim tasol wanem trasis, siot o sket na meri blaus em ol painim long stua.

Luk Poy Wai i luksave gut tru long dispela kain pasin we i save kamap na i save traim long wokim ol klos we olgeta manmeri i ken baim na bai amamas long putim.

Taim ol i laik putim ol senis long



ol klos em ol save wokim, ol i save glasim gut tru wanem kain stail ol i mas bihainim long wanem ol i no laik wokim ol samting we planti ol manmeri i no inap laikim.

Luk Poy Wai i save wokim olsem gut tru bilong wanem papa bilong kampani, Mista Paul Luk i gat bikpela save long dispela wok bilong wokim klos na tu meri bilong em i bin kisim trening long dispela wok na tupela i save bung wantaim na wokim ol samting gut tru.

Long fektori bilong tupela long Cameron Road long Pot Mosbi, ol i gat 68 wokman meri husat i save wok long olgeta wok de long wokim ol klos bilong ol manmeri.

Wanwan bilong ol wokman meri i gat save long wokim ol siot, trasis ol laplap (sulu) na ol kainkain klos bilong ol meri.

Sapos yu gat laik long traim ol samting em Luk Poy Wai i wokim, go lukim ol long fektori bilong ol long Cameron Road.



• Wanpela wokmeri samapim ol klos i stap.

• Raitan: Paul Luk Menesing dairekta bilong Luk Poi Wai.



I OPERET STAT YET LONG 1996

*Kampani i spesela is long wokim:*

- Ol skul yunifom long ol kain stail na metiriel
- Ol gresduesen klos
- Saplaim ol spot klos, lkkipmen na ol arapela samting moa
- Sekyuriti yunifom na ol arapela moa
- Ol wok klos bilong ol wok manmeri long ol hotel na ol bisnis kampani

KAMPANI I SAVE KISIM OL ODA WE OL LAIN I STAP AUSAIT LONGWE LONG TAUN I PUTIM

*Sekim ol stoa bilong mipela long Gaden Siti*

P O Box 6192, BOROKO,  
Telipon namba: 323 2813, Feks namba: 323 4536.



# KANAGE

"Em nau, narapela wik bilong mi ken"



**K**anage i bilong ples Kero insait long lalibu distrik. Em i pinisim gret siks tasol na i no save long tok Inglis gut. Opening bilong lmbongu distrik opis i kamap long Walume Kembo na bikpela singsing tumbuna na kalap i kamap long amamasim dispela dei. Kanage i joinim olgeta mangi Kero na em i go kamap long Walume na wok long lukluk long ol singsing raun i stap. Em raun i stap i go na lukim tupela lalibu sekonderi skulmeri i wok long lukluk strong long em. Man, Kanage kisim hai filings stret na em i makim han long wanpela meri long kam pastaim. Tupela meri lukim Kanage i mekim olsem na tupela lap na tok "too bad." Man, Kanage i no lukim singsing. Em givim siksti go bek long Kero na hariap tasol em stretim haus gut tru. kukim kaikai putim long sait. Em pulumapim wara. Orait em kisim tupela bet na stretim gut tru i stap. Em wokim olsem pinis, em kam bek long Walume na lukim tupela meri i taitim bun long kalap i stap. Hariap tru Kanage go tasim wanpela meri long beksait na tokim em: "susa, olgeta samting yutupela askim long en, em mi redim pinis na nau mi kam bilong kisim yutupela go long haus." Tupela meri kirap, tokim Kanage long ai bilong olgeta manmeri: "yu save harim tok Inglis tu o. Mitupela tok 'too bad.' Husat laik kam silip long doti bet bilong yu na yu hariap tasol i go stretim." Man Kanage i nogat toktok. Em sem pipia na wokabaut i go pas long haus. Apinun ol mangi i kam na mekim bikpela pani na lap indai stret long dispela pasin bilong em.

**Andy Andrew O**  
Gerehu Stage 5 Komiti.

Kanage i bilong ples endipi. Kanage i wanpela hetman we olgeta Sande em i save autim tok long ol manmeri i harim. Wanpela Sande Kanage i autim tok na em i lukim wanpela naispela na yangpela meri tru sindaun long kona bilong haus lotu. Kanage i bin gat tingting long dispela yangpela meri. Na taim lotu pinis olgeta manmeri i go ausait. Kanage i giaman long lewa bilong em i pen. Kanage i tokim meri ya olsem kisim wara na givim mi. Lewa bilong mi i pas. Trangu yangpela meri ya i sori long Kanage i pilim pen wantaim lewa bilong em. Na em i go kisim wara i kam givim Kanage. Long dispela taim Kanage i autim wanem tingting em i gat long en, meri ya i tok em i gutpela tingting bilong yu. Tasol mi pret papamama bilong mi bai kros long mi tupela pren. Kanage i tok hey. Yu harim it's our like and we friend don't talk it out stay for you and stay for me. Meri ya harim olsem na kilim long lap na das i go ausait.

**Robert Les**  
Endipi

Kanage i bilong Manus. Em go raun long Rabaul na wanpela masta i kisim em long wok klina. Orait masta i salim Kanage i go

long stoa long baim hambaga. Kanage i stat wokabaut i go long stoa em kolim hambaga, hambaga, hambaga, hambaga i go klostu long stoa na em bamim lek bilong em long ston. Na em i lus tingting long kolim hambaga na em go insait long stoa. Em putim mani antap long kaunta na stoakipa kisim mani na askim Kanage. Yu laikim wanem. Kanage i tok mi laikim samting ya bilong skinim i go antap na skinim i kam daun. Na stoakipa kisim mani na askim Kanage yu laikim wanem na Kanage i tok mi laikim samting ya bilong skinim i go antap na skinim i kam daun. Stoakipa i no save long dispela samting na i askim Kanage gen Kanage i tok em ya samting ya ol save skinim i go antap na skinim kam daun ya. Stoakipa stat holim olgeta samting na Kanage i tok nogat, nogat, nogat, nogat na taim stoakipa holim hambaga na Kanage i tok em tasol ya samting ol save skinim i go antap long taim bilong raun ya. Na stoakipa i tokim Kanage olsem dispela samting yumi save kolim hambaga na Kanage harim olsem na em kisim hambaga na em tekov i go long masta bilong em.

**Ken Jacob**  
Bialla

Kanage i bilong Maprik long Is Sepik provins. Wanpela taim Kanage eking bik sot. Kanage i save mekim long ol man, pikinini bilong em i no save gutpela. Kanage i pekpek na rabim as long pos bilong smol haus na hariapim meri, pikinini long wasim long han. Ol i save lain ap rausim long hol. Ol i no save husat bilong ol i mekim. Wanpela taim pikinini boi bilong em i go hait na lukluk i stap na em i lukim Kanage lukluk nambaut i ron i go long smol haus. Em peks pinis na kam go long haus, pikinini lukim olsem na em i go kisim grinpela lombo i go na rabim long ples em i save rabim as. Long apinun Kanage go peks pinis em rabim grin lombo i hat i no winim paia. em i wok long sindaun sait-sait na singaut. Yu tok ret o grin, ol tok ret ya, pen tu na em singaut na tok em grin, winim paia em boil, ol kilim lap na mekim em tu hat i mekim em i waswas olsem wara.

**Todds Eksee**  
Ambunti

Kanage em i bilong Sauten Hailans provins. Na em save i stap long bialla distrik. Em man bilong painim pilai kas o laki long olgeta hap. Wanpela taim long pe wik bilong Hargy Oil Pam long Sarere em go painim pilai kas long Hary Oil Mil kompaun. Long moning taim olsem 9 kilok samting em i go long kompaun na em i lukim ol liklik manki i wok long pilai nambaut i stap. Kanage kirap askim ol man pilai kas long sampela hap tu o nogat? Ol manki bisi long long pilai na ol i no harim tok bilong Kanage. Kanage kirap bikmaus long ol manki olsem. hei ol kus yupela lukim ol man pilai aks tu o nogat? Ol manki kirap bekim tok bilong Kanage olsem. Traipela makmak ai bilong bilas o lukluk. Pilai insait long lain kokonas na kaukau ya. Kanage i siksti i go na bungim ol man i pilai 3 lip i stap. Em yet i tok olsem. Sans ya baga ros i rausim het bilong pik i go daun na lukim kas. Em pilim nogut long pilai kas na em wok long brukim skru na sindaun gut tru na kukim i stap. I no long taim na wanpela man i go ripot long Bialla Plis Stesin. na 6-pela plisman i

kam haitim ka longwe na wokabaut i go isi long hap ol man pilai kas. Na bainisim ol semtaim wanpela manki i singaut papa plis i kam. Sem taim yet plis pairapim wanpela tiagas na olgeta manmeri i no tingim dai. lek aps long as na das i go. Long sem taim Kanage i pilim pekpek. Em hariap tasol em rausim trausis hapwe na pekpek i stap long sem rot Kanage i ro-awe long em. Wanpela Atus Kande bilong Arowe tu i ron i go na em i no lukim Kanage i pekpek i stap. Man Arowe i go bamim. Kaange i go antap long pekpek bilong em yet. Kanage kirap nogut tru na tokim man Arowe olsem. Mi pilai go na mi painim taro bilong kuk ya. Atus Kande tu em kirap nogut na tok olsem. Plis mi no pilai kas. Mi painim kum gras bilong kuk ya? Tupela wantaim rabim pekpek bilong Kanage long skin bilong tupela. Samting tru plis i no autim tupela. Tupela yet i bam long ronawe long plis. Bihain tupela i go wasim skin long tep wara long kompaun. Na ol manmeri lukim pekpek pulap long skin bilong tupela na ol i dai stret long lap. Nau yet ol manmeri save tok pilai long Kanage wantaim Atus olsem dai bodi.

**Gabby Tom**  
Bialla

Kanage i bilong Westen Hailans provins. Kanage em wanpela dokta bilong Bukpena Helt Senta. Wanpela Fraide moning Kanage i go wok i stap na wanpela meri i kam nok nok long dua i stap. Kanage em wanpela konman tu ya isi tasol em kam opim dua. Meri ya askim Kanage olsem paps bikpela sik i kisim mi na inap yu givim mi wanpela sut. Kanage tokim meri ya olsem go wetim mi long opis bilong mi. Meri ya go weit i stap na Kanage isi tasol bihainim meri ya long opis bilong em. Kanage askim meri ya olsem wanem kain sik i pampim yu. Meri ya tok ating skin i hat na het i pen. Kanage bekim, i hat na het i paul na wara ron long as tu o nogat? Meri ya tok het na skin tasol i pen. Kanage i sori na holim em na meri ya tok nogat na Kanage kisim sem na tekov long ples.

**Anis Mola**  
Mt Hagen

Kanage em i bilong Tambul insait long Hagen. Wanpela Sarere moning baga nogut ya tait i go sanap long Wani maket na kamautim brus na pulim i stap. Taim em sanap stap na em lukim ol manmeri wok long pulim lain kam i go long rot. Kanage lukim poro bilong em tu wokabaut i go. Na em kirap singautim em. Wan wok yupela ol manmeri ya laik pulim lain i go we? Poro bilong em i tok, "mipela laik go lukim ol opim nupela Tambul distrik opis na lukim planti ol narapela samting tu bai kamap." Kanage kirap tok sans ya bai mi kam. Em nau baga nogut ya kamautim i go long Tambul stesin na lukluk raun i stap. Raun i go pinis na klostu san i laik go daun na Kanage stat long wokabaut go bek long haus bilong em long Maika. Trangu ples bilong em longwe liklik long Tambul stesin so em wan wokabaut long nait na ren tu i wasim em wan sait stret. Long samting olsem 3 kilok nait em go kamap long ples. Taim em sanap long rot na harim long haus bilong poro bilong em ya. Em harim planti lain wok toktok na singaut lap i stap. Mi go lukim ya, nogat sampela singaut strong. Taim em go klostu na lukim ya nogat. Ol man pilai kas i stap. Na em go insait na lukim ol man pilai kas i stap. Ren i wasim em na em sindaun klostu long paia na em pilim

slip. Kanage saitim na slip arere long paia stret. Bihain ol man pilai kas pinis ol go nabaut long haus bilong ol. Kanage ren i wasim em olsem na em aut long slip. Yu save nait em taim bilong ol rat long kamaut na painim kaikai. Taim ol rat kamaut na lukim ya nogat, ol ting Kanage em wanpela hap kaukau stap arere long paia na ol rat kam apim Kanage na karim em i go ausait long haus na go longwe liklik na ol pilim em hevi so ol lusim em namel long rot na ol rat lus nabaut. Taim Kanage pilim kol na tanim na lukim ya nogat. Em slip namel long rot. Baga pasim ai gen na tingting planti, "How na mi kam rot blok i stap." Kanage tingting planti go na tingting sot na klostu em traut na boi nogut ya tekov go bek long haus bilong em.

**Jerry James**  
Lae

Kanage em bilong Tambul insait long Westen Hailans provins. Em wanpela kain man ol i save karim pikinini klostu klostu. Taim Kanage yangpela man em bin marit na stat kik long karim pikinini. taim pikinini i wanpela krismas em wok long wokim nupela neseri long narapela long kamap gen. Mekim i go na em gat planti pikinini. Bihain Kanage em i go lapun tasol em i no wari olsem em lapun. Em tok lapun tasol enjin on na bai mi wip yet. Long mak bilong lapun meri bilong em i gat bel gen. Klostu em laik karim bebi na Kanage na brata bilong em kisim meri bilong Kanage i go long Tambul haus sik. Taim ol go long haus sik, lapun Kanage sindaun ausait long gras na pilims na i stap. Brata bilong Kanage karim meri bilong Kanage i go long rum we ol meri save kisim bebi. Lapun Kanage i tingting planti olsem meri bilong em bai dai o em bai stap laip olsem na em wari tumas. Bihain liklik em lukim brata bilong em i kamaut long rum bilong ol meri save karim bebi. Kanage kirap askim em na tok, "ol tok wanem? Brata bilong em kirap na tokim Kanage olsem, "brata, ol dokta tok yu save sigirap tru long karim pikinini klostu klostu olsem na ol tok bai ol rausim tupela kiau bilong yu na tromoi i go. Man Kanage harim olsem na tewel bilong em i sut pinis na em pret nogut tru. Isi tasol lapun Kanage saitim na lus nating long hap. Em i no tingim meri pikinini em lus nating. Samting tru em brata bilong Kanage em i no save laikim Kanage i karim pikinini klostu klostu olsem na em giaman em tasol lapun Kanage em tekov pinis.

**Jerry James**  
Lae

Kanage em bilong bikples Kero insait long lalibu, SHP. Em lapun na i no save gut long tok pisin. Wanpela taim em salim suga ken long Walume Maket i stap. Em sindaun i stap na tupela longpela kus bilong em klostu tru pundaun i go antap long suga ken ya. Nau sem taim wanpela wait meri i kam raun long maket na lukim kus bilong Kanage klostu tru laik pundaun. Wait meri kirap na tokim Kanage: "Bubu, klinim kus bilong yu. Kanage kirap na ting wait meri i askim prais bilong suga ken na kirap tokim wait meri ya: "Bubu, em 20t wanwan. Yu laikim?"

**Dominic Pareka**  
Mangi Maprik  
Kero, SHP.

Kanage em bilong ples Kumibis No. 1 Maprik. Matuemi marit long ples yet. Na Kanage na meri bilong em tupela stap wantaim long nait. Kanage save slip

em yet long haus bilong em na meri bilong em tu i save slip long haus bilong em. Wanpela nait Kanage isi tasol i go long haus meri na krol i go insait. Isi tasol em i go long bet bilong meri na em i ting em i apim lek bilong meri bilong em tasol abrusim em liklik tambu meri bilong em na tambu meri bilong Kanage kirap nogut na tok nogutim Kanage na Kanage isi tasol lusim haus na kam aut. Em i laik holim meri bilong em tasol abrus na em sem pipia stret.

**HMS Kay**  
Maprik

Kanage bilong liklik ples Chuya insait long Kaiapit distrik. Olgeta taim em i wok long traim hat bilong em tru long painim wanpela poromeri bilong em. Em i traim i go tasol ol meri bilong ples i les tru long em, bikos em i go traipela kela antap long het bilong em. Ol meri i save tanim tasol na tokim em olsem, "Yee lukim em! Traipela lapun kela ya." Wanpela taim Kanage i go salim long bas bilong em long Umi maket Beng buai bilong em i pinis nau na tanim em i laik go bek long ples, em kisim wanpela mama Ahkamuri bilong ples Kainantu. Tupela i stap go sampela wik i go pinis. Wanpela taim Kanage i tokim meri bilong em. "Yumi tupela go painim kindam long bikpela wara Chuya. Tupela kisim humber nau painim kindam i go i no longpela taim mama i tokim papa Kanage. "Papa yu zipperim tasol nau mi lukim, "Kanage i traim tasol na i lusim zipper i go daun. Mama i lukim go longpela taim tru na em i kam lidim tru i kirap tasol na i tokim papa Kanage. "Mam Papa namel bilong em sanap tasol het bilong em tasol." Ol i wok long painim kindam i go moa yet na kela Kanage i tokim meri bilong em, "ya i tokim na mi lukim?" Mama i hapim sket lo long em na Papa i lukim. Kanage i kirap tasol na tokim meeri bilong em. "Man mama i pes bilong em i soim paia bilong Bulolok?" Mama hariap tru i tokim Kanage i no long taim wanem hap het bilong em tasol?

**Moismais Wibie**  
Lae

Kanage em bilong Tari, SHP na em bin wok wantaim Paul Pora long Plentesen bilong Paul long Dobel Plentesen long WHP. Na pe bilong em, em i save kisim K16.00 long fotnait. Orait long wanpela fotnait em bin lusim pe na em bin i go disko. Em bin i go long Wara Wau plentesen. Long Wara Wau Plentesen, ol planti Tari save stap na ol i bin kirapim disko long ap. Orait em i bin i go long hap na em bin tromoi tok i go, i go na tulait i bin bruk. Na moning em bin i kam bek long rot ya tupela raskol i bin bungim em. Narapela raskol i bin tokim em long givim han paus bilong Kanage. Na Kanage i kirap na tok, han paus bilong yu o han paus bilong mi. Wanpela i kam, em pundaun na tupela i kam mi pundun. Kanage tingting long tok olsem tasol pisin bilong em i no klia long tok na em bin tok olsem. Mi wok wantaim Poldo Para na em givim sik ring kina. Na mi go ringim Wau sekriteri. Mi raun ring long sekriteri i go i go na nogat ansa bilong em. Na moning mi i kam ringim Ros ya tok nogut. Tupela raskol i bungim mi. Wanpela i kam na tok givim han paus bilong yu. na mi tok han paus bringim yu o han paus bringim mi. Wanpela i kam daun na pundaun. Na tupela i kam na pundaun. Olgeta manmeri harim tok bilong Kanage na lap i dai long Kanage. Kanage sem na tekov.

**Golou Karpus**  
Kaip



# Peim 50t bas fea stret

**Dia Edita,**

Mi raitim dispela pas long tokim ol manmeri long Mosbi siti olsem yupela i mas peim 50t bas fea stret. Nau em i hat taim na papa bilong bas i painim hat tru long ronim dispela bas sevis.

Prais bilong spea pat i go antap, peim bilong draiva na baskru i go antap. Bensin tu i go antap K70, K80 nabaut long raunim bas long wanwan de. Dispela 30t ol manmeri i save peim long raun long bas em pipia nating na i no helpim long ron bilong bas.

Ol man bilong ronim bas bisnis bai tok save olsem ol i laik giv ap tasol ol yet bai go we. Disple tingting i mekim na ol i subim het yet long givim dispela sevis.

Narapela samting, taim ol bas i no kisim inap mani, ol i no save pinisim hap rot ol bai go long en. Sapos wanpela man i sanap long Gerehu na laik go long Manu, em i givim 30t tasol na sindaun i kam i go olgeta. Dispela em longpela hap tru. Traim givim 50t. Wanwan i save tingting gut na givim 50t stret tasol planti bilong ol 30t lain manmeri, yupela i mas senis.

Sapos yu kisim wanpela bas 4 na laik go long Taun, yu givim 30t tasol, bas i ken kapsaitim yu long 4 Mile. Mak bilong 30t i pinis. Ino

ka bilong papa bilong yupela na kisim fri raid nating nating.

Sampela man i save peim dabol bas fea long wanwan dei bilong go kam long wok.

Len Trenspot Bod i mas lukluk long dispela samting na hapim bas fea i go antap long 50t o K1. I no longtaim i go pinis mi harim long redio na lukim long niuspepa olsem prais bilong fiul i go antap tru. Ol ka i save yusim fiul.

Nogut ol manmeri i ting mi gat wanpela bas, nogat. Mi toktok bilong yumi helpim narapela arapela. Planti mani i noken weist nating long dabol bas fea taim ol bas i no pinisim rot mak bilong ol. Ol i nidim dispela luiklik 30t na i save traim bes long mekim sampela liklik mani na larim bas bai i ken raun long rot yet.

Mi save sori long ol bas draiva na baskru. Ol mekim bikpela wok tru long kisim ol manmeri long haus i go long ples bilong wok, maket na wanem narapela bisnis ol pipel i gat. Planti tausent manmeri insait long Mosbi i nogat ka bilong ol.

Ol bas i givim bikpela sevis na ol anmeri i no amamas long dispela. Laip bilong ol manmeri bikpela samting na mani em samting nating.

Sampela yia i go pinisi ol bas i bin stop wok na planti manmeri i

kisim taim. Dispela pasin ken kamap taim bai mi sindaun na lukim. Yupela ol dispela 30t manmeri husat save kalap long bas ya bai kisim ka olsem wanem long go mekim wok bilong yupela na kam bek long haus.

Ol memba bilong yumi kisim ol narapela bisnis na givim long ol narapela man long raunim. Bas tasol em wanpela bisnis ol PNG stret i ronim. Nogat sapot i stap insait long dispela kain wok. Dispela kain i soim olsem yumi PNG bai wok kakaboi bilong ol autsait man na bihain bai yumi dai pipia tru.

Yumi yet i no sapotim brata bilong yumi yet. Wanem kain pasin. Plis mi apil long yupela wanwan manmeri, peim 50 bas fea stret na sapotim ol samting yumi yet bai yusim long en. Nogut yumi painim hat na wok-abaut olgeta taim long go kamap long wok ples.

Mi bilip olsem sapos yumi mekim olsem mi tok, olgeta samting bai rait olgeta.

Sapos yu husat man i gat belhevi, rait i go long Wantok niuspepa bai mi ken ritim.

Tenk yu na God bles. Mi save planti man bai sapotim mi.

**Andy Andrew O Gerehu Stage 5 Komiti.**

# Ekting yang bikpela long Kundiawa

**Dia Edita,**

Mi wanpela mangi Sandaun i amamas long ridim ol pas. So nau yet mi laik sapotim na strongim dispela singsing we ol Wali Hits bilong Madang i singim pinis ekting yang.

Plis mi wanpela mangi Sandaun i stap long Simbu na mi lukim dispela kain pasin bilong ekting yang i bikpela long Simbu. We ol meri Simbu i save mekim long ol man bilong ol.

Mi save raun na lukim ol meri maski em mama bilong wanpela o tupela pikinini tasol yu lukaut long taim em waswas pinis na werim jeans trausis na soks kam antap su i kam antap pinis tromoi kep long het na putim simuk long maus yu we pikinini bai kra i stap long haus na mama raun lonlong 626 nogat stop i go na sapos tatsim man bilong nara-

pela meri nau bai yu lukim pait bai kirap long stua o maket ples.

Plis dispela pasin ya i bikpela long Simbu. Plis yu wanpela mangi long nambis noken longlong na maritim ol meri Hailans mi tokim yu em bai daunim yu olgeta olsem meri bilong em gen. Em bai trikirim yu stap long haus na em tek ov em paul pasin wantaim ol man na kam bek long haus na giaman yu long ol toktok.

Plis dispela kain pasin mi lukim na mi no wanpela liklik. Plis mi askim yupela inap yupela stopim dispela kain pasin. So ekting em tasol.

Na yu husat i laik sapotim o egensim mi welkam tasol long lukim o ritim.

**Alyson Ky Moine Sandaun**

# Noken westim taim long kempen

**Dia Edita,**

Mi wanpela mangi Plato mi stap nau long Kimbe, Wes Niu Briten provins. Mi save stap long Malilimi plentesen divisin 2. Mi stap long Kimbe na mi lukim planti man wok long kempen i stap.

Man dispela yia i no taim bilong kempen. Traim na brata yu mas lusim dispela pepa kember bilong yu plis. Brata i gutpela yu kempen tasol mobeta yu mas go long ples na bai yutupela kempen wantaim.

Mi tok brata yu mas go long Plato

na lukim Philemon Embel save wokim wanme wok. Ol brata ating yupela save i stap long hul bilong ston o ating yupela save i stap long nambis tasol.

Olsem na brata nogut yu westim kago bilong yu em bai win ken long yia 2002.

Em tasol husat laik sapotim o egensim plis rait i kam long Wantok niuspepa na bai mi lukim.

**Kirep Mesa Plato, Mendi**

# God wanpela tasol inap

**Dia Edita,**

PLIS givim mi hap liklik spes bai mi bekim pas bilong Misis K. Naiwe, Karkai Island. Yes susa K. Naiwe yu yet yu respek long Martin Luta tasol mipela i no respek long Martin Luta nogat mipela poret long God olsem na mipela painim God.

Bikos God em yet i tok yu mas painim mi baibel i tok long aposel (Acts) 17:27, na narapela samting em susa bai mi tokim yu noken tok olsem kingdom bilong God em yu no bosim, nogat God wanpela tasol olsem na God em tok hia em i no stap insait long ol haus yumi wokim long han aposel (Acts) 17:24 olsem na lotu Luteran i no inap kisim yu i go

long heven olsem na mi tokim yu olsem yu mas bihainim Matyu 3:11 Jon 3:1-21 Martin Luta em brukim aut long wanpela baibel ves tasol yu yet yu no save yet em long dispela Mak 16:16-17 em tasol.

Tasol nau yet yupela kompromais pinis olsem na yu tok so gutpela yu mas painim God aposel (Acts) 17:27.

Em tasol PNG yu husat man o meri yu laik egensim o sapotim mi amamas tasol long lukim long Wantok niuspepa tenkyu PNG bikepal i stap wantaim yumi na lukautim yumi long olgeta wok bilong yumi.

**Dom Daware Lae**

# Obura Wanenara memba no mekim wok

**Dia Edita,**

Mi wanpela man bilong Wonenara tasol nau mi stap insait long Kimbe, Wes Niu Briten provins.

Na mi laik autim wari bilong mi long pablik long Wantok niuspepa long kantri bilong yumi long PNG. Na mi laik toktok long yupela ol manmeri bilong mi long Wonenara, Wandakia, Simbari na Marawaka olsem long yia 2002 yupela i noken givim wanpela vot long ol kenedeit bilong Obura Kainantu.

Na long wanem mi tok long yupela i noken votim ol taim yupela save givim vot long ol, ol i save givim baksait long yupela

olsem. Na mi save olsem provins gavman em i no save luksave liklik long yupela ol bus lain long ples.

Na tu tingting gut pastaim na givim vot long wanpela gutpela man we bai em lukluk tru long wanem samting yupela i laikim tru long ples.

Na sapos nogat bai yumi bruk lusim Goroka na bai yumi joinim

Morobe gavman. Na em bai traim lukautim yumi pastaim. Na tu i nogat wanpela gutpela senis i kamap yet inap nau 25 yia i go nau olsem na mi tromoi dispela tok bilong mi long pablik long kantri bilong yumi long PNG.

Tenk yu

**Jacob Joe Kimbe**

Sapos yu laik salim ol pas bilong yu i kam long dispela niuspepa. Salim i kam long dispela adres:

THE EDITOR  
WANTOK NEWSPAPER  
PO BOX 1982, BOROKO, NCD.

# Satan i stap long Mt Wilhem PNG

**Dia Edita,**

Mi wanpela mangi Sandaun i stap long Simbu. Na mi harim ol i tok Satan man nogut ya i stap long wanpela raun wara antap long Mt Wilhem so dispela em i tru tasol.

Bikos long las yia i go pinis long 1999 i gat tupela waitman bilong Israel i bin stadi long Saten na tupela i laik painim aut olsem Saten i stap long wanem hap bilong kantri na tupela painim olsem Saten i stap long Papua Niugini long top bilong Mt Wilhem.

Tupela waitman ya i kam na i go antap long Mt Wilhem long first lake tupela i stap stretim ol samting pinis na narapela i go daun insait long wara we i go i go na sanap long ston na lukim dua bilong Saten op i stap na em i go insait na lukim tupela kom ya sindaun long sia olsem king stret na em i askim waitman ya yu kam long

wanem?

Na waitman ya tokim em mi laik lukim yu. Na Saten i kirap na laik givim wanpela bakmani long em. Tasol waitman tok nogat mi no kam long mani mi kam long lukim yu tasol na go bek.

Waitman ya i tok insait long dispela raun wara ya wara i trip tasol antap olsem lip diwai i trip long wara na insait nogat wara ples i drai olsem graun antap so waitman ya i ok olgeta hap bilong kantri ol i painim Saten i go na nogat na taim tupela krum Papua Niugini tupela lukim olsem Saten i bas long top bilong Mt Wilhem long wanpela raun wara.

So sapos yu husat i laik lukim bas kem bilong Saten kam long Kundiawa na yu climb Mt Wilhem bai yu lukim. Tenkyu.

**Alyson Ky Moine Sandaun**

# Rot bilong lalibu Pangia i bagarap

**Dia Edita,**

Mi wanpela mangi long Pangia insait long SHP nau i stap long Lae na mi laik autim liklik wari long rot bilong mipela long Pangia na lalibu.

Rot i bagarap na husat bai lukim. Mipela save wokabout i go long Pangia taim ka i lusim mipela long lalibu stesen.

Ol pipel bilong Pangia save painim bikpela taim long go salim kopi na kaikai long taun. Mi laik save wanem taim memba bilong mipela long Pangia lalibu open bai luksave long dispela rot na hevi i gat long dispela eria insait long ilek-

toret bilong em.

Mi no save gavman i save givim mani long dispela kain projek o nogat. Sapos gavman save givim dispela mani, dispela mani go we? Na husat inap long luksave long dispela kain hevi? Dispela mani ol i save kolim (RDF) (Rural Development Fund) bilong Pangia distrik i go we? Paul pasin i mas noken stap.

Husat i laik sapotim o egensim em welkam tasol.

**Wiru Mari Lae**

# Ol PNG pipel i no enimal

**Dia Edita,**

Mi wanpela mangi Wopa i stap nau long oil palm provins Kimbe. Mi laik bekim pas bilong Tillie o susa i bin kamap long Ogas 3, 2000 long Wantok niuspepa.

Susa mi hamamas long bekim pas bilong brata Misuhung. Susa Tillie mi laik sapotim tok bilong yu.

Brata Misuhung, yu bin kamap long niuspepa olsem. Sepik na Hailans i hagapap olsem bilak bokis long Lae na Madang. Brata mi laik tokim yu olsem Sepik o Hailans o Morobe o Madang yu i stap long wanem provins em yu Sepik, Hailans, Morobe o Madang.

Brata ol i no enimal na hagapap nambaut. Brata ol lain ya olsem yu

pikinini bilong man.

Mi laik bekim tok bilong susa Tillie olsem yu Morobe bin planim pos bilong Sepik o nogat? Tillie mi laik bekim tok bilong yu olsem. Morobe em suvit ples. Morobe em i no sot long wanpela samting bai go long ples bilong yu Sepik. Morobe i gat planti kankain pektori i stap.

Susa mi tokim yu stret yu kisim bun bilong tumbuna bilong yu. Yu mas kamapim wanpela pektori long ples bilong yu Sepik. Susa Tillie em bekim bilong yu husat manmeri yu laik sapotim o egensim em rait tasol long niuspepa. Tenkyu.

**B Nanaŕg Koit Kimbe**

# Lo i mas banisim raits

**Dia Edita,**

GAVMAN i gat dispela kain raits, bilong en tu long i stap olsem gavman bilong kantri, pipel, na politikel pawa.

Dispela raits bilong gavman em i stap insait long raits bilong lo bilong kantri, gavman, pipel na politikel pawa.

So i gat raits bilong wokim kamap ol developmen tu we lo i stap insait long raits o lo bilong gavman. So i nogat wanpela lo tu i stap i tok olsem bai i nogat gavman na developmen.

Yes long i nogat paul pasin na wok bilong bagarap gavman, pipel na developme em yes. I gat lo i tok i mas i gat ol pipel na raits bilong laip bilong ol.

Politikel pawa tu i mas i gat raits bilong en long wanem em tasol i mekim na gavman i kamap long sait bilong memba, na praim ministra, em long nesenel level. Long sait bilong kolok level gavman em long wod memba o komisina, LLG presiden na namba tu gavana bilong provins bilong en yet.

Tu i mas i gat raits bilong lo olsem lo yet i tokaut long en so bai i ken i gat jastis o stretpela pasin tasol. Dispela raits bilong lo tu em i kamap long politikel gavman olsem wanpela ekt.

Bai PNG i kamap long dispela rot.

**Philip Pais Vanimo**



**WOK BISNIS**  
MANDE IGO FRAIDE  
8.am igo 5.pm apinun

**WANTOK**  
KLASIFAID TELIPON: 325 2500

**ADVATAISIN SELS**  
Mir Alor: ext 214 Walter D.Edward: ext 218  
John Iagata: ext 217



**WORD PUBLISHING COMPANY LTD.**

Your Word Publishing weeklies, The Independent (English) and Wantok (Tok Pisin), and the monthly business publication, PNG Business, are on sale at the following Street Sales (S/Sales) location and Retail Outlets throughout the country.

**NATIONAL CAPITAL DISTRICT (NCD)**

- Badili - Kwik Shop - Mobil Badili - Andersons Koki
- Boroko - Kwik Shop (Mobil Lahara)
- Stop N Shop - Boroko
- S/Sales - Boroko Post Office
- 4 Mile Bus Stop
- 5 Mile - Mobil Kwik Shop
- Gerehu - Stop N Shop - Rainbow - Mobil Kwik Shop
- Rainbow
- Gordons - Boroko Foodworld - Erima Supermarket
- S/Sales - Gordons Market Bus Stops
- 7 Mile - Gateway Hotel Newsagency
- 3 Mile - Moresby Newsagency (SVS Taurama)
- S/Sales - Foodland Bus Stop
- Town - Steamships Main Store - Mobil Kwik Shop
- Ela Beach - Stop N Shop - Ela Beach
- S/Sales - Town Bus Stops
- Waigani Govt Offices - S/Sales - Pineapple Building
- PSSA Haus
- Waigani Dr - Stop N Shop Waigani - Mobil Kwik Shop
- Islander roundabout - Islander Hotel NewsAgency
- BP Petrol Station - Waigani Drive
- S/Sales - PNGBC Bus Stop
- N/Waigani - Stop N Shop Supermarket
- S/Sales - Front of TST Supermarket
- University Forum Area

**LAE CITY**

- Eriku - Bulae News Agency (Andersons Eriku)
- Snack Bar - Mobil Service Station
- Top Town - STC JV Best Buy
- S/Sales - Market Gate

- Outside Post Office
- Front of Belgen Supermarket

**PROVINCES**

- Aitape - W & R Parer Pty Ltd
- Alotau - Alotau Newsagency (Papindo)
- Angoram - C/- Catholic Church Angoram
- Baimuru - Baimuru Traders
- Buka - Buka Enterprises Pty Ltd
- S/Sales - C/- David Kanatsi
- Finschhafen - Tisoemi Enterprises
- Goroka - S/Sales - Post Office - Town Market
- Provincial Govt Office
- Kainantu - S/Sales - Front of KKB Store
- Kavieng - Andersons Foodland - Haus Toksave
- Kikori - Delta Kikori
- Kimbe - Kimbe News Agency
- Kiunga - Progressive Traders
- Kundiawa - Sika Pty Ltd
- Kokopo - Andersons Foodland
- Lihir - Antoniom Best Buy
- Losuia - Konki Enterprise Limited
- Madang - Andersons Foodland - Best Buy - T. Tam Yan
- S/Sales - C/- Jim Free Wosyari
- Mendi - C/- Catholic Daiocese Mendi
- Mt Hagen - John Forster Pty Ltd
- Namatani - Buluminski Enterprise
- Rabaul - Andersons Foodland - Shell Petrol Station
- Tabubil - Tabubil Newsagency - Tabubil Superstore
- Ukarumpa - SIL Members Store
- Vanimo - Steamships JV
- Wau - Nangamanga Pty Ltd
- Wewak - Christian Bookshop (China Town)

**Independent - 801 / Wantok - 701 / PNG Business - K1.00**  
*buy your papers from your above outlets!*

**HEPI 1<sup>ST</sup> BETDEI**

**McHAELLA BELE**

**POTTOU**

(11/10/2000)

"Mikki, yu winim wanpela krismas long aste. Mi nogat wanpela gutpela samting long givim yu tasol mi laik tok 'Hepi Betdei na laikim yu nating tru' - Mi tasol, liklik kandre blong yu Paul Tienstein Mateaku Sakette."



**Gritings tu i kam long papa, mama, ol Pottous, Daniels, Sakettes na Ninikus long Pom, Arawa na Perth. Spesel wan stret i kam long ol Yukis long Porgera. "Bai Bikpela Antap i ken blesim yu na lukautim yu".**



**KAKAU BOD BILONG PAPUA NIUGINI**

**KAKAU KAMAP GUT NA PULIM BIKPELA MONI LONG 1999/2000**

KAKAU prodaksen i go antap na pulim moa long K103 milien i kam insait long kantri namel long 1999/2000, Siaman bilong kakau Bod Mista Sam Tulo, OBE i tok.

Mista Tulo i tok em i amamas tru long lukim olsem kantri i bin salim 44,511 ton kakau i go ausait long kantri long 1999/2000 kakau yia bikos dispela i antap long 40,000 ton mak we bot i bin lukluk long en.

Em i tok as long kantri i salim moa kakau em Bogenvil provins we i save kamapim moa kakau insait long kantri i wok long kamap orait na olsem ol pipel i stat long wokim ol gaden kakau bilong ol. Ol i kisim helpim long lukautim gut ol diwai kakau bihainim kempein bilong Kakau Bod na manesmen we i mekim na ol diwai kakau i karim gut.

Mista Tulo i tok insait long las tripela yia, ol kakau fama long Bogenvil i wok long planim ol nupela diwai kakau na tu klinim gut ol kakau gaden bilong ol. Na dispela i apim prodaksen i go antap na bai go het yet long go antap moa long ol yia i kam.

Em i tok kakau bisnis long kantri i luk gutpela na dispela i gutpela mak na i abrusim 1996/1997 taim kantri i rekotim 25,000 ton kakau. Dispela em i daunbil mak tru long histri bilong kantri na i no bin gutpela nius.

Long 1988/89 bipo hevi long Bogenvil i go nogut, kantri i bin kamapim rekot namba long kakau prodaksen na bihain long dispela taim hevi i stap long ailan, mak long kantri i kamapim na salim kakau ausait long kantri i pondaun long olgeta yia.

Ol arapela hevi we i mekim na kakau prodaksen i bin go daun em long 1997 taim bilong biksan na strongpela win long kantri, Saiklon Justin na maunten paia long Is Nu Briten long 1994.

Mista Tulo i tok maski pe bilong kakau long wol maket i go daun tasol em i amamas olsem ol fama i wok hat yet na kantri i kamapim moa long 44,000 ton kakau na kisim bikpela mani i kam insait long kantri.

Em i tok ol Bod memba i luksave long bikpela na gutpela wok we ol kakau fama na ol (kakau) bisnis lain i mekim long kamapim rekot prodaksen long dispela yia.

Em i amamas long ol liklik fama husat i no bin kisim dinau mani bilong helpim o sapatim ol long wok long baim ol marasin na lukautim ol diwai kakau tasol long hatwok bilong ol yet long han, ol i kamapim moa kakau na pulim bikpela ausait (foren) mani i kam insait long kantri.

Mista Tulo i tok kantri i nogat kontrol long prais bilong

kakau long wol maket bikos mak bilong prodaksen i stap daunbil yet.

Prais bilong kakau long 1999/2000 i bin stap namel long K1,500 na K2113 long wanpela ton.

Em i tok bikos strong bilong Kina i stap daunbil, wol kakau komyuniti i save kamapim na tu ol dispela i save baim kakau i tok ol bai daunim 34 pesen mak, prais bilong kakau long wol bai kamap orait long 2000/2001 kakau yia.

Olsem na Mista Tulo i strongim ol kakau groa long wok hat na kamapim ol gutpela kakau bin bikos gutpela prais bai helpim ol na kantri.

Mista Tulo i luksave long gutpela sapat we nesanel gavman na ol wan wan grup olsem AusAID, Yuropien Yunien na Yunaitet Nesens Dvelopmen Proqram i givim long kakau bisnis long kantri.

Em i tok wantaim dispela sapat, kakau bisnis bai helpim long daunim pasin we ol pipel bilong yumi i bungim long sot long ol samting na ol i ken go hetim gut sindaun bilong ol.

**SAM TULO, OBE**  
Siaman, Kakau Bod bilong Papua Niugini



# PNG pinis namba tu long Australia

PAPUA Niugini winim 14 gol medal insait long martial ats tonamen long Australia las wiken. Dispela em i namba wan taim tru PNG i winim bikpela namba bilong gol medal long kain tonamen olsem

Dispela tonamen ya i pulim tim i kam long Amerika, Nu Silan, Kanada, Japan, Lebanon na Saina.

PNG i pinis namba tu long Australia wantaim 14 gol, 11 silva na tupela bronz. Na tu tim i kisim tripela tropi.

Sempion kikkoksa Stanley Nandex i go pas long dispela win. Em i winim Adam Rosmary

## TAEKWANDO RIPOT

namba tri taim tupela i bun.

Hen Hanku husat i kamapim gutpela pait i winim Nu Saut Wels laitweit tropi Gaby Yura i winim gol long Open divisen.

Yangpela Joana Map i winim gol medal long 14-yia grup na Rose Kuruma i winim silva medal long Open wimens divisen.

Martin Lai i lus long poin egen-sim wanpela Filipino long juni gren taitel pait.

Nandex i tok em i amams tru long Lai husat bai kamap wan-

pela top paitman long bihain taim. Ol opisel i givim skoa i go long birua bilong em tasol mi ting Lai inap long winim dispela gem.

Nandex husat i redi long dispela pait tripela mun i go pinis i tok em i tingting long kambek gen bikos nogat man i laik pait wantaim em.

"No gat man i laik paitim wantaim na mi ting mi westim nating taim na mi tingting long go bek long ples long helpim junia devel-opmen program," Nandex i tok.

Dispela tonamen em i kisim gutpela sapot i kam long PNG Spots Federesen, MRDC na ol arapela sponsa.

## TAS RAGBI RIPOT

# Maba winim NCDC tas

MABA Wests i kamap nupela sempion wimens tim bihain long ol i winim Harbours Board long NCD Tas ragbi gren fainel.

Tupela tim i pilai long ekstra taim bihain long ol i dro long fultaim 9-9.

Wests i kamap namba tu long las yia we Lewamai i winim dispela taitel.

Lewamai i no givim nem long traim difendim taitel bilong em. Ol i raus long kompetisen bihain long ol i no baim rejistresen na afiliesen fi bilong ol.

Ol meri long Harbours Board i gat sampela gutpela na strongpela pilai husat inap long winim gem. Tasol ol i no tingting gut long pilai na lus.

Tupela tim wantaim i wok long bekim bekim skoa i go inap ful taim.

Olsem na ol i yusim drop-op sistem we 4-pela pilai tasol i stap long fil long pinisim pilai.

Harbours i lusim wanpela gutpela bal klostu long trai lain bilong Wests olsem na wanpela pilai bilong Wests Rose Walevo i kisim na givim siksti i go long putim dispela wining trai.

Insait long Open mens divisen, EMTB i autim tiket bilong Maba Wests 6-5.

Insait long arapela tas stori, UBH Sisters i nekim EL Roots 5-2 long winim gren fainel long namba tri taim long dispela yia.

Long namba wan hap bilong pilai Saints i go pas long skoa 1-0 tasol ol i putim 4-pela gol gen long namba tu hap long win isi tru. Ol Sisters i putim tasol tupela gol long haitim sem bilong ol.

## PORT MORESBY SOCCER ASSOCIATION

Preliminary Finals  
Saturday 14th October, 2000

Bisini Two (2)		
08:00	D3	Buresong vs Sunset
10:00	W1	Defence vs Cosmos
12:00	Youth	Guria vs Rapatona
13:30	W2	SP Brewery vs Bavaroko
15:00	D2	WMI Togelu vs Naniu

Sunday 15th October, 2000

Bisini Two (2)		
09:00	D4	Guria vs Rapatona
11:00	W1	ANZ University vs Winner of Defence/Cosmos
13:00	D1	YM2 vs HLB Pom United
15:00	Prem	ANZ University vs IBS PS United

Note: Grand finals will be played on the 21st & 22nd October 2000. Teams standby for grand final: Defence (youth), Defence (D4), Aigob (D3), Murat (D2), Kula (D1), Orogen (W2), Telikom (W1) and Rapatona (Premier).

## LAHI SOCCER ASSOCIATION

Saturday 14th October, 2000

SIKS		
08:00	W2	Busu vs 8 Mile Demdem
09:15	W2	KA Midnorth vs Bumayong
10:15	U19-2	KA Midnorth vs Demdem
11:30	U19-1	Busu vs Defence
12:45	W1	Malabu vs TTC Bullets
14:00	P1	Telikom vs Bugandi
16:00	P1	Malabu vs Sobou

Speedway Fields (Malabu)

09:00	U19-2	Bumayong vs Gee Otton
10:15	U19-2	Guria vs Muya
11:30	U19-1	Bumayong vs Huonville
12:45	W2	Bumayong vs Poasum
14:00	W1	Morobe United vs Elcom
15:15	PD	Muya vs Gee Otton

Sunday 15th October, 2000

SIKS		
08:00	U19-2	Asiawe vs Murat
09:15	U19-1	Busu vs Poasum
10:30	W1	Murat vs Defence
11:45	W1	Guria vs Eagle Sisters
13:00	P1	Guria vs Rapatona
15:00	P1	Defence vs Unitech

Speedway Fields (Malabu)

09:00	W2	8 Mille Demdem vs Poasum
10:15	U19-1	Bugandi vs TTC Bullets
11:30	PD	Unitech vs Poasum
12:45	PD	Sobou vs Gee Otton
14:00	D1	Elcom vs Mungkas

# Veitu i winim arapela taitel gen

YIA 2000 i mas gutpela long lapun bilong spots, Veitu Diro. Hatwok bilong em i karim kaikai taim tupela tim em i lukautim i winim gren fainel.

Long netbal, Telstars i win na long basketbal, Saints i winim Exodus.

Diro i no giv ap. Em i no pilai tasol i wok long helpim ol yangpela meri i kamap gutpela spotsman na meri.

Em i bin lukautim planti ol biknem netbal meri olsem Margaret Opina, Iamo Launa, Janet Sape, Violet David, Lydia Veali na Marion Genia. Na ol biknem pilai bilong nau em Mona-Lisa Leka, Lua Mavara, Caroline

## BASKETBAL RIPOT

Lahari, Mimi Ori na Jackie Niblet husat i fomim netbal tim bilong PNG.

Long Sande, ol dispela netbal pilai i pilai long Sains long winim Exodus long winim namba wan taitel bilong ol.

Misis Diro i sindaun long saitlain na lukluk i stap. Em i no wari nogat em i kisim wara na towel na redi tasol long helpim ol pilai bilong em.

Gem i wok long kamap hat tru na nogat wanpela man i ken lukim olsem em i gat tingting long winim fainel long Sir John Guise Indo

Kompleks.

Em i sindaun isi, na larim tasol gem i kamap. Em i save wanpela tim bai win na arapela bai lus.

Samting olsem wanpela minit i stap yet long kilok na Saints i go pas long skoa 70-64, em i kirap na soim sapot bilong em.

Dispela win em bilong em wantaim ol sempion netbal meri. Ol i wok hat tru long winim dispela taitel.

"Mi amamas tru olsem ol meri i win," Misis Diro i tok.

Em i save wok hat long lukim ol spotmeri i kamap biknem. Na Veitu Diro em

wanpela biknem long spot insait long kantri.

Long spot yet, em i bin mekim planti lukluk raun long olgeta hap bilong wol. Long wan solowara, ating em i mas pinisim olgeta kantri.

Em i stat pilai netbal long 1960 na fomim klab bilong Telstars long 1966. Taim netball sisen i pinis, Misis Diro bai bihainim na pilai basketbal.

Wanpela bikpela wari nau em olsem em i no go long Sidni Olympik Gems. Tasol em wanpela bilong ol namba wan meri husat i kam long bungim PNG tim taim ol i kambek long Australia.



• John Kambuou bilong PNG Spots Komisin i givim awot long tupela disebel spotman Ben Theodore na Anna.

# Boss bilong Osi Ruls i no amamas

PRESIDEN bilong PNG Ruls Kaunsil Thomas Gori i tok Australian Futbol Lig (AFL) i no mekim wanpela samting long helpim spot long kantri.

Gori i tok dispela ol toktok i kamap long ripot i no tru bikos toktok bilong AFL mausman Andrew Cadzow i bagarapim tru osi ruls long kantri.

Gori i tok "Sapos AFL i tok ol i laik rausim sapot bilong ol, mi laik askim wanem kain sapot ol i givim long PNG? AFL i no givim wanpela samting tr long PNG na mi min olsem nogat wanpela

## RULS RIPOT

mani stret.

Em i tok logn ruls sempionsip long Kokopo AFL Dr Ross Smith i stap long miting tasol em i no mekim wanpela samting.

"Em i kisim sans long toktok na em i mekim ol gutpela toktok tasol long osi ruls long kantri, na i no mekim wanpela toktok long helpim bilong AFL i kam long Papua Niugini Ruls," presiden i tok.

Ol nius ripot i wok long kamapim politik tasol bilong osi ruls bikos ol bikpela senta i no laik bihainim gut rul.

Em i tok Port Mosbi olsem sinis senta i no bihainim gut rul bilong tonamen. Na dispela i no soim gutpela pasin long ol liklik senta.

Mista Gori i tok planti ol opisel bilong Pot Mosbi i tokaut pinis olsem sempionsip ya i not gutpela tumas.

"Sapos sempionsip i no gutpela orait, nogat arapela senta i mas kisim hevi, ol Pot Mosbi tasol ya," presiden i tok.





# WANTOK SPOT



## Minista laik Kumul kosa raus

MINISTA bilong Spots Andrew Kumbakor i no amamas long pasin Kumul kosa Bob Bennett i mekim na singaut askim PNG Ragbi Futbol Lig long rausim em long wok bilong em.

Kumbakor i tok Bob em brata bilong wanpela top kosa insait long Nesenel Ragbi Lig long Australia (NRL) Wayne Bennett i gat olgeta samting olsem kosa tasol em i nogat tingting bilong Papua Niugini.

Minista i tok olsem toktok bilong Bennett bipo long ol i salensim Australian Kangaroo i no helpim tingting bilong ol pilaia na dispela i wanpela as Kumul tim i lus nogut tru 82-0 long ol.

Toktok bilong Bennett bipo long tim i go long Townsville olsem nogat wanpela tim i ken winim Australia Kangaroo.

Em i tok "Saiz bilong ol Australia, ol i bikpela, spit na strong moa em bikpela wari bilong mi. Mipela i no laik go na ol i winim mpela long bikpela skoa long hundred."

napela lain long kisim wok kosing. "Mi askim PNGRFL long rausim kosa na tim menesmen," Mista Kumbakor i tok.

Em i tok wanem tim i laik pilai long ovasis nau bai bihainim gut rot. PNG Spot Komisn bai skelim olgeta pepa wok na ol pilaia pastaim bipo ol i ken go makim kantri long intanesenel tonamen.

Nesenel Gavman i givim planti helpim tru long Spot long dabo teks provisen. Kain lo we i kirapim skin bilong ol bisnis long helpim spot long sponsarim ol na bai i no inap baim bikpela takis tumas.

"Inap em inap. Em i taim bilong promotim nesene praed. Taim bilong kisim eksperiens i mas stap na taim bilong mekim samting tru," Minista i tok.

Em i askim tu ol spot long skelim ol spot olsem boksing, weightlifting na martial ats we ol i save kamapim gutpela risait taim ol i go pait o pilai ovasis. PNG Spots Komisn na PNG Spots Federesen i mas traim lukluk na skelim ol yangpela pilaia long makim kantri long bihain taim.

# Ol yut soka tonamen bai kamap

OSANIA Futbol Konfederesen (OFC) i mekim sampela senis long de bilong holim Anda 17 na Anda 20 yut soka tonamen bilong em.

Mausman bilong PNG Futbol Asosiesen Kisakiu Posman husat i stap long OFC miting long Septemba 20 i tokim Wantok olsem de i senis long bihainim program bilong OFC soka kalenda.

Posman i tok Anda 17 soka tonamen sapos long kamap long Januari neks yia tasol nau ol i surikim i kam long Disemba 2-11, 2000. Dispela tonamen ya bai kamap long Apia, Westen Samoa.

Na Anda 20 soka tonamen bai kamap long Noumea, Nu Kaledonia long Januari 25 i go long Februari 2, long 2001.

Papua Niugini stap long sem pul olsem Australia, Solomon Ailans, Westen Samoa, Nu Kaledonia na Amerika Samoa. Long lukluk bilong Posman, Anda 17 tim bai painim hat liklik long abrusim Australia na Solomon Ailans.

Solomon Ailan i gat planti ol yangpela mangi i save pilai gut olsem ol sinia pilaia na dispela bai givim hat taim long PNG.

Insait long Anda 20, Posman i tok PNG i gat gutpela na bikpela sans tru long pilai insait long fainel.

PNG i stap long sem pul olsem Australia, Vanuatu, Cook Ailan,



• Kisakiu Posman.

Westen Samoa na Cook Ailan na Tonga.

Posman i tok ol selekta bilong yut insait long kantri i wok long taitim bun long lukluk long makim ol yangpela pilaia long stap insait long dispela soka resis.

Gabriel Kalus bilong Kimbe bai lukautim NGI rijen, Ludwick Peka na Richard Nagai i lukautim Momase na Joe Turia, John Mogi na Posman yet bai lukautim tim long Pot Mosbi na Sauten rijen.

Ol Anda 20 na Anda 17 tim bilong Pot Mosbi i statim pinis trening wantaim ol kosa bilong ol.




• Kepten bilong Kumul Adrian Lam i apim fleg bilong PNG.

# Em i Gutpela Em i Tuna Em i bilong PNG stret...



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.






*TSUNAMIS affect all of the Pacific countries, also the Caribbean and Mediterranean countries*

# TSUNAMI

## WARNING SIGNS

### History of dangerous tsunamis in PNG

- 1855 Rai Coast, Madang Province
- 1888 Ritter Island, West New Britain Province
- 1895 Buna, Oro Province
- 1930 Bogia to Karkar Island, Madang Province
- 1931 San Cristobal Island, Solomon Islands
- 1998 Aitape to Sissano, Sandaun Province



Sea level may drop before the wave comes





You may hear a roaring sound



EARTHQUAKE

**WHAT To Do?**

**RUN TO A SAFE PLACE!**



**ANY MOVEMENT OF THE SEA FLOOR CAN CAUSE A TSUNAMI**

#### THE WARNING SIGNS OF A TSUNAMI ARE:

1. AN EARTHQUAKE
2. ANY UNUSUAL CHANGE IN SEA LEVEL (commonly the sea level drops before the TSUNAMI wave arrives)
3. A ROARING NOISE

#### IF YOU NOTICE ANY OF THE WARNING SIGNS:

- RUN TO A SAFE PLACE
- DO NOT WAIT TO BE TOLD
- DO NOT WAIT UNTIL YOU SEE THE WAVE THAT IS TOO LATE, BECAUSE THE WAVE TRAVELS AS FAST AS A SPEEDING CAR

YOU ARE SAFE FROM THE WAVE IF YOU ARE MORE THAN 800 METRES FROM THE WATER'S EDGE, OR ARE ON HIGH GROUND.

MOST TSUNAMI WAVES ARE 1 TO 2 METRES HIGH. LESS COMMONLY THE 3 TO 4 METRES HIGH, AND RARELY 10 TO 20 METRES HIGH. THE 1998 AITAPE TSUNAMI WAVES WERE 10 TO 15 METRES HIGH.

IF YOU CANNOT RUN AWAY TO A SAFE PLACE, CLIMB A TREE. PROBABLY YOU WILL BE SAFE.

WAIT AT THE SAFE PLACE FOR SEVERAL HOURS. USUALLY THE TSUNAMI WILL ARRIVE WITHIN 20 MINUTES OF THE EARTHQUAKE OR OTHER WARNING SIGN.

PUBLIC BUILDINGS SUCH AS SCHOOLS, HOSPITALS, POWER STATIONS AND TELEPHONE EXCHANGES SHOULD BE BUILT IN A SAFE PLACE.



# HOW TO SAVE YOUR LIFE!

## BEFORE A TSUNAMI COMES

- \* READ THIS PAMPHLET AND BE PREPARED NOW!
- \* TALK WITH FAMILY AND FRIENDS ABOUT TSUNAMI SAFETY. THIS COULD SAVE THEIR LIVES.
- \* KNOW THE WARNING SIGNS: *SHAKE... DROP... ROAR... RUN!*
- \* WHEN YOU ARE NEAR THE SEA THINK AHEAD:  
*WHAT WOULD I DO IF A TSUNAMI CAME?  
WHERE WOULD I RUN TO?*

## IF YOU BECOME AWARE OF ANY OF THE WARNING SIGNS

- \* RUN TO A SAFE PLACE, IMMEDIATELY!
- \* IF TRAPPED ON LOW GROUND NEAR THE SEA, CLIMB A TREE; YOU MAY BE SAFE.
- \* STAY AT THE SAFE AREA FOR SEVERAL HOURS. REMEMBER MORE WAVES MAY COME.
- \* DO NOT STAY IN A CAR NEAR THE SEA. THE WAVE CAN CARRY THE CAR ALONG, LIKE ANOTHER PIECE OF DEBRIS.

## IF YOU ARE ON A BOAT

- \* IF YOU ARE AT SEA, DO NOT RETURN TO THE COAST UNTIL THE WAVES HAVE CEASED. STAY OUT IN THE OPEN SEA. THERE YOU ARE SAFE.
- \* IF YOU ARE ON A SHIP AT A WHARF OR JETTY, AND THERE IS NO TIME TO TAKE THE SHIP OUT TO SEA, LEAVE THE SHIP AND RUN TO A SAFE PLACE.

## IF YOU ARE CAUGHT BY A TSUNAMI WAVE

- \* SWIM AS STRONGLY AS YOU CAN!
- \* FIND SOMETHING THAT FLOATS AND HANG ON TO IT.



## EMERGENCY INFORMATION

Name:.....

Address:.....

Date of Birth:..... Blood type:.....

Next of kin and how to contact next of kin:.....

School or work place:.....

TSUNAMI ESCAPE PLAN:

### CONTACT NUMBERS:

National Disaster Management Office 24-hour phone 3011111, fax 3254186, email: [ndmo@global.net.pg](mailto:ndmo@global.net.pg)

Rabaul Volcanological Observatory phone 9821699, fax 9821004, email: [rvo@global.net.pg](mailto:rvo@global.net.pg)

Port Moresby Geophysical Observatory phone 3214500 fax 3213976, email: [pmgo@daltron.com.pg](mailto:pmgo@daltron.com.pg)

Geology Department University of PNG phone 3267395 fax 3260369, email: [hdavies@upng.ac.pg](mailto:hdavies@upng.ac.pg)

Prepared jointly by the PNG National Disaster Management Office, the Asian Disaster Reduction Center and the PNG Department of Education, with advice from the Disaster Control Research Center, Tohoku University, the International Tsunami Information Center, Honolulu, the Geological Survey of PNG, and the Geology Department, University of PNG.

Layout by Religious Television Association PNG. Production by Geology Department UPNG. Printed by PNG Printing, Port Moresby.




# TSUNAMI!

## WHAT IS A TSUNAMI?

A tsunami is a series of large waves that are caused by a major disturbance of the sea floor. The disturbance can be a strong and shallow earthquake, a submarine landslide, or a submarine volcanic eruption. Tsunami is the Japanese word for harbour wave.

**SAFETY AT SEA.** In the deep ocean a tsunami travels



harmlessly and at high speed. It becomes dangerous only when it approaches the coast and enters shallow water. There the waves slow down and become steeper.

**SAFETY ON LAND.** Tsunami waves travel at 10-15 metres per second, faster than most people can run. The waves can



smash houses and boats and up-root trees. People caught up in the wave can swallow sea water and may be hurt by logs and roofing iron that are carried by the wave. In the Aitape tsunami some people were carried forcefully into mangrove swamps and others were buried under piles of logs.



**BACKWASH.** Another danger from tsunami waves is that they bring a large volume of sea water on to the land. When the water flows back to the sea it may carry people out to sea.

## OFFICIALS CANNOT GIVE WARNINGS OF NEAR-SOURCE TSUNAMIS.

If a tsunami originates in PNG waters, for example in the Bismarck or Solomon Sea or offshore from New Ireland, it is said to be a near-source tsunami. Most PNG tsunamis are of this type. A near-source tsunami will reach the coast within 10-20 minutes. For example, the Aitape tsunami arrived less than 20 minutes after people felt the strong earthquake. In this case, there is no time for officials to give a warning.

## PEOPLE MUST MAKE THEIR OWN WARNINGS.


Because there is no time to give an official warning, people must make their own decisions. That is why it is important that each person in your school, village or town knows the warning signs and knows what to do. Probably fewer people would have died in the Aitape tsunami if they had recognised the warning signs and started to move inland as soon as they felt the strong earthquake.

## PREPARE ESCAPE PATHS AND SAFE AREAS.

Communities and schools on the coast should plan and prepare for tsunamis. Prepare a safe area, and prepare escape paths so that people can reach the safe area. The safe area should be on high ground, or 1 km from the coast.

## WE CAN GIVE WARNINGS OF FAR-SOURCE

**TSUNAMIS.** If a tsunami originates on the other side of the Pacific, for example from a strong earthquake off South



America, it will take almost a day to reach PNG and Solomon Islands. There will be time to issue a warning. An example is the tsunami that originated off Chile in 1960. This reached the New Guinea Islands and the East Sepik coast 22 hours later as a series of waves 1-2 m high. The same tsunami continued across the Pacific and caused damage and loss of life in Japan.

<< **Tsunami damage at Warapu village, Sandaun Province, 1998.**

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.